

საქართველო

საქართველოს ეროვნულ-დემოკრატიული პარტიის
პერიოდული ორგანო.

L'Organe de la démocratie nationale géorgienne «LA PATRIE»

პარიზი. აპრილი 1932 წ.

№ 11

შ ი ნ ა ა რ ს ი :

1. პირობები იცვლება, ბრძოლა გრძელდება ალ. ასათიანი
2. სტალინის მემკვიდრეობა დ. ვაჩნაძე.
3. ეროვნულ-დემოკრატიულ პარტიის უფროსი ახალ-
გაზრდობის ყრილობის ანგარიში **
4. ერ.-დემოკრატიული პარტიის ახალგაზრ. მუშაობა
ეროვნულსა და პარტ. ასპარეზზედ—მოხსენება ელ. პატარიძე
5. სრულიად საქ. კათალიკოზ-პატრიარქის უწმიდესი
ლეონიდის ეპისტოლე **
6. † პეტრე სურგულაძე **
7. † საქ. პატრიარქი ქრისტეფორე მე-II-ე **
8. ქართული ემიგრაციის ცხოვრება **
9. საეკლესიო ქრონიკა **
10. და სხვა და სხვა **

საქართველო

საქართველოს ეროვნულ-დემოკრატიული პარტიის
პერიოდული ორგანო.

L'Organe de la démocratie nationale géorgienne «LA PATRIE»

აპრილი. 1932.

-- No 11 --

AVRIL. 1932.

პირობები იცვლება, ბრძოლა გრძელდება.

საქართველოს ბრძოლა გრძელდება. წელი-წელს მისდევს და მსხვერპლი - მსხვერპლს ემატება. ამ ახალი ბრძოლისათვის წლის თავი უკვე გავიარეთ და ამ ბრძოლაში გაწეულ მსხვერპლის რაოდენობა კვლავ აღვრიცხეთ და გადავითვალეთ. ის ფრიად დიდია. ხოლო ბრძოლა კვლავ გრძელდება და მისი დასასრულის მიჯნა კვლავ არ სჩანს. ადამიანის ცხოვრების მანძილი მოკლეა, და ბუნებრივია, რომ ათეულ წლის გამუდმებულ და მკაცრი ბრძოლის შემდეგ გადავხედოთ განვლილ ბრძოლის გზას და შევაფასოთ მისი მიმართულება, მიზანი და მიღწეული შედეგები. მაგრამ არა ნაკლებ ბუნებრივია, რომ ასეთი გადასინჯვის შემდეგ საქართველოს ბრძოლა კვლავ გრძელდება ძველი სიმტკიცითა და ახალი გადაწყვეტილებით.

გახანგრძლივებული ბრძოლა ხშირად იწვევს უკან დახევას და დათმობას. მაგრამ მებრძოლ საქართველოს უკვე განვლილი აქვს ეს გზები. საბჭოთა რუსეთის საქართველოში გაბატონების პირველ ორს წელს გამოცდილი იყო ის დათმობისა და შექმნილ მდგომარეობასთან შეგუების პოლიტიკა. თითქოს იყო იმ ხანად ზოგიერთი ისეთი პირობები, რომელთა მიხედვით ქართველ ერს მცირე რამ დადებითი შედეგებისათვის უნდა მიეღწია ამ მიმართულებით. ლენინი ბრძანებას აძლევდა თავის ქართველ ამხანაგებს—საქართველოში ზომიერი და მშვიდობიანი პოლიტიკა აწარმოეთო და თვით ეს მისი ამხანაგებიც, რომელნიც შემოუძღვენ საქართველოში წითელ რუსულ ჯარებს. პირველ თვეებში თითქოს მართლა ცდილობდნენ ამ თავის უდიდესი ეროვნული დანაშაულობის შემსუბუქებას ხალხის თვალში და ლენინის დარიგებას ანგარიშს უწევდნენ. მაგრამ მალე გამოიჩინა, რომ

ასეთს დაპირებებსა და განზრახვებს არ ჰქონდა მაგარი ფესვები. მან ვერ შესცვალა კომუნისტური პოლიტიკის არსებითი ბუნება, მან ვერ შეატრიალა საბჭოთა სისტემის ხასიათი. ამის გამო საქართველოში-დაც დამყარდა ყოველივე ის, რაც საბჭოთა რუსეთის სხვა ნაწილებში არსებობდა. საქართველოში შემოჭრილი უცხო ძალა გულმოდგინეთა და დაჟინებით შეუდგა ჩვენი ეროვნული ცხოვრების ყველა ელემენტების ნგრევასა და დაუძღურებას. და ის კვლავ ამ გზით მიდის. საქართველოს ბრძოლაც სწორედ ამ ეროვნული არსებობის უმთავრეს საფუძვლების დაცვისთვის სწარმოებს. ეს არის ბრძოლა ეროვნული და პიროვნული თავისუფლების ელემენტარული უფლებისათვის, ეს არის ბრძოლა ერისა და მოქალაქის ფიზიკური არსებობისა და მისი განვითარების უმთავრესი ძარღვების დაცვისა და შენარჩუნებისთვის. ერი ცოცხალი არსია და თავის არსებობისათვის ბრძოლა და თავდაცვის ინსტიქტი მასში ისევე ძლიერია, როგორც ყოველს ცოცხალს არსებაში.

ათი წელია, რაც ჩვენი თაობა აწარმოებს, ამ ბრძოლას, მაგრამ ის ათეულ საუკუნეთა მანძილზედ უწარმოებია ჩვენს წინაპრებს საქართველოს ხანგრძლივ მატიანის გზაზედ. ქართველი ერი ვერ გარდიქცევა ცხვრის ფარად, ის ვერ შეუტირგდება საშინელ უცხო უღელს, რომელიც მას ყოველივე უფლება აყრილ, გაღატაკებულ მონად ხდის. ეს მთელი ჩვენი ისტორიის კარნახია, ეს ერის ყველა ცოცხალი ინტერესების გამოძახილია.

ამის გამო არ დგება ერის წინაშე ბრძოლის მიზნისა, მისი გეზისა და მიმართულების შეცვლის საკითხი. ამ ჟამად ერისა და მის ხელმძღვანელ წრეების წინაშე დგას მხოლოდ ისეთი საკითხები, რომელნიც ყოველი ბრძოლის მუდმივსა და მიუცილებელ ამოცანებს შეადგენს. ეს არის ბრძოლის მეთოდის, ორგანიზაციის და პირობების საკითხი. ამ კითხვათა მუდმივ მხედველობაში ქონა, მათი ჯგეროვანი ანგარიში და გონივრული გადაჭრა შეადგენს მებრძოლ ერის ხელმძღვანელთა უმთავრეს მოვალეობას და მით უფრო მძიმეა და საპასუხისმგებლო ეს მოვალეობა, რამდენად უფრო მძიმეა და სახიფათო თვით ეს ბრძოლა.

საქართველომ სამი დიდი აჯანყება გადაიხადა ამ ათი წლის მანძილზედ, მაგრამ ჩვენი ერის განმათავისუფლებელი ბრძოლა ამით არ ამოწურულა. ის მუდმივ ბრძოლას აწარმოებს თავის მიწა-წყალზედ და სხვა და სხვა დროს ამ ბრძოლას სხვა და სხვა ხასიათი ეძლევა. ხშირად ეს ჩვეულებრივი პროტესტია და გაფიცვები, ხშირად ეს გლეხობის გამოსვლაა, იშვიათად სადმე ხილული ქალთა მასსიური დემონსტრაციები და კომუნისტებზე თევდასხმაა. მაგრამ ხშირად ამ

ბრძოლას შეიარაღებული გამოსვლების ხასიათი ეძლევა, საქართველოს სხვა და სხვა კუთხეში გასული რაზმები შეიარაღებულ ბრძოლას აწარმოებენ საბჭოთა ძალების წინააღმდეგ. ასეთი გამოსვლები ხშირად ფრიად ფართე ხასიათს ღებულობდა. ამ ათი წლის მანძილზედ. ასეა მაგალითად ამ ჟამადაც. რამოდენიმე ასი შეიარაღებული მებრძოლი მოქმედებს სვანეთში, ასევე ხევსურეთში, ბორჩალოში, კახეთში და სხვაგან. ყველასთვის ნათელი უნდა იყოს, რომ ასეთს გამოსვლებს ფრიად მძიმე მსხვერპლი მოსდევს. ათის ტყეში გაქრას ასის და ორასის დატყვევება, ჩრდილო ქვეყნებში გადასახლება და ხშირად მრავალი დახვრეტებიც მოსდევს. ამავე დროს ასეთს გამოსვლებს რასაკვირველია არ შეუძლია გადამწყვეტი როლის თამაში ჩვენი ბრძოლის საბოლოო მიზნისათვის. ის მას ვერც მოახლოვებს და მით უმეტეს ვერ გადასჭრის. ძალთა დაზოგვისა და ძალთა მარაგის მოთხოვნილება სავალდებულო ამოცანაა ყოველს ბრძოლაში, მაგრამ მას განსაკუთრებული და გადამწყვეტი მნიშვნელობა აქვს ჩვენი ბრძოლისათვის, როდესაც ერთს მხარეზეა ბუმბერაზი მსოფლიო ძალა და მეორეზე ჩვენი ერი, მუდმივი ბრძოლით ამ ზომად ნაწამები და დანასუსტები.

ამით აიხსნება რომ პოლიტიკური პარტიები, რომელნიც გრძობენ თავის პასუხის მგებლობას ერის წინაშე, ამ სიფრთხილის და ძალთა დაზოგვისაკენ მოუწოდებენ ქართველ ერს. მაგრამ პარტიების ასეთს დარიგებებს რომ დიდი შედეგი არ აქვს და სტიქიური შეიარაღებული გამოსვლები კიდევ უფრო მრავლდება, ეს არავის უნდა აკვირვებდეს. ვისაც უმუშავნია საქართველოში აჯანყებების ხანაში, მისთვის ეს სახსებით გასაგები იქნება. ამ ბრძოლაში უდიდესი მნიშვნელობა ჰქონდა ერის სულისკვეთებას, მის სულიერ განწყობილობას. კომუნისტური რეჟიმის სიმძიმე და სიმკაცრე, მისი დაუზოგავი და უხეში ძალდატანება ერის ეკონომიურ ცხოვრებაზე და მის სინდისზე სტიქიურ რეაქციას იწვევდა ერში და ეს ხშირად შეიარაღებულ ბრძოლის ხასიათს ღებულობდა. ასეთი. მძიმე რეჟიმის ხანაში ქართველს ერში მუდმივად მოიპოვება ფრიად მრავალრიცხოვანი წრეები. რომელნიც ყოველ წუთში მოელიან საბჭოთა აპარატისგან მკაცრ რეპრესიებს, ციხეს, გადასახლებას, დახვრეტებს. ბევრი ამათგან თავის ხვედრს ურიგდება და მოთმინებით უცდის მწარე განკითხვის ჟამს, მაგრამ ბევრი არჩევს იარაღის აღებასა და ამ გზით თავდაცვის წარმოებას. ძნელია ასეთს პირობებში სიტყვიერი დარიგებებით მათი შეჩერება. მით უმეტეს, როდესაც საბჭოთა საქართველოში ფრიად გაძნელებულია არა კომუნისტურ წრეებთან მუდმივი კავშირისა და ურთი-ერთობის დამყარება.

ამ რიგად სტიქიურ გამოსვლათა მთავარი მასაზროდობელი ძალა არის დაუზოგავი რეპრესიების სისტემა. ამის გამო ამ სტიქიონის მნიშვნელოვნად შესუსტება თუ შეჩერება არ შეიძლება ვინმეს რჩევითა და დარიგებითა, არამედ მხოლოდ და მხოლოდ ჯოჯოხეთური რეჟიმის შეცვლით.

მსოფლიო ომის შემდეგ შექმნილ პირობათა გამო კიდევ უფრო გაძლიერდა ერთა და სახელმწიფოთა ერთმანეთისაგან დამოკიდებულება, უდიდესი სახელმწიფოებიც ვერ ავგარებენ თავისი საკუთარი ძალებით არამც თუ რთულ საგარეო საკითხებს, არამედ მნიშვნელოვან თავის შინაურ ფინანსურსა და ეკონომიურს საქმეებსაც. მით უმეტეს დიდია საქართველოს განმათავისუფლებელი ბრძოლის დამოკიდებულება ამ დიდ საერთაშორისო კომბინაციებისაგან. ასეთი ვითარება კიდევ უფრო განმტკიცებულია იმ გარემოებით, რომ ჩვენი დამოუკიდებლობის წამქცევი ძალა, საბჭოთა რუსეთი, შეურიგებლად არის დატაკებული და დაპირდაპირებული მთელს კულტურულს კაცობრიობასთან.

ორი უმთავრესი საფუძველი აქვს ამ მსოფლიო დავას. ერთია საბჭოთა რუსეთის იმპერიალიზმი. ამ მხრივ მან დიდათ გადააჭარბა მეფის რუსეთის იმპერიალისტურ პოლიტიკას. მან არამც თუ დაიპყრო და შეუერთა რუსეთს რევოლიუციის ხანაში დამოუკიდებელ სახელმწიფოებად მოწყობილი განაპირა ქვეყნები, არამედ ახდილად შეიჭრა აზიის ყველა ქვეყნებში—მცირე აზიაში, ავღანისტანში, ინდოეთში, ინდო-ჩინეთში თუ ჩინეთში და იქ ევროპის სახელმწიფოთა პოლიტიკურ და ეკონომიურ გავლენის დამხობა განიზრახა. ევროპაც შეუდგა ამ ახალი რუსული იმპერიალიზმის წინააღმდეგ ძალთა დარაზმვას და ამ ჟამად რომ იაპონია გამოდის ასპარეზზე, ეს ამის გამოძახილია.

მეორე ნიდაგი, სადაც კომუნისტურმა რუსეთმა ბრძოლა გამოუცხადა მთელს კულტურულ კაცობრიობას, ეს არის ბრძოლა კაპიტალისტური სისტემის დანგრევისათვის მთელს მსოფლიოში. კომუნისტური რუსეთი შეიჭრა ევროპის კაპიტალისტურ ქვეყნებში სოციალისტური რევოლიუციის ქადაგით და ბოლოს კაპიტალისტური ქვეყნების ეკონომიურად დაუძლიერების განზრახვებით დემპინგის საშვავლებით. ევროპის ქვეყნებმა სათანადო წინააღმდეგობა გაუწიეს კომუნისტურ რუსეთის ასეთს აგრესიობას. მაგრამ დღემდე ეს ხდებოდა ცალ-ცალკე და განკერძოებულად. არის ნიშნები, რომ მომავალში მას უფრო შეთანხმებული და გაერთიანებული ხასიათი მიეცემა. საფრანგეთის დიდმა პოლიტიკურმა მოღვაწემ ტროცკიმ ჯერ ორი წლის წინეთ გამოსთქვა აზრი, რომ კომუნისტურა

საფრთხე მსოფლიო მოვლენაა და ის მხოლოდ საერთო საშვალეებით გადაწყდება. ევროპის სახელმწიფოთა მეთაურებს უთუოდ გათვალისწინებული ექნებათ ასეთი გეგმები. ამ მიმართულებით ფრიად მნიშვნელოვანი შედეგი ექნება საფრანგეთის გეგმას, რომ ნაციათა ლიგას საკუთარი შეიარაღებული ძალა გაუჩინონ. უკეთეს ეს პროექტი განხორციელდა. არა ნაკლებ მნიშვნელოვანი იქნება ტარდიეს გეგმის განაღდება შესახებ დანიუბის ხუთი სახელმწიფოს ერთს ეკონომიურ კონფედერაციაში გაერთიანებისა. ამ გეგმით ავსტრია და უნგრეთი, რომელნიც ასე დაახლოვებული იყვნენ საბჭოთა რუსეთის ფაქტიურ მოკავშირე გერმანიასთან, მის განსაკუთრებული გაუღენისაგან თავისუფლდებიან და საბჭოთა რუსეთის მოპირდაპირე ბანაკში ემწყვდევიან. მაგრამ ამ გეგმაში არ არის გერმანიის გარიყვის ცდა. ამ გეგმის განაღდებისათვის საფრანგეთის, ინგლისის, გერმანიისა და იტალიის შეთანხმებაა განზრახული და თუ ეს განხორციელდა, ეს იქნება გერმანია-რუსეთის მეგობრობის დასასრული. ტარდიემ განაცხადა ლონდონში, რომ მისი პროექტი ფართედ ეხება ევროპის მდგომარეობას და კიდევ უფრო შორს, მსოფლიო საქმეებს...

ჩვენ ვერ ვიკისრებთ წინასწარმეტყველობას იმის შესახებ თუ როგორ გადაწყდება საბოლოოდ ამ ორი დაპირდაპირებული მსოფლიო ძალის ბრძოლა: იარაღით, ხანგრძლივ ეკონომიური ბრძოლით. თუ საბჭოთა რუსეთის უკან დახევით და მათ კაპიტალისტურ მსოფლიოსთან ზავის დამყარებით. ჩვენზე არ არის დამოკიდებული ამ შესაძლებლობათა შერჩევა. ქართულ პოლიტიკას ნავარაუდები უნდა ჰქონდეს ყველა ეს შესაძლებლობანი და იმან ყოველს გარემოებაში უნდა ეძიოს თავის მიზნების მაქსიმალურად განაღდება.

ამ უდიდეს მსოფლიო საკითხებში ჩვენი საქმე მცირე რამ არის და მისი განაღდება არც ერთს ზემოდ მოყვანილ შემთხვევაში არ არის შეუძლებელი. საქართველოს თავისი ადგილი აქვს ამ მსოფლიო დაპირდაპირებაში და ის გაცილებით უფრო დიდია, ვიდრე ეს შეეფერება ჩვენი მიწა-წყლის სივრცეს თუ მცხოვრებთა რიცხვს. ასეთი ვითარების ჯეროვანად გამოყენება, და ყველა შესაძლებლობისათვის მზადყოფნა საჭიროებს პოლიტიკურ მუშაობას უფრო დალაგებულსა და მოაზრებულს, ვიდრე ეს იყო აქამომდე. გვითქვამს და კვლავ გავიმეორებთ ნაპოლეონის ბრძნულ სიტყვებს, რომ მსოფლიოს ორი ძალა ჰმართავს—მახვილი და აზრი, მაგრამ დროთა სივრცის მანძილზე აზრია, რომელიც პირველობს. ჩვენს პოლიტიკას სწორედ ეს მეტი აზრი სჭირია, მეტი გონებრივი შემოქმედება, ბრძოლის პირობათა მეტი შესწავლა და ანგარიში. ქართულ პოლიტიკურ ემიგრაციას აქ დიდი ასპარეზი აქვს და არა მარტო მიმდინარე ბრძოლის საქმისათ-

ვის; რამდენი მომავლისათვის საჭირო და სასარგებლო კავშირისა და ურთიერთობის დამყარება შეიძლება, თუ ამის უნარს გამოვიჩინთ! რამდენი სასარგებლო კულტურული მუშაობის გაწევა შეიძლება და კერძოთ პოლიტიკაშიც დიდათ გვაკლია ჩვენ ეს პოლიტიკური კულტურა და დიდათ გამოგვადგება დაწინაურებულ ხალხთა პოლიტიკური ცხოვრების დაკვირვება, შეგნება და შეთვისება. რამდენი ახალი საკითხია აღძრული და დამუშავებული სხვათა მიერ, რამდენი პრობლემა გვაქვს გასარჩევი და გადასაჭრელი თვით ჩვენ, ჩვენი ქვეყნის შესახებ! საქართველოში ჩაკლულია პოლიტიკური აზრი, ემიგრაციაში მაინც უნდა ცოცხლობდეს ის.

როგორც აქტიური ბრძოლის საქმე მოითხოვს ძალთა ერთობასა და თანხმობას, ისე ამასვე საჭიროებს ეს მეორე სფეროც. დაშლილად, დაქაჩსულად და უგეგმოთ აქაც ვერაფერს გავხდებით.

განსაკუთრებულად სახიფათოა ამ ახალს პირობებში დატოვება იმ ფრიად გამწვავებული დამოკიდებულებისა, რომელიც არსებობს ქართულ პოლიტიკურ წრეებში. შინაური ბრძოლა მეტად შორს მიდის. მას უკვე საზღვრები აღარ უჩანს. ერთმანეთის დაშლა-დაუძღურებისათვის მუშაობა, ერთმანეთის ზნეობრივად შელახვა და სახელის გატეხა ფრიად დიდს ადგილს იჭერს ემიგრანტულს საქართველოში. ამ გზით სრული დაქაჩსვა და პარალიზაცია გვდარაჯობს და დროა გონზე მოსვლა და შეჩერება. ჩვენი მიზანი—ისეთი ერთობის შექმნა, რომ ჩვენი პოლიტიკური ემიგრაცია რკინის სალტებით იყოს შეკრული ერთს სურვილსა და ერთს მოქმედებაში არ არის ადვილად მისაღწევი. მისთვის ხანგრძლივი მარაგი და მზადება არის საჭირო. მაგრამ ერთი მნიშვნელოვანი ნაბიჯის გადადგმა მაინც უნდა მოვახერხოთ ამ მიმართულებით. პოლიტიკური მოქმედების სრულიად ელემენტარული წესებისა და ნორმების მიღება და სავალდებულოდ გახდენა მაინც უნდა შევქოთ აქედანვე. ესეც საკმარისი იქნება იმისთვის, რომ მიყუჩდეს და მინელდეს ჩვენს ემიგრანტულს ცხოვრებაში აშლილი პირადული თუ ჯგუფური ღვარძლი, და სხვა მდებალი გრძნობები, რაც მასში პოლიტიკურ საქმედ და მოღვაწეობად საღდება.

ამის შემდეგ შესაძლებელი გახდება გაზრდა და გაფართოვება შეთანხმებული აზრისა, საქმისა და ორგანიზაციისა.

ეს კითხვები ჩვენ ფართედ დავაყენეთ გასული წლის გაზაფხულს და ვერ ვიტყვით, რომჩვენ კმაყოფილი ვიყოთ მისი შედეგებით. ეს კიდევ იმას მოწმობს, რომ ჩვენი პოლიტიკური ცხოვრება მძიმედ არის დასწეულბული და არა მხოლოდ გარეშე პირობების მიხედვით. ყველა ჩვენი ძალა და შესაძლებლობა უნდა ავამოქმედოთ ამ ჯადო-

სწორი წრის გადალახვისათვის. ჩვენი პოლიტიკური საქმე ამ ჟამად ისეთს ყოფაშია, რომ მისი აღდგენა და გაცხოველება ხორციელადა და სულიერად შესაძლოა მხოლოდ განსაკუთრებული საშუალებებით—და მათ შორის მთავარია პოლიტიკურ წრეთა გონებრივად გამოფხიზლება და მათი აზრისა და ნებისყოფის ეხლანდელ მიდუნებულ ყოფისაგან გამოყვანა. ის რომ ამ ჟამად წვრილმანებზე თავს იტყვს, ხოლო მთავარსა და რეალურად გასაკეთებელ საქმეებს ივიწყებს, ეს მხოლოდ იმით აიხსნება, რომ ის ასეთს დებრესიას განიცდის. საჭიროა ამისი გადალახვა. ეს სავსებით შესაძლებელია. საქართველოს ბრძოლა. ათასთა თავგანაწირვა და წმინდა მსხვერპლი დაუშრეტელი წყაროა იმ სულიერი სიმტკიცისა, რომელიც შეუსუსტდა ემიგრაციას. საერთო ძალით, ერთმანეთის სულიერად გამაგრებით, გაწეულ მსხვერპლის მოგონებით, და ჩვენი ერის ეხლანდელი მწარე ხვედრის მუდამ ხსოვნითა კვლავ გაცხოველდება ის რაც მიღუნდა დროებით,, ქართული ემიგრაცია კვლავ აღიჭურვება მტკიცე აზრითა და ნებისყოფით. და ამას მოითხოვს გარდაუვალი მისი მოვალეობა ერის წინაშე.

აღ. ასათიანი.

სტალინის მემკვიდრეობა

მახსოვს, მოსკოვის ბოლშევიკურ ჯარების შემოსევის მესამე დღეს, თბილისის კედლებზე გაკრული, შავ ასოებით აწყობილი, ბრძანებითი დეპეშა:—არ შეიტანოთ საქართველოში ძალადობითი მეთოდები რუსულ ბოლშევიზმისა... ნუ ახლებთ ხელს ქართულ ინტელიგენციას... ამ დეპეშას ხელს აწერდა რუსეთის ახალი ბრძანებელი, ჩამომავლობით ყაზანელი თათარი, ლენინი-ულთანოვი.

ცოტა ხნის შემდეგ დაპყობილ საქართველოს ციხეები გაიტენა ათასობით დატუსაღებულ მოწინავე ქართველებით.

ამ ამბავის ავტორი ბრძანდებოდა ლენინის მარჯვენა ხელი. ჩამომავლობით ქართველი, სტალინი-ჯულაშვილი.

ქართულ ისტორიის ამ უდიდეს რენეგატის დიდი პოლიტიკური კარიერა შეამზადა ერთმა თვალსაჩინო ქართულმა დატამ:

1921 წელს, თებერვალში, ლენინის სურვილის წინააღმდეგ, ეგორი-პუგაჩევის წითელ ურდოების თანახმობით, ჯულაშვილის ქართველი კომუნისტური ჯგუფი ვერაგულად თავს დაესხა ქართველ ხალხს, დაანგრია მისი თავისუფალი სახელმწიფო და მიართვა მოსკოვის ისტორიაში იშვიათად ხილული ნადავლი: 8 მილიონი

ქართველ-კავკასიელი ყმა და მათგან მთლად ჩამორთმეული საკუთრებანი—ნავთი, შავი ქვა, მადნები და მთელი მათი მეურნეობის სარჩო-საბადებელი.

— ყენის წყალობაც კი ქართველის ღალატმა შეგვიგინაო... ამბობდნენ ძველად ჩვენს ხალხში.

მაგრამ საქართველოს „შეგინებამ“ გზა გაუხსნა სტალინ-ჯულაშვილს წითელ მოსკოვის ტახტისაკენ.

1923 წ. მიწურულში ყენი ლენინი მოკვდა და მის შემდეგ. 1924 წ., როდესაც სტალინმა საქართველოს ამბოხება ქართველ ხალხის სისხლში ამოაღრჩო, ახლა ნამსახურეად ჩაბრძანდა რუსეთის ბატონების კრემლის სავარძელში სრულ უფლებიან დიქტატორის როლში.

უკვე რვა წელიწადია, რაც სტალინი მოსკოვის სიმალიდან თვითმყრობელად განაგებს რუსულ ხიშტით კვლავ აყენებულს რომანოვების ყოფილ იმპერიას და მის საზღვრებში მობინადრე სხვა და სხვა ტომის მრავალ მილიონ ადამიანთა ბედს.

მეხუთე წელია, რაც სტალინმა ეს მილიონი ადამიანები გადააქცია საქონლად, დაანაწილა ფარებად და ჯოგებად, შერეკა ფარეგომებში და ნაგანებით შეიარაღებულ ჩეკისტებს უმოწყალოდ ჰკრეჭს, აწველინებს და ჯიუტებს ხერტს.

ვისთვის? ვითომ კომუნისტურ „დიდი“ იდეების განხორციელებისათვის, რომელიც ჯერ ლენინის „ნებმა“ დაამარცხა და ეხლა სტალინის „ხუთწლედის გეგმის“ ჩაშლამ აშკარად დაასამარა?

განა ისეთი ბრიყვია დღევანდელი მოსკოვის დიქტატორი, რომ მართლაც სჯერა პასიურ, უდისციპლინო და ამიტომ მუდამ დაქვეითებულ რუსის ხალხის სოციალისტური მესიანიზმის ცხოველყოფობა?

რომ ამ ჩამორჩენილ სლავიანურ რასას შეეძლოს განხორციელება კომუნისმის ფანტასტიური გეგმებისა—ააგოს და ააწყოს ახალი „ფოლადისებური სიმაგრის და სიწმინდის სამსოფლიო სოციალისტური შენობა“?

რასაკვირველია სტალინს დღეს ეს აღარ სჯერა, რადგან მის ხელთაა დაგროვილი მრავალი საბუთი რუს კომუნისტების სიკოტორისა „სოციალისტურ აღმშენებლობის“ თითქმის ყველა დარგში. და პირველი დემონსტრაციული საბუთი ამ რუსულ სიკოტორისა განა ის არ არის, რომ ამ მილიონიან რუსობის ბრძანებელი ქართველი ჯულაშვილია?

ან და ის რომ საბჭოთა სამართვლოს აპარატის მთავარი ხელმძღვანელი არა რუსებია და ამასთანავე საბჭოთა დაწესებულებანა

გატენილი ევროპა-ამერიკაში ნაქირავები მხედრებით, ინჟინერებით, ფაბრიკანტებით და... მუშებითაც კი...

ცხადია არ სჯერა... მაგრამ რუსულ რევოლუციურ ნილილისტურ ქარიშხალით უცბად თავბრუდამსხმელ სიმადლეზე ატანილს სტალინს ახლა სწამს თავისი საკუთარი მესიობა, ისევე, როგორც ქვეყნის დასაბამიდან გაჩენილთ, თავისი მესინისტური როლი ყველა დიქტატორსა სწამდა...

აღბად დიქტატორი სტალინი სწორედ თავის სასარგებლოდ ანგარიშობს რუსის გლეხის უილაჯობას, მის ყველაფრის ამტანლობის და იმედი აქვს რომ მე-20-ე საუკუნეშიც ის პირუტყვეულ მდგომარეობასაც შეურიგდება და სტალინის დიქტატურის სახეიროდ დაუსრულებლივ უზიდავს ტვირთს.

მაგრამ გავსინჯოთ ეხლა სტალინის დიქტატურის მთავარი საბუთების ფასი.

ღვეწყით შინაურ მდგომარეობის საბუთების ანალიზით.

დღევანდელ საბჭოთა ქვეყანაში მარტო რუსები არ სცხოვრობენ (70 მილიონამდე არა რუსია); თუ მოსკოვიაში მოსახლე ველიკოროსების სათემო წესწყობილების ტრადიცია გარეგნულად სტალინის კოლხოზურ პოლიტიკას ზურგს უმაგრებს, დანარჩენ ერების მესაკუთრე გლეხობა ამ ზურგს დღეს-ხვალ მაინც გაუტეხავს.

რადგან ანტიკოლხოზური მოძრაობა არა რუს გლეხობაში იმდენად მაგარ ფესვიანია, რომ მის ამოგდებას ათ სტალინსაც ვერ ძალუძს. სწორედ ამას უფრთხოდა ლენინი და გლეხების დასამშვიდებლად „ნეპიც“ შემოიღო... ამას ვერ მიხვდა მისი მოწაფე სტალინი.

მისმა კოლხოზურმა პოლიტიკამ არა რუსი გლეხობა ახლად მთლად, ღრმად და საბოლოოდ ეროვნულ განთავისუფლების კალაპოტში მოაქცია. არასდროს ამ ხალხებს ისე არ სურდათ რუსეთის ყოველ გავლენისაგან განწმენდა და მოშორება, როგორც დღეს.

ამისი მრავალი საბუთი ჩვენც გვიბყრია ხელში. მაგრამ არც რუსის გლეხობა ყველაფერში გაჰყვება სტალინს... იმედი ნუ ექნება. მოსკოვის ხალხი ძველიდან ჩვეულია მეზობლების ცარცვა-გლეჯას. თუ მეზობლების სარჩო-საბადებლის წასართმევად მას ვინმე წაიყვანდა—წაჰყვებოდა. თუ მისგანაც წართმევას მოინდომებდა პალოზე ჩამოასვამდა...

დღემდის რუსის გლეხობა გატრუნულია. სტალინი სცარცვამს განაპირა ქვეყნებს და უზიდავს მათ საკვებს... მაგრამ ეს „უილაჯო“ გლეხობაც თავის ჭკუაში აღბათ ანგარიშობს: გამოთლეველი არაფერია. 13 წელიწადია უმოწყალოდ იცარცვება განაპირა ერები. დღეს-ხვალ სტალინს საფანტი შემოეღევა და მაშინ ჩვენ მოგვადგე-

ბა... და ალბათ ისიცა აქვთ ნაანგარიშევი, ამ შემთხვევაში, საითკენ მოუფრინონ სტალინის კისერი...

რუსის ხალხის ისტორიამ იცის ასეთი კვანტები! ვერაფერი დასაყრდნობია სტალინის წითელი ჯარიც. ყველა ჯარის ბურჯად ითვლება ღონიერი და ერთგული გლეხობა... სოფელი. ეს სამხედრო წესწყობილების ანბანია.

საბჭოთა იმპერიის მთელს სივრცეზე სტალინმა წააქცია გლეხი, გაანადგურა სოფელი.

გარეგნულად „ევროპული და ბრწყინვალე“ წითელი ჯარი—უხერხემლოა.

ჭიკაყვალაც კი ბრწყინავს მზეზე, მაგრამ ერთი ფეხის მოსმით ისრისება...

ამისთანა ვამბუკურ ჯარით შესაძლებელია კიდევ დაშინება ჩეკაში ნათრევ, ღონე მიხდილ, მშიერ და საბრალო საბჭოს მცხოვრებლისა და არა მსოფლიო ქვეყნების ზურგმაგარ, ეროვნულ რევოლუციარულ, ყველაფრით მდიდარ, არმიებისა... მით უფრო უიმედოა მათზე გამარჯვება...

მაგრამ ვერც შინ გამოადგება სტალინის დიქტატურის ასეთი უსულო და უზურგო ჯარი. თუ დადგა მომენტი შინაური დიდი დაკა-დაკასი, ვინ იცის საითკენ იბრუნებენ ხიშტებს ბუდიონი, ვოროშილოვის და ბლიუხერის სალდათები... უნდა ვიფიქროთ—სოფლის საშველად. ასე იყო და იქნება. რევოლუციებს ქალაქები იწყებდნენ და სოფლები აღვირახსნილ რევოლუციონურ დიქტატურებს თავებს აგდებინებდნენ...

რევოლუციის წითელი ჯარები კი ამ შემთხვევაში მუდამ სოფელს მხარს უმაგრებდნენ.

ახლა ერთი თვალთ შევიხედოთ სტალინის საბჭოთა პოლიტიკის შემქნელ უძლეველ მონოლიტურ კომუნისტურ პარტიის წიაღში.

აქაც დღეს ყველაფერი რიგზე არ ყოფილა. სხვა მასალებს რომ თავი დავანებოთ, საკმაოა გულმოდგინე და ყურადღებით საბჭოთა პრესის გადაკითხვა.

დაუსრულებელი, ყოველდღიური ოთურმა კომუნისტ მოხელეებისა... სოკოოვსავით უეცრივ აღმოხეთქილი სხვა და სხვა ახალი გადახრანი (უკლონისტობა. ექვს თვეში მე დავეითვალე 21)... გაუთავებელი „წმენდები“, პარტიდან გარიცხვები, ერთმანეთის დაბეჭდება, ჭამა, უბოლო განხეთქილებები და სხვა...

დღევანდელ კომუნისტურ პარტიის შინაურ არე-დარევის პროცესი მხოლოდ სტალინის დიქტატურას ემუქრება.

ერთს მოგზაურს, აფრიკაში, ღამე ერთ სოფლის განაპირა სახლ-

ში დაუძინია. დილით რომ გამოიღვიძა სახლი თავს აღარ ედგა. ლამის განმავლობაში ჭიანჭველებს (ტერმიტებს) იგი მთლად შეუჭამიათ. ძლივს თვითონ თავს უშველა.

სტალინის დიქტატურას ეს მოელის. რუსი კომუნისტი ტერმიტები ერთს ბნელ ღამეს (ასეთიც მალე დაუდგება სტალინს) შემოაჭამენ მის დიქტატურის შენობას.

მხოლოდ სტალინი თავს ველარ უშველის, რადგან იგი თავის „მოგზაურობაში“ ძალიან შორს გაიჭრა. მაგრამ ამ უძირო, დამსკდარ კომუნისტურ შენობას, სტალინმა იქნებ გარედან მოაშველა და მიუდგა მას მაგარი ბოძები?

ეს 13 წელიწადია რომ კომუნისტი ახილი თუ საიდუმლო აგენტები დათარეშობენ მთელ მსოფლიოში და ყიდულობენ პრესას, გავლენიან პირებს, ჯგუფებს... გააბეს ქსელი პოლიტიკურ ინტრიგებისა (ქვეყნების ერთმანეთზე წაკიდებისათვის), მოაწყვეს შეთქმულებანი, თავდასხმები და ბევრგვარი ასეთი ფარული და ვერაგი საქმენი

ყველა ეს მსოფლიო კომუნისტურ რევოლუციის მოსახდენად... ვიანგარიშით სტალინის „საგარეო პოლიტიკის“ ეს მიღწევანიც, ჯერ ევროპაში:

საფრანგეთში „კომუნისტურმა საფრთხემ“ მემარჯვენე რესპუბლიკანელების ბატონობა გაამეფა და მცირე რიცხოვანი ფრანგი კომუნისტები სოროში შეაძვრინა. ამავე მიზეზებმა ინგლისში დიდი მარჯვენა მოუპოვა უკანასკნელ საარჩევნო ბრძოლაში კონსერვატორებს და დაამარცხებინა ძლიერი მემარცხენე ფრონტი ლიბერალ-მუშათა პარტიისა. ინგლისელ ასიოდე კომუნისტს უსაღსრობისა გამო უკანასკნელ დღეებში დაეკეტად ერთად-ერთი კომუნისტური გაზეთი.

გერმანიაში ანტიკომუნისტურ რეაქციამ ჰიტლერს 11 მილიონი ფაშისტი შეუქმნა და ჰინდენბურგის 18 მილიონი რესპუბლიკანელ დარაზმმა. დღეს გერმანიის მემარჯვენე ძალას 30 მილიონი ადამიანი ჰყავს. შეიარაღებული არა მხოლოდ იდეებით და პროგრამებით (მილიუკოვ-კერენკებსავით) არამედ მიტრალიეზებით, ჯავშნოსნებით და ტანკებით. ასე უპასუხა მოსკოვის ფულით ნაქირავებ უხერხემლო 5 მილიონ გერმანელ კომუნისტურ ხროვის წითელ მუქარას გერმანიის ხალხმა.

კომუნისტურ მოსკოვის სიახლოვემ, პოლონეთი მთლად სამხედრო ბანაკად აქცია.

რუმინიამაც თარ-ჭიანურები თოფ-ზარბაზნებად გადააკეთა და სიგურანცის დიქტატურა დააწესა. კომუნისტების მცირე ჯგუფების ცხოვრება ამ ქვეყნებში სწორედ რომ შესაბრაღისია.

დანარჩენ ევროპის ქვეყნებში კაი ხანია რაც კომუნისმის საშიშროებამ სხვა და სხვა დიქტატურები დააწესა.

ბალკანეთის სამეფოები მისგან ეკლიან მავთულით შემოეღობნენ.. რამდენი ქვემძრომი კომუნისტი ამ ეკალს წამოეგო! ვინ დასთვლის?

მუსოლინის სამფლობელო ფაშისტურ იტალიაში კომუნისტები წამლად აღარ მოიპოვებინან.

მოსკოვის სასკანდალოთ ისპანიის რევოლიუცია უკომუნისმით: ჩატარდა. სადაც კომუნისტებმა თავი წამოაჭყვეს—თავში ჩაჰკრეს და ჩააჩოქეს. და როგორც უკანასკნელი საუკეთესო მაგალითი ევროპაში დაწყებულ ანტიკომუნისტურ-მარქსისტულ რეაქციისა, საბჭოთა მეზობელ პატარა ფინლანდიის ლაპპოვისტების მოძრაობა მოწმობს.

ევროპის ყველა ერები მოითხოვენ მტკიცე, მაგარ მთავრობებს, მოსკოვის კომუნისტების გავლენის აღმოფხვრისარვის... შედეგებიც ასეთ მოძრაობისა ცხადია მალე ჩამოყალიბდება საერთო ფორმულაში: საერთო ბრძოლა, საერთო მტერს!

ამიტომ ნულარ მოელის სტალინი ეხლანდელ ევროპისაგან (არც უკანა კარებიდან) რაიმე საკვებ-კრედიტებს. მისმა უფუნურმა დემპინგის პოლიტიკამ საბოლოოდ ევროპის დიდი ვაჭრებიც დააფრთხო და მთავრობებსაც შემოაღებინა განსაკუთრებული თავდაცვითი წესები.

ინგლისმა უბასუხა პროტექციონისმის აღდგენით.

საფრანგეთმა ჩეხოსლოვაკებ-ვენგრებ-იუგოსლაველების ქვეყნების ფინანსიურად გამაგრებით ე. ი. შუა ევროპის ფეხზე დაყენებით.

ამ ევროპის ბარიერებს ვერც სტალინის დემპინგი, ველარც ბუდიონის კავალერია გადალახავს...

სტალინის „ხუთ წლედის“ გეგმაც სამარეში ჩაეყუდა. ალბათ ის ფიცრები, რომელიც უკანასკნელად სტალინმა ინგლისში შემოაპარა, ამ „ხუთ წლედის“ კუბოს ფიცრებია. საბჭოთა სამეფოს მკვდარი კომუნისმი უფიცროთაც ჩამიწდება.

ამნაირი შედეგები გამოიღო სტალინის კომუნისტურ პოლიტიკურ-ფინანსიური ექსპედიციებმა ევროპაში.

ახლა ვნახოთ რას მიაღწია მან აზიაში:

— თავგმა თხარა-თხარაო—კატა გამოთხარაო—ნათქვამია.

აზიაში კომუნისტურმა ნაცარქეჩიობამ სტალინის თავგურ დიქტატურისა—იაპონია ციმბირში ამოუთხარა.

ჯერ დაიწყო „თხრა“ ახლო აღმოსავლეთში... სპარსეთში დიქტატორი რიზა-ხანი ამოასკუპა და ოსმალეთის დიქტატორის მუსტაფა ქემალის გვერდზე დაასკუპა... ცნობილია ამ ქვეყნებში კომუნისტებს



ელაპარაკებიან—თოკით.

მერე ინდოეთს მიადგა. განდისტური ეროვნული მოძრაობა ჩაიხალჩო. ლონდონის „რევალუციონერი“ კონფერენციაზე მხატვარმა განდის დამარცხება გავლენიან ინდოელების საქმეა. ბოლშევიკურმა საფრთხემ დააშინა ინდოეთის ერების მეთაურები და ხელი ააღებინა ინგლისის წინააღმდეგ ბრძოლაზედ. გამნარტოვებული განდი მთელი თავისი ოჯახით რამზეი მაკლონალდმა სატუსალოში ჩაამწყვდია.

ინდო-ჩინეთმა (საფრანგეთის კოლონია) მოსკოვის ფულით და-რაზმული ასიოდე კომუნისტების გამოვლამ აუშალეს ანგარიშები წესიერად მიმდინარე ეროვნულ მუშაობის ადგილობრივ ნაციონალისტებს და დააკარგინეს ის მიღწევანი, რომელნიც მანამდის ხელში ჰქონდათ...

სუნიანტენის დიდი შრომით და ბრძოლით შექმნილ უზარმაზარ ჩინეთის რესპუბლიკაში სტალინის კომუნისტურ ბროდიაგებმა ისეთი აწეწ-დაწეწვა შეიტანეს, ისე დაასუსტეს შინაური სამოქალაქო ბრძოლითა, რომ ერთს თვეში იაპონიამ უბრძოლველად წაათლა ჩინეთს მისი უმდიდრესი და უღონიერესი ვეებერთელა ნაწილი... მანჯურია.

მაღე ჩვენ მოწმენი გავხდებით, რომასევე უბრძოლველად იაპონია ჩაიგდებს ხელში წყნარ ოკეანეს მთელს ნაპირს და დაეპატრონება აღმოსავლეთ ციმბირსაც, სადაც მოსახლეობენ მისი მონათესავე მონღოლთა ერები.

ამრიგად სტალინის საგარეო მოქმედებამ ევროპა-აზიაში მსოფლიო რევოლიუციის მაგიერ მძვინვარე მსოფლიო რეაქცია წარმოშვა ე. ი. დასაყრდნობ ბოძის მაგიერ—დარაზმულ მტრის კეტი.

საიღამ, ვინ დაარტყამს პირველი ეხლა თვითონ სტალინმა იანგარიშოს.

რაც მოვივა დავითაო ყველა შენი თავითაო

ის ფრთხილი ყაზანელი თათარი ულიანოვი, რომ მის ადგილას ყოფილიყო ამისთანა ფათერაკი არ დაემართებოდა. ის თავს არ შეირცხვენდა პატარა უწყინარ საქართველოს თავისუფლების მრავალ მილიონიან რუსული ქუსლებით გასრესვით... თავიდანვე ეს მიადგებოდა მაღალ ღობეს... მაღალიც ხომ ის არის, რომ მას მოერიო. სახელსაც მოიხვეჭ და სახრავიც შეგრჩება.

გორელ ძველ მოკრივეს კობა ჯულაშვილს ეს მთავარი დებულება ყოველი კრივისა ანგარიშიდან გამოეპარა.

სტალინი დაერიდა მაღალ ღობეებს... და მოუნდა დაბალ და მგარ თავისუფლებისათვის მებრძოლ საქართველოს ღობის დაშლას...

ამაში დროც წაუხდა, სახელიც და სახრავიც, და თვითონ გაება

გამოუვალ რკინის ხაფანგში...

აი უახლოესი ნამდვილი ბოლო სტალინის გრანდიოზულ ავანტიურისა.

მას შეეწირა ქართველ ერის თავისუფლება, მის მრავალ შვილთა სისხლი, სოფლის დანგრევა, მთელი ხალხის ქონება და მის ცხოვრების აშლა-დაშლა.

და თუ ბედმა გაუღიმა რუსულ შავ რეაქციას, მისი პირველი მსხვერპლი კვლავ სტალინის კბილით ნაგლეჯი-დაფლეთილი და უღონო საქართველო შეიქნება... მას კვლავ დაარბევინ, კვლავ გაცარცვავინ.

„წითელ დროშიანი კავკასიის არმიაც“ ამ დარბევაში შეასრულებს თავის პატრიოტულ როლს და პირველ თავში დააყრევინებს თავებს დღევანდელ საბჭოთა კომუნისტურ იმპერიის „გეგემონებს“ მჩატე და უგუნურ ქართველ კომუნისტებს...

ესაა პოლიტიკური მემკვიდრეობა ბრძენ ამხანაგ სტალინისა.


დ. ვაჩნაძე.

ეროვნულ-დემოკრატიული პარტიის

უზროსი ახალგაზდობის უკილოზა

დეკემბრის 25-26 პარიზში შესდგა ემიგრაციაში მყოფ ეროვნულ-დემოკრატიული პარტიის ახალგაზდობის ყრილობა. ყრილობა მოწვეული იყო საორგანიზაციო კომიტეტის მიერ, რომელიც დაარსა პარტიის საზღვარ-გარეთის ცენტრალურმა ბიურომ საორგანიზაციო საქმეების სახელმძღვანელოდ. ყრილობას დაესწრენ აგრეთვე როგორც სტუმრები, წარმომადგენელნი ცენტრალური ბიუროსა.

საორგანიზაციო კომიტეტის სახელით ყრილობა გახსნა ბ. მ. გ. ინჯიამ. მისალმების შემდეგ გ. ინჯიამ მოახსენა ყრილობას ის მუშაობა, რომელიც გასწია საორგანიზაციო კომიტეტმა პარტიის წევრთა რეგისტრაციისა და შემდეგ ახალგაზდობის ყრილობის მოწვევისათვის. ყრილობის თავმჯდომარეთ არჩეულ იქმნა სევ. ჭირაქაძე და მდივნად გ. ინჯია. ცენტრალური ბიუროს სახელით ყრილობას მიესალმა ბ. ალ. ასათიანი. ამის შემდეგ ყრილობამ მოისმინა ბ. ელისე პატარიძისა და ბ. ალ. ასათიანის მოხსენებები. ბ. ელ. პატარიძის მოხსენება ქვემოდ იბეჭდება. აქვე მოგვყავს: უმთავრესი საფუძვლები ბ. ალ. ასათიანის მოხსენებისა—ერ.-დემ. პარტიის მოღვაწეობის უმთავრესი ხაზები:



1) საქ. ერ.-დემ. პარტიის ისტორიული მისია იყო და არის პოლიტიკურ იდეისა და ორგანიზაციის იარაღით აღჭურვა იმ უდიდესი ეროვნული აღორძინების მემკვიდრეობისა, რომელიც დაუტოვა ქართველს ერს სახელოვანმა მესამოციანთა თაობამ.

2) ჩვენმა პარტიამ ღირსეულად შეასრულა ეს უდიდესი ეროვნული მოვალეობა თუ მივიღებთ მხედველობაში იმ საშინელს პირობებს, რომელშიდაც უხდებოდა მას მოღვაწეობა. მესამოციანთა ეროვნული პოლიტიკის საშუალო და ზომიერი ხაზი მან გაანაღდა თავის პოლიტიკურს მუშაობაში. პარტიის ხელმძღვანელობამ საკმაოდ გარკვეული იდეური გამოსახულება მისცა ჩვენი პარტიის ამ ცენტრალურ მიმართულებას მთელი ამ წლების მანძილზე და განსაკუთრებით უკანასკნელი წლების განმავლობაში. ორგანიზაციული საქმის მტკიცე ნიადაგზე დამკვიდრებას დიდათ აბრკოლებდა პარტიისათვის არსებული ობიექტური პირობები: რევოლიუციის ხანაში ხალხის არანორმალური განწყობილება, მთელი ახალი თაობების რევოლიუციური ფსიქოზით შეპყრობა და სხ. მიუხედავად ამისა, ერ.-დემ. პარტია უმთავრესი ღერძი ხდება 1921 წლიდან ყველა დიდ ეროვნულ ბრძოლებისა და მებრძოლ დარაზმულობისა. ჩვენი ერის ახალი განწყობილება, აზრი და სულისკვეთება სტრქიურად მიემართება ზომიერ ცენტრალურ პოლიტიკისაკენ და აქ იწყება ჩვენი პარტიისათვის ახალი და ფრიად რთული და საპასუხისმგებლო მდგომარეობა.

3) ზომიერი ცენტრალური, დემოკრატიული პოლიტიკის არსებითი ბუნებაა ძიება და შემზადება ისეთი პოლიტიკური პლატფორმისა, რომელიც შეათანხმებს და შეარიგებს რამდენათაც შეიძლება უფრო მეტ პოლიტიკურ ძალებს პარტიებსა და ჯგუფებს. ზოგიერთებს უკვირს, რომ ჩვენ ამ ყამად ასეთს პლატფორმას ასე თუ ისე ვპოულობთ მემარცხენე პოლიტიკურ პარტიების მიმართ, ხოლო ვერ გამოგვიჩნახავს მემარჯვენე წრეებთან. ეს აიხსნება ერთი მხრით იმით, რომ ამ, ეგრეთწოდებულ, მემარჯვენე წრეებს თვითონ არ აქვთ არავითარი გარკვეული პოლიტიკური პლატფორმა, პროგრამა თუ გეგმა. ისინი ჩვენ შემოგვიჩერებიან პირში და უარყოფენ ყოველივეს, რასაც ჩვენგან გაიგონებენ. მემარცხენე პარტიებთან წინეთ ჩვენ მეტი გვექონდა სადაო ვიდრე საერთო. მაგრამ სადაონი იყვენ ბევრი ისეთი საკითხები, რომელნიც ამ ყამად არ შეადგენენ რეალურ პოლიტიკის საგანს (კერძო საკუთრება, მიწისა და შრომის საკითხები, ეკლესია, ჯარი და სხ.) მომავალში, როდესაც საქართველოში დავბრუნდებით, ეს კითხვები კვლავ გახდება სადაო რეალური ბრძოლის საგნად ჩვენს შორის, ხოლო შეიძლება უფრო მცირედ ახალი პირო-

ბების გამო. ასეთი კითხვების სფეროში ჩვენ, რასაკვირველია ხაკლები გვექონდა და გვექნება სადავო სხვა ჯგუფების მიმართ. მაგრამ სულ სხვა მდგომარეობაა იმ საკითხების სფეროში, რომელიც შეადგენს ეხლანდელი ჩვენი განმათავისუფლებელი ბრძოლის საგანს. აქ ჩვენ ასე თუ ისე გამოგვინახავს საერთო ნიადაგი ყველა სხვა პოლიტიკურ პარტიებთან საქართველოში და ასევე ხერხდება აქაც, ემიგრაციაში. აქედან ნათელი უნდა იყოს, თუ რომელ წრეებთან უფრო ადვილად და უფრო საფუძვლიანად შეუძლიან შეთანხმება ჩვენს პარტიას ამ განმათავისუფლებელი ბრძოლის ხანაში. ემიგრაციაში წარმოშობილ ჯგუფებს წარსული არ აქვთ და არც აწმყო აქვთ გარკვეული და ანგარიშ გასაწევი.

4) ჩვენი შინაპარტიული საქმეები ფართე საზოგადოებას და ბევრს მახლობელსაც მრუდეთ აქვს წარმოდგენილი. უდავოა შემდეგი—არც ერთს პოლიტიკურ პარტიას და ჯგუფს არ აქვს ამ ყამად ისეთი ნათელი, გარკვეული და ცხოვრების მსვლელობისაგან ყოველმხრივ გამართლებული პოლიტიკური პლატფორმა, როგორც ჩვენ პარტიას. უდავოა ასევე ის, რომ ამ პლატფორმაზე დგას საქართველოში ერთსულოვნად ყველა ჩვენი ძალები, ხოლო ემიგრაციაში პარტიის ხელმძღვანელი წრე, ძველი პარტიული წევრები და ახალგაზღობა, სულ მცირე ჯგუფის გამოკლებით. ამასთან შედარებით წვრილმანია ყოველივე დანარჩენი. ჩვენ შეგვიძლიან გაბედულად ვთქვათ: ყველაზე უფრო მძიმე პირობებში ჩვენს პარტიას უხდებოდა მუშაობა საქართველოსა და ემიგრაციაში და მიუხედავად ამისა ყველაზე უკეთ მან შეინახა და გაამძლავრა თავისი ძალები.

5) ახალგაზღობის როლი დიდი იყო ჩვენს პარტიაში თავიდანვე. თქვენი ჰასაკის იყო ის თაობა, რომელიც ჩაუდგა სათავეში ჩვენი პარტიის დაარსების საქმეს. ეს არ იყო, რასაკვირველია ნორმალური, მაგრამ იმ დროს არანორმალურ ვითარებაში ბუნებრივი იყო. ჩვენი პარტიის ეს მეთაურობა ამ ყამად ისეთს ჰასაკშია, რომ ის სწორეთ ეხლა უნდა გამოდიოდეს საპასუხისმგებლო პოლიტიკურ ასპარეზზე, როგორც ეს არის ევროპის ქვეყნებში. ამის გამო თქვენ უნდა გაათამამოთ და გაამხნევოთ ეს თქვენი მეთაურობა, რომ ხანგრძლივი შრომისა და გადანატან მრავალ ჭირ-ვარამის შემდეგაც მან თავი მიიჩნიოს დიდი სახელმწიფოებრივი პარტიის ნამდვილი ხელმძღვანელობის დასაწყისში, ხოლო ძველი თავისი მოღვაწეობა ჩასთვალოს როგორც წინასწარი შემზადება ამისათვის. არ უნდა გვექონდეს შიში, რომ ეს გზას დაუკეტავს ახალ ძალებს. ჩვენი პარტიის ხელმძღვანელი ორგანო უკვე შეუდგა ეს მესამე წელია უფროსი ახალგაზღობიდან ახალი ძალების გაწვრთნას, თავის რიგების შევსებას



მიზნით. ასევე ხდებოდა და ხდება საქართველოშიც. თაობა-თაობას უნდა გადაეხადოს, როგორც ჯაჯვის რგოლები, რომ ახალმა თაობამ თანდათანობით ჩაიბაროს სრულიად წინა თაობის შემეკიდრება, რომ შეეხსოს იგი, გამდიდროს და შემდეგ ასევე გადასცეს თავის მომდევნო თაობას.

6. თანამედროვე დაწინაურებულ სახელმწიფოთა პოლიტიკურ ცხოვრებას პოლიტიკური პარტიები ხელმძღვანელობენ. სადაც პარტიები ჯანსაღს, ნიადაგზეა აშენებული, იქ სახელმწიფოებრივი ცხოვრებაც დაწყობილია და დალაგებული. როდესაც საქართველოს სინამდვილეში ჩაისახა რეალური ეროვნული პოლიტიკის წარმოებისათვის ზოგიერთი მიუცილებელი პირობები და სარბიელი, ის წრე, რომელიც მეთაურობს თავიდანვე ჩვენს პარტიას გაბედულად გამოვიდა ეროვნულს ასპარეზზე მტკიცე გადაწყვეტილებით შეექმნა და მკვიდრ საფუძველზე აეშენებინა საშუალო ხაზზე მდგომი დემოკრატიული პარტია; 15 წლის წინეთ მიიღო ამ წრემ ჰანიბალის ფიცი, რომ ის შეუქმნიდა ქართველ ერს მის ახალს ვითარებასთან შეთანხმებულს პოლიტიკურს ხერხემალსა და მამოძრავებელ გულს. მიუხედავად საშინელი პირობებისა, რომელშიდაც უხდებოდა და უხდება მოქმედება ამ წრეს, ის მტკიცედ ასრულებს თავის ფიცს. ამ ჟამად ეს წრე არ არის უკვე განმარტოვებული, როგორც იყო იმ ხანად. მას ზურგს უმაგრებენ მრავალრიცხოვანი წრეები ამ ჩვენს ბრძოლებსა და მუშაობაში გამობრძმედილი და სულიერად გაფოლადებული. მისი მომავალი მოღვაწეობისათვის მტკიცე და საიმედო ნიადაგს წარმოადგენს ქართველი ერის გამოფხიზლება და პოლიტიკურად გაწვრთნა და გაჯანსაღება. ეს წრე მტკიცედ არის დარწმუნებული, რომ იგი სავსებით გაანაღდებს მიღებულს ფიცს. თავის მომდევნო თაობებსაც ის ამ ფიცის ქვეშ ბრძოლისა და მუშაობისათვის მოუწოდებს.

ელ. პატარიძის მოხსენებაში ზოგიერთი ფაქტიური შენიშვნები შეაქვთ **რ. გაბაშვილს** და **დ. ვაჩნაძეს**, რასაც მომხსენებელი ღებულობს. მოხსენებების გამო ყრილობის ზოგიერთ წევრთა თხოვნით გაკეთებულ იქმნა უფრო ვრცელი განმარტებები შინაპარტიულ საქმეებისა და მუშაობის შესახებ. შემდეგ ყრილობა შეუდგა არსებითად მსჯელობას მოხსენებებში აღძრულ კითხვების გარშემო.


აღ. ფაშალიშვილი — ულოცავს კრებას და მთელ პარტიას, რომ მან შესძლო ასეთი სერიოზული ყრილობის მოწყობა ამის მსგავსა ჩვენ პარტიას ჯერ არაფერი მოუწყვია ემიგრაციაში და ეს დამიშედეგელი ნიშანია იმისა, რომ პარტიამ გადალახა დროებითი შეფერხე-



ბები და კრიზისები და იწყებს თავის ძალთა სერიოზულად დარაზმვას. ის უდავოთ აცხადებს პარტიის იდეურ პლატფორმას და ტაქტიკასაც, ხოლო ვერ ხედავს, რომ მენშევიკებთან ახალი თანამშრომლობის ტაქტიკას რაიმე დადებითი შედეგები ჰქონდეს. შინაპარტიულ დავების მოგვარების საქმეშიდაც, ამბობს იგი, ბიურომ ვერ ამოსწურა ყველა შესაძლებლობანი, თორემ შესაძლოა ეს დავა კეთილად დასრულდებოდა და სხვების თვალში დიდი განხეთქილების შთაბეჭდილებას არ შექმნიდა. ც. ბიუროს მიერ შემოღებული ცენტრალიზმი მას ბევრს რამეში არ მიაჩნია მიზანშეწონილად. „ახალი ივერიის“ წერა „მემარჯვენე ფრონტის“ შესახებ რასაკვირველია ბავშურია, მაგრამ უმეტესობა იმ ჯგუფებისა, რომლებსაც ეხლა ამ მემარჯვენე ფრონტში ეპატიებებიან, ჩვენი მიმდევრები იყვენ და მომავალშიც იქნებიან. საჭიროა მათთან ურთიერთობის აღდგენა, და მათთვის ყოველივესი ახსნა და გარკვევა. ორატორი მიესალმება ც. ბიუროს და უსურვებს მომავალშიდაც შენარჩუნებას იმ მხნეობისა და სიმტკიცისა, რომელსაც იჩენს იგი მუშაობას ამ უმძიმეს პირობებში.

ალ. აბაშიძე—აღნიშნავს, რომ ც. ბიუროს იდეური ხაზი და ტაქტიკა ვერ გახდება სადაო ვერავსათვის, ვინც ერ.-დემ. პარტიის პროგრამის ნიადაგზე დგას. შინაური დავის მიზეზები აქ ემიგრაციაში უმთავრესად პიროვნული ამბიციები იყო. ბიუროს თუ რამეს უსაყვედურებთ ამ საგანზე, ეს იმას რომ როდესაც არაფერმა გასჭრა, არც თხოვნამ, არც მოწვევამ, არც სხვა და სხვა წინადადებას და რამოდენიმე პირი ჩვენს ორგანიზაციას გაშორდა, ც. ბიუროს უნდა საქვეყნოდ აღენიშნა ეს, თორემ ეხლა რა ხდება? ყალბ ქალაქს შეადგენენ ყალბი ხელის მოწერებით—ჩვენ ესა ვართ და ამას მოვითხოვთ და ასეთს საქმეს ერ.-დემ. პარტიის სახელს აკერებენ. ან კიდევ ცრუ მოწმობას გასწვევენ და საელჩოს თუ სხვა რამეს დააბეზლებენ და ამასაც ერ.-დემ. პარტიის სახელს აკერებენ. ეხლა კიდევ ჩვენ ეროვნულ-დემოკრატიული პარტია ვართ, მაგრამ „მემარჯვენე ფრონტის“ დაარსება გვინდაო. თავის მებრძოლი პარტიის ფრონტზე ვერ მოიკიდეს ფეხი და რა მემარჯვენე ფრონტი უნდა შექმნან მათ და ვისგან, რა ძალებისაგან, სად და როდის გვყავდა ჩვენ ასეთი პოლიტიკური მემარჯვენე ძალები? ეს მხოლოდ თავის შექცევის საქმეა, მაგრამ ემიგრაციაში არევ-დარევის შეტანის ცდაც უდავოა.

სევ. ჭირაქაძე—აკეთებს პირადული ხასიათის განცხადებას. ის წერილი, რომელიც დაიბეჭდა „ახალ ივერიის“ ნომერში, მას გაგზავნილი ჰქონდა ორი წლის წინეთ და შემდეგ შეჩერებული. ის დაბეჭ-



დეს ეხლა მისდა დაუკითხავათ, რომ ამ ჩვენი ახალი მუშაობის პერიოდში ჩემდამი თუ ყველასადმი უნდობლობა შეექმნათ სხვა პარტიების თვალში. იგი შემდეგ ეხება ც. ბიუროს ცენტრალისტურ მეთოდს და ამტკიცებს, რომ არსებითად ყოველივე ისეა, როგორც იყო მუდამ და ის გაცილებით ნაკლებად ცენტრალისტურია, ვიდრე ეს იყო საქართველოში.

დავ. ვაჩნაძე—იძლევა განმარტებას სოც.-დემ. და სხვა პარტიებთან შეთანხმების ჩამოგდებისათვის მუშაობის შესახებ. ის მოკლედ გააცნობს ყრილობას აგრეთვე კავკასიურ კონფედერაციისათვის მუშაობას. ჩვენი პარტიის მიერ დაწყებულ საქმეს ეხლა ყველა კავკასიელი და ქართული ძალები ემხრობიან და ჩვენი პარტიაც ვერ გამოირიცხავს თავს ამ მუშაობიდან, დაასკვნის ბ. დ. ვაჩნაძე.

ლონგ. ბესელია—პირად განცხადებას აკეთებს და ყრილობის წინაშე ბოდიშს იხდის, რომ დროებით დაშორებული იყო ორგანიზაციას. ს. კედიას შესახებ, რომ ერთმა ჯდღუფმა განცხადება შემოიტანა, იქ ჩემი სახელიც იყო ხელმოწერილი. ეს სხვას მოეწერა ჩემს მაგიერ ჩემდა დაუკითხავად. მაგრამ ამაზე უსიამოვნების ატეხას დავერიდე. როგორც ა. აბაშიძემ სთქვა ასეთი ამბავი წინეთაც მომხდარა კიდევ. არ ავტეხე დავა კიდევ იმისთვის, რომ მთელმა ჯგუფმა დაადგინა—ვეცადოთ, რომ ს. კედია შევიდეს ბიუროში, მაგრამ თუ ეს არ მოხერხდება, ჩვენ ისევ ბიუროსთან უნდა დავბრუნდეთ. მათ არ შეასრულეს ეს პირობა და ეხლა ორგანიზაციაში განხეთქილების ჩამოგდებისათვის მუშაობენ და მე ჩემი თავი ვალდებულად მივიჩნევი მოქცეულიყავი ისე, როგორც გვქონდა გადაწყვეტილი.

გ. გამყრელიძე—ასაბუთებს პოლიტიკურ პარტიების საერთო ფრონტში თანამშრომლობის აუცილებლობას. ასევე მიზანშეწონილად მიაჩნია მას ერ.-დემ. პარტიის მუშაობა სრულიად კავკასიურ საქმეში. შინაპარტიულ დავებმა, რომელიც ერთდროს დიდ ინტერესს იწვევდა საზოგადოებაში, უკვე დაკარგა ყოველგვარი ინტერესი. ეს მოხდა იმის გამო, რომ ყველასთვის ნათელი გახდა მისი ხელოვნური და არა არსებითი ხასიათი.

ლელო ჩიქოვანი—მოაგონებს ყრილობას საერთო ეროვნული ფრონტის წარმოშობის ისტორიას საქართველოში, უკვე 1921 წლიდან დაწყებული სწარმოებს ბრძოლა და მუშაობა საქართველოში საერთო ეროვნული ფრონტის დროშის ქვეშ და ერ.-დემ. პარტია მისი მთავარი თაოსანი იყო. ემიგრაციაში ვერ მოეწყო ჯერ კიდევ რიგზე ეს საქმე და პარტიაც იმაზედ ზრუნავს, რომ ეს სასურველად მოგვარდეს. ლ. ჩიქოვანი შემდეგ აღნიშნავს შეფიცულთა ისტორიას და ეროვნულ-დემოკრატიული პარტიის როლს ამ ძალის შექმნაში.

აღ. ასათიანი—იძლევა დამატებით განმარტებას კამათის დროს აღძრულ კითხვების შესახებ.

ამის შემდეგ თავმჯდომარე დასრულებულად აცხადებს კამათს.

დ. უგრეხელიძე—კითხულობს რეზოლიუციის პროექტს, რომელიც წარმოდგენილია საორგანიზაციო კომიტეტის მიერ.

მცირედი შესწორების შემდეგ რეზოლიუციას ყრილობა კენჭის უყრის და ის მიღებულ იქმნა ერთხმად.

რეზოლიუციის საბოლოო რედაქციისათვის ამორჩეული იქმნა სარედაქციო კომისია.

თავმჯდომარე—მიდლობას უცხადებს კრების სახელით ცენტრალურ ბიუროს და საორგანიზაციო კომიტეტს ყრილობის მოწვევისა და მისი ასე დალაგებულად მოწყობისათვის და ყრილობას დახურულად აცხადებს.

ყრილობის დადგენილება

ეროვნულ-დემოკრატიულ პარტიის საზღვარ-გარეთ მყოფ უფროსი ახალგაზრდობის ყრილობამ, რომელიც შესდგა პარიზში 1931 წელს ქრისტეშობისთვის 26-27, მოისმინა მოხსენება: ბ-ნ ელისე პატარძისა—ეროვნულ-დემოკრატიულ პარტიის ახალგაზრდობის მუშაობა ეროვნულსა და პარტიულს ასპარეზედ უკანასკნელი 16-17 წლის მანძილზე, და ბ-ნ აღ. ასათიანისა—ეროვნულ-დემოკრატიულ პარტიის მოღვაწეობის უმთავრესი ხაზები პარტიის დაარსებიდან უკანასკნელ ხანამდე.

1) ყრილობა, რომლის ყოველი წევრი თვით არის მონაწილე მოხსენებაში აღნიშნულ მოღვაწეობისა და ბრძოლებისა, სასოებით მოიგონებს უამრავ თავის თანამებრძოლთ, რომელნიც შეეწირენ საქათველოს ბრძოლების უმაღლეს ეროვნულ მიზნებს. ყრილობა მხურვალე სალამს უთვლის ციხეში თუ დევნილებაში მყოფ ძმებს და ყველა მათ ვინც ეროვნულ-დემოკრატიული პარტიის მებრძოლ დროშის ქვეშ განაგრძობს ბრძოლას თავისი მიწა-წყალზედ საქართველოს დამოუკიდებლობის აღდგენისათვის და ამაცობს მათი გაუტყენელ სიმტკიცითა და სასახელო თავდადებით.

2) ყრილობა სრულის კმაყოფილებით და სიამოვნებით აღნიშნავს, რომ მიუხედავად განსაკუთრებულად მძიმე პირობებისა, რომელშიდაც უხდებოდა მუშაობა ეროვნულ-დემოკრატიულ პარტიას. მან პირნათლად შეასრულა თავისი მძიმე მოვალეობა ერის წინაშე

და რევოლუციურ გარდატეხებისა და შემდეგ უცხო ძალის შემოსევის ხანაში, დაიცვა მტკიცედ და შეურყეველად ეროვნული სახელმწიფოებრივი პარტიის პოზიციები, ხოლო 1921 წლიდან დაწყებულ განმათავისუფლებელი ბრძოლის დროს გახდა თაოსანი და უმთავრესი ფაქტორი ახალი ჯანსაღი ეროვნული მოძრაობისა და მებრძოლ დარაზმულობისა.

3) ყრილობა სიამოვნებით აღნიშნავს, რომ პარტიის ხელმძღვანელობამ თავიდანვე, ამ ახალი განმათავისუფლებელი ბრძოლის დასაწყისშივე, შეიმუშავა ისეთი პოლიტიკური პლატფორმა და ორგანიზაციული წყობა, რომელიც სავსებით შეეფერებოდა ახალი ბრძოლის პირობებს და მით შეუძლებელი გახდა პარტიაში იდეურ უთანხმოებათა და ორგანიზაციულ განხეთქილებათა წარმოშობა.

4) ამ ახალს პირობებში დამყარებულ პოლიტიკური ხაზისა და ორგანიზაციის ხელმძღვანელი ორგანო უცხოეთში არის ეროვნულ-დემოკრატიული პარტიის საზღვარ-გარეთის ცენტრალური ბიურო, რომელიც შესდგება პარტიის მთავარი კომიტეტისა და სხვა ხელმძღვანელ ორგანოთა წევრთაგან და პარტიის ყველა ორგანიზაციები ვალდებული არიან დაემორჩილონ და მხარი დაუჭირონ მას ამ მტკიცე დისციპლინის საფუძვლებზე, რომელიც დამყარდა ეროვნულ-დემოკრატიულ პარტიაში 1921 წლიდან ნაწარმოებ საქართველოს ბრძოლის პირობებში.

5) ყრილობა აღნიშნავს, რომ უცხოეთში მუშაობის არანორმალურ პირობების გამო პარტიის ხელმძღვანელ წრეში ჰქონდა ადგილი ზოგიერთ უთანხმოებებს, მაგრამ ეს უთანხმოებები არასოდეს გასცდენია გარდამავალ ტაქტიკურს კითხვებს და მით პარტიის იდეური უთანხმოებებისა და სერიოზული ორგანიზაციულ განხეთქილების მდგომარეობა არ შეუქმნია.

6) ყრილობა აღნიშნავს აგრეთვე იმ სამწუხარო მოვლენას, რომ ამ წრის ორიოდე წევრი ემიგრაციაში დასცილდა პარტიის ამ იდეურ და ორგანიზაციულ ნიადაგს, და უკანასკნელ სამი წლის გამწავლობაში ცდილობს დაუპირდაპირდეს პარტიას და ზიანი მიაყენოს მას ყოველად დაუშვებელი საშვალელებით. ყრილობა საქვეყნოთ აღიარებს, რომ ეს პირები დასცილდნ პარტიას არა მარტო ორგანიზაციულად, არამედ იდეურადაც. მათ გადაუხვიეს პარტიის დემოკრატიულ საფუძვლებს და ეროვნულ ბრძოლაში ძალთა გაერთიანების იდეას, რომელიც ეროვნულ-დემოკრატიულ პარტიის პოლიტიკის უმთავრეს საფუძვლებს წარმოადგენს. პოლიტიკურ ცხოვრებაში საყოველთაოდ მიღებული წესების მიხედვით ამ პირებს და მათ მიმდევრებს არ აქვთ უფლება დაუკავშირონ ეროვნულ-დემოკრატიული

პარტიის სახელს ასეთი თავისი მუშაობა და პარტია ვერ გახდება პასუხისმგებელი ასეთი მათი მოღვაწეობისა.

7) ყრილობა მწუხარებით აღნიშნავს, რომ ასეთს მუშაობაში ჩარეულ იქმნა რამოდენიმე ახალგაზრდა, და პარტიის წევრი და მოუწოდებს მათ საბოლოოდ და მტკიცედ გაიმიჯნონ ისეთი მოღვაწეობისაგან, რომელიც მიმართულია პარტიის იდეური პლატფორმისა და მისი ორგანიზაციული სიმტკიცის წინააღმდეგ. ყრილობა აღნიშნავს და მოაგონებს მათ, რომ ასეთი საქმისათვის რამოდენიმეჯერ იქნა გამოყენებული მათ მიერ სრულიად უკანონოდ და ყალბად ეროვნულ-დემოკრატიული პარტიის ახალგაზრდობის სახელი, ის სახელი რომელიც მრავალ ჩვენ ამხანაგთა თავგანწირვით არის შექმნილი და ამალღებული.

8) ყოველივე ამის მიხედვით ყრილობა საჭიროდ სთვლის აღნიშნოს და მოაგონოს ყველას ის საფუძვლები, რომელზედაც დაეყრდნო თავიდანვე ახალგაზრდობის ორგანიზაციები ჩვენს პარტიაში:

ა) ეროვნულ-დემოკრატიული პარტია, როგორც სახელმწიფოებრივ პოლიტიკის ნიადაგზე აშენებული ორგანიზაცია წინააღმდეგია, რომ მოზარდი ახალგაზრდობა აქტიურად ჩაერიოს პოლიტიკურს ბრძოლაში, სანამ ის სათანადო მომზადებას არ მიიღებს და ცხოვრების სარბიელზე არ გამოვა. ამის მიხედვით ახალგაზრდობის ორგანიზაციებს ჩვენს პარტიაში ჰქონდა- პოლიტიკურ გაწვრთნა მომზადების ხასიათი და პარტიის დამხმარე ძალის როლი მთავარსა და უდავო ეროვნულსა და პარტიულს საქმიანობაში. ეროვნულ-დემოკრატიული ახალგაზრდობა არასოდეს ჩარეულა შინა პარტიულ ბრძოლებში, ის მუდამ პარტიის ლენერალურ ხაზს უჭერდა მხარს და აქტიურად მოქმედებდა უმთავრესად საერთო ეროვნულს ბრძოლის პოზიციებზედ

ბ) ამისდა მიხედვით ერ.-დემ. პარტიის ახალგაზრდათა კონფერენციამ, რომელიც შესდგა თფილისში 1920 წელს გააუქმა ძველი საერთო ახალგაზრდული ორგანიზაცია და მის ნაცვლად შექმნა მოზარდთაობის მოსამზადებელი ორგანიზაცია და უფროსი ახალგაზრდობის სტუდენტთა ორგანიზაცია. ეს დადგენილება იმავე წელს იქმნა გატარებული ცხოვრებაში. 1922 წლის თებერვლის სტუდენტთა არალეგალურმა კონფერენციამ კვლავ დაადასტურა ეს დადგენილება და ახალი განმათავისუფლებელი ბრძოლის მიზნების მიხედვით სტუდენტთა ორგანიზაციები უფრო დაუახლოვა პარტიის საერთო ორგანიზაციებს, ხოლო მოზარდი თაობის მოსამზადებელი ორგანიზაციები ძველს მდგომარეობაში დასტოვა.

გ) ემიგრაციაში გამოსული პარტიული ახალგაზრდობის უდი-

დესი ნაწილი წელთა განმავლობაში ნაბრძოლი და ნამუშევარი იყო საქართველოს განმათავისუფლებელს ბრძოლებში და საერთო ეროვნული და პარტიული საქმე სრულიად არ მოითხოვდა მათ ცალკე დარაზმვას და მით უმეტეს განკერძოვებულ მუშაობის წარმოებას. სამწუხაროდ ახალგაზრდობის ერთი პატარა ჯგუფი ჩათრეულ იქმნა 1926 წლიდან პარტიის ლენინალურ ხაზის წინააღმდეგ, მოქმედ პირებისგან და შექმნილ იქმნა მათ მიერ „ახალგაზრდათა ორგანიზაცია“ საერთო პარტიულ ორგანიზაციისაგან განცალკევებული და მალე მასთან დაპირდაპირებული. ეს ორგანიზაცია რამოდენიმეჯერ იქმნა გაუქმებული ხელმძღვანელი ორგანოს მიერ, მაგრამ ეროვნულ-დემოკრატიული ახალგაზრდობის სახელით ასეთი პარტიის საწინააღმდეგო მუშაობისათვის გამოყენებას კვლევ არ ეღება ბოლო. ჩვენი პარტიის ახალგაზრდობის სახელით ადგილი აქვს ეროვნულ ბრძოლის ასპარეზედ ყველა მთავარ ძალების დაპირდაპირებისა და მათ საწინააღმდეგოთ ემიგრაციაში „ემმარჯვენე ფრონტის“ შექმნის ქადაგს („ახალი ივერია“), და პოლიტიკურს ბრძოლაში ყოვლად დაუშვებელ ინტრიგისა და სიყალბეთა დანერგვას. ყრილობა მოუწოდებს ამ პირებს გაუკეთონ ანალიზი თავის მოქმედებას, დააფასონ ეროვნულ ინტერესების და ღირსების საზომით მისი შედეგები და დაუბრუნდენ საყოველთაოდ მიღებული პოლიტიკურ მუშაობის წესებს და მორალს.

დ) ყრილობა აღნიშნავს, რომ თანახმად 1928 და 1931 წლებში მომხდარ პარტიის წევრთა აღრიცხვისა, უცხოეთში მყოფ პარტიის ხელმძღვანელ წრის, პარტიაში ნამუშევარ ახალგაზრდობისა და ყველა სხვა წევრთა 9/10 მტკიცედ და ურყეველად დგას იმ იდეურ-პოლიტიკურს საფუძვლებზედ, რომელიც აქვს მიღებული პარტიას დღიდან მისი დაარსებისა, და რომელსაც გამოხატავს ცენტრალური ბიურო და მისი გამოცემები. ყრილობა სთხოვს ცენტრალურ ბიუროს იმედიანად დაეყრდნოს ამ ძალას და დაერიდოს მის შევსებას ისეთი ელემენტებით, რომელთა იდეური სიმტკიცე და ორგანიზაციული ზნე საკმაოდ არ ექნება გაცნობილი.

ყრილობა დაასკვნის:

1) ამ ყრილობაზედ წარმოდგენილი- პარტიის უფროსი ახალგაზრდობა მთლიანად და მტკიცედ დარჩეს პარტიის იმ პოზიციებზედ, რომელიც მას პარტიის დაარსებიდანვე უკავია და რომელიც

განმტკიცებულია ამ ახალგაზრდობის თავდადებული ბრძოლით.

2) მხარში ამოუდგეს ამ პოზიციებზედ მდგარს პარტიის საზღვ. გარეთელ ცენტრალურ ბიუროს, ახლო აქტიური მონაწილეობა მიიღოს ცენ. ბიუროს მიერ წარმოებულ პარტიულსა და ეროვნულს საქმიანობაში და როგორც წარსულში, ისევე აწმყოში გაინაწილოს ამ საქმიანობის-ბრძოლის პასუხისმგებლობის სიმძიმე იმ ღრმა რწმენით, რომ მხოლოდ პარტიის ამ ტრადიციული ცენტრალური პოზიციების დაცვით განვამტკიცებთ და გავაძლიერებთ პარტიას და მისი ჩვენს ეროვნულს საქმეს.

3) მოუწოდოს პარტიის ხელმძღვანელ საზღვარ-გარეთის ცენტრალურ ბიუროს: ა) ისევე ერთსულოვნად, როგორც დღემდე განაგრძოს მხნედ ეროვნული და პარტიული საქმიანობა; ბ) ამ ყრილობაზედ წარმოდგენილი პარტიის უფროსი ახალგაზრდობა პარტიულსა და ეროვნულს-ბრძოლებში გამოცდილნი და პოლიტიკურად მომწიფებულნი მიიჩნიოს პარტიის აქტიურ და გულშემატკივარ წრედ; გ) დაუახლოვოს და ჩააბას ეს წრე ეროვნულსა და პრაქტიკულს საქმიანობაში; დ) მიიწვიოს კოოპტაციის წესით პარტიის ცენტრალურ ორგანოებში ამ წრიდან გამოსადეგ და საჭირო პირებს; ე) საჭიროდ მიიჩნიოს განახლება ყურნალ „ახალი ძალა“-ისა რომლის ირგვლივ იკრიფებოდა ჩვენი პარტიული ახალგაზრდობა საქართველოში. ამ ყურნალს მომავალშიაც უნდა ექნეს მხოლოდ თეორიული და იდეური ხასიათი და უნდა ემსახურებოდეს პარტიის წევრთა და განსაკუთრებით ახალგაზრდობის პოლიტიკურად გათვითცნობიერებას.

4) ყრილობა ღებულობს რა ერთხმად ზემოდ აღნიშნულ დადგენილებებს, სავსებით და ურეზერვოთ ადასტურებს ცენტრ. ბიუროს ხაზსა და მოღვაწეობას და აღუთქვამს მას ყოველმხრივ დახმარებას იმ მძიმე მისიის შესრულებაში, რომელიც დაიკისრა ჩვენმა პარტიამ და რომელიც გამოისახება მესამოციანთა უდიდესი ეროვნული აღორძინების საქმის პოლიტიკურ ორგანიზაციის საფუძვლებზე აგებისა და მით ჩვენი ეროვნულ პოლიტიკისთვის მტკიცე და საიმედო ცენტრისა და დასაყრდნობის დამკვიდრებაში.

ელისე კატარიძის მოხსენება:

ეროვნულ-დემოკრატიული ახალგაზდობის მუშაობა ეროვნულსა და პარტიულს ასპარეზედ.

მეცხრამეტე საუკუნის პირველი ათეული წლების მანძილზედ აღმონათქაილი მრავალი აჯანყებანი და შეთქმულებანი უდიერად ჩაქრობილ იქმნა რუსეთის მიერ. სასიკვდილოდ დაკოდილი ქართველი ერი იძულებული გახდა ბრძოლა ღრობებით შეეჩერებინა. ამ სიცოცხლის, იმედისა და ბრძოლის ქვეყანაში, სასოწარკვეთილებამ და ძილმა დაისადგურა. მესამოციანთა ეროვნულ მოღვაწეთ ხვდათ წილად ქართველი ერის ახალი სულიერი აღვიძება; ეროვნული ცხოვრების შეჩერებული ყოველი დარგის წამოწყება გაცხოველება; აღვიძებული აწმყოსა და დიდებული წარსულის შორის ხიდის აგება. შემდეგი თაობაც თავდაუზოგელად მიეშველა მესამოციანებს დიდს ეროვნულს საქმიანობაში. დაისახა და შემუშავდა გეგმა დიდებული წარსულის შესაფერი აწმყო და მომავალი საქართველოს ეროვნული აღდგენა-აღორძინებისა. კვლავ აღვივდა ეროვნული კერა და მის ირგვლივ შემოიკრიბა ქართველ მოღვაწეთა მთელი რიგი. გაითელა ის ეროვნული ბილიკი, რომელიც შემდეგ იმ ნაციონალურ შარად იქცა, რომელზედაც უნდა მთელი თავისი სიმძიმით გაიაროს აღვიძებულმა ქართველმა — აზრმა, სულმა და ენერგიამ, რომ ქართველი ერი მისი ეროვნული ნებისა და სურვილის თანახმად თანამედროვე მსოფლიოსთვის შესაფერს საფუძვლებზედ დაამყაროს და მის მომავალს ძლიერებას კიდევ ახალი გზები გაუხსნას. ამ მიზანს ემსახურება და აქ დასახული გზით მიდის, ამ ეროვნული კერის ირგვლივ შექმნილი ეროვნულ-დემოკრატიული პარტია: ამ პარტიის რიგებში თუ მის ირგვლივ შემოიკრიბა იდეურად საღი და საქმიანი ქართველთა პატრიოტული წრეები, ბურჟი კულტურულ-ეკონომიური თუ პოლიტიკური დარგებისა. ეს პარტია ხდება ცენტრი ქართველი პატრიოტული სიტყვისა და საქმის. საჭირო იყო ცოცხალი აღტკინებული თავდამდები ენერგიული და მებრძოლი ახალი ძალა, რომელიც ბრძოლით განახორციელებდა და გაანაღდებდა პარტიის მიერ დასახულს პატრიოტულს მიზნებს. თფილისის და ქუთაისის ეს ის ორი უმთავრესი ცენტრი იყო, სადაც ეროვნულ დემოკრატიული მიმართულების ასპარეზედ შეიქმნა ახალგაზრდათა ორგანიზაციები. ჯერ კიდევ ოთხი-ხუთი წლით ადრე პარტიის დაარსებამდე, აქ თავი მოიყარა მონობაში მაგრამ ეროვნული აღვიძების ხანაში თვალ-ახილულმა, ფეხ და ენა აგდმულმა თაობამ. ეს ის

ხანა იყო როდესაც უცხო უღლის ქვეშ გმინავდა მშობელი ერი; საქართველოში დევნილი იყო სიტყვა და საქმე ქართული, და მათ დასაცავად ქართული პატრიოტული წრეები უსწორო ბრძოლას აწარმოებდა მეფის რუსეთის წინააღმდეგ. პიროვნებისა და ეროვნებისათვის უფლება სუვერენობის დროშით ფეხ-შემოდგამული მეოცე საუკუნე ახალს იმედებს იძლეოდა. დემოკრატიული და ეროვნული იდეები ბრძოლას ბრძოლებზე იგებდა; აქა იქ გაისმოდა მონობის ბორკილების მსხვრევის ხმა. ჯერ კიდევ გაისმოდა იმედიანი ცოცხალი სიტყვა მესამოციანთა თაობისა.

ამასთან დაკავშირებით აღსანიშნავია ერთი გარემოებაც, ეს იყო ხანა საერთოდ და კერძოდ საქართველოში სოციალისტური-ინტერნაციონალური პროზაგანდისა და მოძრაობისა. ეს სოციალისტური მოძრაობა, რომელსაც უკვე ჩამოყალიბებული და ორგანიზაციულად დალაგებული პარტიები აწარმოებდა, მეტად ძლიერი იყო. სოციალისტურმა პარტიებმა ფრთები გაშალა. მაშინდელი ბრძოლის პირობების წყალობით ეროვნული იდეაც კი სოციალისტური დროშის ქვეშ მოჰყვა, და ქართველი ახალგაზრდობის მეტად დიდი ნაწილიც სოციალისტური დროშის ქვეშ დადგა. ჯერ კიდევ ცოცხლობდა 1905 წლის რუსეთის რევოლუციის ცოცხალი ხსოვნა. ამ რევოლუციამ, რომელსაც სოციალისტური პარტიები ხელმძღვანელობდა, ჩვენი სიყრმისა და სინორჩის ხანაში გაიარა, და ჩვენი თაობის ნორჩ სულზე ძლიერი დალი დაასვა. ადვილი არ იყო ჩვენი თაობის სულის განკურნება სოციალისტური ფსიქოზისაგან. სოციალისტობა პროგრესისა და წინსვლის ნიშნად მოგვევლინა; არა სოციალისტობა კი რევრესისა და ჩამორჩენილობის მაჩვენებლად იქმნა მიჩნეული, ჩვენი ახალგაზრდა თაობის საზოგადოებრივი აზრის მიერ. სოციალისტობა საქებარი, არა სოციალისტობა კი სამარცხვინოდ იქნა მიჩნეული. ყოველივე ამის გამო, გასაგებია, რომ ჩვენი თაობის მეტად მცირე ნაწილმა დაახწია თავი სოციალისტურ ტალღას. ქართველი ახალგაზრდობის ეს მცირე ნაწილი მკაფიოდ გაიჩა-გაიმიჯნა სოციალისტური ახალგაზრდობისაგან, დაჯგუფდა ეროვნული დემოკრატიული იდეების ირგვლივ, შექმნა საკუთარი ახალგაზრდული პრესა და იდეური სამეცადინო წრეები და მხარში ამოუდგა ეროვნულ დემოკრატიული მიმართულებით მომქმედ ქართულს წრეებს. ამ წრისა და შემდეგ პარტიის მიერ წარმოებულ არც-ერთი ფარული თუ ახილი საქმიანობა, ახალგაზრდათა მხურვალე მონაწილეობის გარეშ არ დარჩენილა. ბევრ ფარულ პოლიტიკურსა და სამხედრო საქმეებში მიიღეს მონაწილეობა ამ ახალგაზრდათა ორგანიზაციის წევრებმა. ჯერ კიდევ მეფის რუსეთისა და დიდი ომის დროს. მათი წრეებიდან ბევრი თანამშრომ-

ლობდა ეროვნულ-დემოკრატიულ ორგანოებში:—„საქართველო“, „ჩვენი ქვეყანა“, სამშობლო“ და „სასოფლო გაზეთში“. ამ გაზეთების რედაქციებში ახალგაზრდული ენერჯია და ხალისი შევქმნდათ. 1917 წელს რუსეთის რევოლიუცია დაიწყო, ხალხოსურ-მასიური მოქმედების ხანა დადგა. ათეული წლების მანძილზედ დარაზმული სოციალისტური პარტიები მომზადებულნი ქუჩაში გამოვიდა—საქართველოს ქალაქსა და სოფელს მოეფინა სოციალისტური აზრების მქადაგებელნი-პროპაგანდისტთა რაზმები. საქართველო გახდა სოციალისტური და ინტერნაციონალისტური დემაგოგიის ასპარეზად. საჭირო და საშური იყო ასევე მასიურად ხალხში გასვლა—სალი ეროვნული-პოლიტიკური და სოციალური აზრების ქადაგება; სოციალისტური უტოპიური აზრების გაფანტვა; დღემდე ინტელიგენციის ვიწრო წრეში დამწყვდეული ეროვნულ დამოკიდებლობის იდეის ხალხში გატანა; ქართველი ხალხის მომზადება მოახლოებული ეროვნული თავისუფლებისათვის: ეროვნულ თვითშეგნებისა და დამოუკიდებლად არსებობის რწმენის განმტკიცება. ს.-დემოკრატიული პარტია რუსეთის გამოშორებას არა ფიქრობდა, რუსეთის მთლიანობისათვის იღწოდა. კავკასიის ფრონტზედ დაგროვილი რუსის ჯარი საქართველოს მიწა-წყალზე იდგა, ის რუსეთის სოც.-დემ. პარტიის ბუნებრივი მოკავშირე ხდებოდა. ადვილი წარმოსადგენია, რომ ასეთ პირობებში ადვილი საქმე არ იყო პატრიოტული იდეებით ქუჩაში გამოსვლა და საქართველოს დამოუკიდებლობის იდეის ქადაგება. ეს ხშირად სიტყვისა და პროპაგანდის ფარგლებს სცილდებოდა და რუსის ჯარისკაცებთან ხელჩართულ ბრძოლად იქცეოდა. ამ დროს ქუჩაში და ხალხში გამოდის სოციალისტური-ინტერნაციონალური პარტიის საწინააღმდეგოდ ახლად ორგანიზაციულად დაარსებული ერ.-დემოკრ. პარტია. ამ პარტიაში ცოცხალ ძალად შესული ახალგაზრდათა ორგანიზაცია ის ჯარია, რომელიც მოეფინება საქართველოს ქალაქსა და სოფელს, და სიტყვითა და ბრძოლით ავრცელებს რევოლიუციონურს ეპოქაში საღს სახელმწიფოებრივსა და ეროვნულს იდეებს. ამ ახალგაზრდათა დროშამ წარწერით: „დიდება სამშობლოს“, გაუმარჯოს თავისუფალ საქართველოს“ კიდით-კიდემდე მოიარა საქართველო. ქალაქები და მის ახლო-მახლო ბარად მდებარე სოფლები აღებულია სოციალისტების მიერ—აქ შეუპოვარს იდეურს ბრძოლას აწარმოებს ხალხში გასვლით ერ.-დემ. პარტია. საქართველოს განაპირა კუთხეები ჯერ კიდევ არ გამხდარა სოციალისტურ-ინტერნაციონალური დემაგოგიის მსხვერპლად. ეროვნულ-დემ. ახალგაზრდობაც ორგანიზაციულად ამ კუთხეებს მიაშურებს, სუსხიან-თოვლიან ზამთარში მოეფინება ეს ახალგაზრდობა აჭარა-ქობულეთის აფხაზე-

თის, სვანეთის, ხევსურეთის მთებს, და ხალხში ეროვნულს სახელმწიფოებრივს იღებესა და აზრებს ავრცელებს. ამ კუთხეებს ხელთ იგდებს, სოციალისტურ პარტიებს აქ შესავალს გზებს უჭრის, და მედგრად იცავს დაკავებულს ბოზიციებს ცენტრიდან მოწოლილ სოციალისტთა შემოტევისაგან. მრავალი ახალგაზრდა დაავითმოვდა და შეიწირა ესეთმა მუშაობამ. ჩვენი თაობა ვერ დაივიწყებს სვანეთში საპროპაგანდოთ მივლინებულთ და იქ სახადით გარდაცვლილთ ორ საუკეთესო მოწინავე ახალგაზრდათ: კ. დევედარიანს და ამბრ. პირველს. ეს იყო ხნა უწესოება-ანარქიისა, საქართველოში მომწყვდელი რუსის გახულიგანებული ჯარი ცარცავდა, ცეცხლს უკიდებდა საქართველოს დაწესებულებებს, სიმდიდრეს, ისროდა ქუჩაში და ახდენდა უწესობას; არ ემორჩილებოდა ადგილობრივ რევოლიუციონურ სამხედრო და სამოქალაქო ადმინისტრაციას და მთელის იარაღითა და სამხედრო ქონებით რუსეთისაკენ ვარბოდა. ეროვნულ-დემოკრატიული ახალგაზრდათა ორგანიზაციებმა თითქმის ყოველს ქალაქში შექმნა წესრიგის დამცველი რაზმები და მხურვალე მონაწილეობას იღებდა წესრიგის დაცვაში. ხშირი იყო შემაჯავებელი ვაჟკაცობისა და თავგანწირვისა: 1918 წელს აპრილში ქ. ქუთაისში ეროვნულ-დემოკრ. ახალგაზრდობის მცირე რაზმი ყაზარმაში შევარდნა და ანთარაღებს რუსის გახულიგანებულს ჯარის ნაწილს, რომელმაც რამოდენიმე ადგილას ცეცხლი გაუჩინა ქალაქს და ქონება გაიტაცა. ორი დღის შემდეგ ეს რაზმი ვაჟკაცურად იგერიებს რუსის ჯარის-კაცთა თავდასხმას „სამშობლოს“ რედაქციასა და პარტიულ კლუბზედ. იმავე წლის სექტემბერში ბათუმის ერ.-დემოკრ. ახალგაზრდობის მცირე რაზმი, რამოდენიმე ქართველი ოფიცრის ხელმძღვანელობით, თავს ესხმის მოხერხებულად, ანთარაღებს ქობულეთში მყოფ რუსის სანაპირო ჯარს, რომელიც სისტემატიურ ხულიგანურ გამოსვლებს ახდენს; ქობულეთის კომენდანტს პოლ. ჩხეიძეს, საჭირო შეიარაღებული ძალა არ ყავს მათი განთარაღებისათვის. ასეთი მაგალითებით მდიდარია ჩვენი ახალგაზრდობის ამ ეპოქის ისტორია.

ეს ამბები ხდება ამიერ-კავკასიის დამოუკიდებლობის ხანაში.

ქართველ საზოგადოებაში დიდი მზადებაა საქართველოს დამოუკიდებლობის გამოცხადებისათვის. ასი წლის წინ ჩასული საქართველოს მზე ამოდის, მისი ცხოველი სხივები ხვდება საქართველოს გულს. ქართველ ერს ახალი უბედურება ატყდება თავს. რუსეთის წითელი ჯარები მოიწივენ კავკასიისა და საქართველოს ხელახლად დასაპყრობლად. ბრძოლები სწარმოებს ბაქოს და სოჩის მიმართულებით. რუსის ჯარმა რამოდენიმე თვის წინ მიატოვა და გახსნა ოსმალეთის ფრონტი. ოსმალოს ჯარის მოძრაობა იწყება ბათუმის მიმართულე-

ბით. რუსეთის წითელი ჯარები კვლავ საქართველოს გვედაგვიან, ოსმალოს ჯარები კი ბათუმსა და ბათუმის ოლქს. საქართველო ორ ცეცხლთა შორის ემწყვდევა. საქართველოს ჯარი არ ჰყავს. ხელძღვანელი წრეები დაშურებით ჰქმნიან სამხედრო ნაწილებს. ასი წლის შემდეგ ქართველს მოესწრო თავის სამშობლოს თავისუფლებისა და მიწა-წყლისათვის ბრძოლა. ერ.-დემ. ახალგაზრდობას თავისი წვლილი შეაქვს ეროვნულ თავდაცვითი ბრძოლაში: დადგენილება გამოაქვს და წევრებს მოუწოდებს იარაღი აისხას, ახლად დაარსებულ ჯარის ნაწილებში შევიდეს, და სამშობლოს სადარაჯოზე დადგეს. რევოლუციონურ დროს სახელდახელოდ შექმნილი ჯარის ნაწილებში დაუფასებელი მორალური და ფიზიკური ძალა პატრიოტულ ცეცხლით აღზნებული წესრიგისა და მორჩილების შეგნებით აღჭურვილი ჩვენი ახალგაზრდობა. ტფილისის, ქუთაისის, თელავის და გორის ერ.-დემ. ორგანიზაციების წევრები მთლიანად ქართული ლაშქის პირველ მსროლელთა ნაწილში შედიან, ამ ნაწილებშივე შეჰყავთ ერ.-დემ. პარტიის ხევისურთა რაზმებიც. დავ. მიქელაძის მიერ შედგენილი პირველი ცხენოსანთა ასეული, რომელიც სასახლეს იცავს გაბოროტებულ რუსის ჯარისკაცისაგან და შემდეგ ყველა ომებში მონაწილეობს, თითქმის, სავსებით ჩვენი პარტიის ახალგაზრდობისაგან შედგება. ეს არის ქართული რევოლუციონური ჯარის პირველი მერცხალი. როდესაც საბჭოთა რუსეთმა ბაქო დაიკავა და იქიდან საქართველოსაკენ გამოეშურება, ჩვენი პარტიული ძალებიდან შესდგა მთელი ათასეული პოლკ. ჯაფარიძის სარდლობით და მან გადამწყვეტი როლი ითამაშა ამ ძალის შეჩერებაში. რამოდენიმე თვე იბრძოდა ეს ათასეული ევლახის ფრონტზე. ათასეულმა დიდი მახვერპლი გაიღო, მაგრამ მაინც იმარჯვებს და საბჭოთა ჯარებს პირს აბრუნებებს. აქ დაეცა ჩვენი ორგანიზაციის მრავალი ახალგაზრდა, მათ შორის სარიშვილი, გრ. ჩიქოვანი და სხვ. სენაკის ზუგდიდის, ფოთის, კიათურის ახალგაზრდურ ორგანიზაციის წევრები შემდეგ სოჩის მიმართულებით მებრძოლ ნაწილებში შედიან. აქ ბრძოლებშიც ვკარგავთ რამოდენიმე საუკეთესო ახალგაზრდას და მათ შორის ვაბ. ოთხმეხურსა და დ. ელიგულაშვილს. ბათუმის ორგანიზაციის წევრები მთლიანად ადგილობრივ საარტილერიო ნაწილებში შედიან. ბათუმშივე შედიან ცხენოსანთა ნაწილში მთლიანად შორაპნის მახრის ორგანიზაციის წევრები. აქ ორი მიმართულებით სწარმოებს ბრძოლები. სისტემატიურ—ოსმალეთის ჯარების მიმართ და შემთხვევითი გაბოლშევიკებულ მეზღვაურთა მიმართ. ამ ბრძოლებშიც თავიანთ პატრიოტული მოღვაწეობა პირნათლად შეასრულა ედ.-დემ. ახალგაზრდობამ. სამების სიმაგრეში, ოსმალეთის

ჯარებისაგან ალყა შემორტყმული საარტილერიო ნაწილისაგან მხოლოდ ერთი ახალგაზრდა გადარჩა და იესუ მძიმედ დაჭრილი. ახალციხის მიმართულებით მომქმედ ნაწილებშიაც საკმაოდ არიან ერ.-დემ. ახალგაზრდები, იქ მოიხადა თვისი ვალი და დაეცა ჩვენი ერთ-ერთი საუკეთესო ახალგაზრდა პოეტი გრ. მეგრელიშვილი.

შემდეგაც დამოუკიდებელი საქართველოს დემოკრატიული რესპუბლიკის მიერ გადახდილს თავდაცვითი ომებსაც არ დაკლებია ერ.-დემოკრატიული ახალგაზრდობა და ამ ომებშიაც თავისი პარტიოტული მოვალეობა პირნათლად აღუსრულებია, და არა ერთი და ორი საუკეთესო ახალგაზრდა შეუწირავს. ამ გვარად ომების დროს ერ.-დემ. ახალგაზრდობა იარაღში ზის, ჯარის კაცია და სამშობლოს იცავს. მშვიდობიანობის დროსაც იმ ჯარის კაცია, რომელიც ერ.-დემ. პარტიის სალი ეროვნული იდეების გასავრცელებლად დაუღალავად იბრძვის. ორი მოვალეობა: ერის კაცისა და პარტიის კაცისა ბუნებრივად თავსდება ერ.-დემ. ახალგაზრდობაში; და იგიც ორთავეს უტეხის ნებისყოფითა და უშრეტის ენერგიით ასრულებს.

აქვე აღსანიშნავია ერთი მშვიდობიანი საქმიანობა, რომელსაც ერ.-დემ. ახალგაზრდობა ეწევა, ახლად დაარსებულ ქართული უნივერსიტეტისა და რამოდენიმე ათასი სტუდენტთა ყოფა-ცხოვრების მოსაწყობად. უნივერსიტეტის კედლებში წესრიგის დაცვა, სტუდენტთა მოძრაობაში მონაწილეობის მიღება და მათი გაზომიერება, სტუდენტთა რამოდენიმე საერთო საცხოვრებელი ბინებისა და სასაბლილო, კოოპერატივის მოწყობა-მმართველი დიდს ენერგიასა და შრომას მოითხოვდა. და ამ საქმიანობაში ერ.-დემ. სტუდენტთა ფრაქციას ფრიად მნიშვნელოვანი როლი აღუსრულებია.

ყველა ეს ჩვენი პარტიის ახალგაზრდობის შედარებითი ძველი ისტორიაა; მას ახალი ისტორიაც უნდა დაემატოს, რომ ერ.-დემოკრ. ახალგაზრდობის მნიშვნელობა ერისა და პარტიის ცხოვრებაში სრულიად და ნათლად იქმნას წარმოდგენილი. 1921 წელს რუსის წითელა ჯარი სისხლში ახრჩობს საქართველოს თავისუფლებას, ქართული სამფეროვანი დროშა იკეცება ახალი მომავლისათვის.

ეროვნული ნებისყოფა და სურვილი თავისუფლებისადმი შეუწყველი რჩება. კონსპირატიული ერ.-დემ. პარტიის ხელმძღვანელი ორგანო ახალმიზანსა და ბრძოლის პირობებთან შეფარდებით, ახალსამოქმედო გეგმას იმუშავებს, პარტიის ორგანიზაციულ წესებს შესცვლის, პარტიის წევრებს გადაარჩევს. სამხედრო წრეები, სოფლის გლეხობა და ახალგაზრდობა ბუნებრივად ექცევა პარტიის მოქმედების ფარგლებში. ახალგაზრდობას განსაკუთრებული აქტიური როლი ეკისრება. ახალგაზრდათა ხელმძღვანელი წრეც შესცვლის ძველს

ორგანიზაციას კიდევ უფრო გააშორებს საშუალო სასწავლებლის მოსწავლეთა ორგანიზაციებს. სტუდენტთა ორგანიზაციის წევრებსაც გადაარჩევს ახალი კონსპირატიული მუშაობისათვის. ათეულობათ დაჯგუფების გზით სამხედრო წესები შეაქვს ორგანიზაციაში. პარტიის არალეგალურ ცენტრალურ კომიტეტში შეჰყავთ, ლეგალურ დროსაც მთავარ კომიტეტში მყოფნი ახალგაზრდობის ორგანიზაციების წარმომადგენელნი. ამგვარად სტუდენტთა ორგანიზაცია ებმება არალეგალურს მუშაობაში. ახალგაზრდულის ენერგიითა და გატაცებით ასრულებს მრავალს საპასუხისმგებლო და სახიფათო დავალებებს.

1922 წლის იანვარში ქვაშვეთის ეკლესიაში სტუდენტ. გამგეობის მიერ განზრახული პანაშვიდი საბჭოებთან ბრძოლაში დახოცილ მამულიშვილთა სულის მოსახსენებლად, რომელიც საბ. მთავრობის მიერ აღკრძალვის გამო დიდ დემონსტრაციით გადაიქცა. ეროვნული დროშებით აზღვევებულმა ახალგაზრდობამ რუსთველის პროსპექტით „ჩეკის ჯარის“ ნაწილთა გარშემორტყულმა უნივერსიტეტამდე ლეგალურ ორგანიზაციულ წესებს; ცალკე გამოყოფილს სტუდენტთა მიაღწია.

ამავე წლის თებერვალში უნივერსიტეტის კედლებში გამართული დემონსტრაცია, რომელიც ხელჩართულ ბრძოლად იქცა, ამავე წლის აპრილში, სამხედრო ტაძრის ეზოში დამარხულ მეომართა საფლავზედ გადახდილი ეროვნული პანაშვიდი და დემონსტრაცია, ამავე წლის მაისის საერთო ეროვნული დემონსტრაცია, რომელმაც აუარებელი დაჭერები გამოიწვია და სხვანი. ყველა ამ დემონსტრაციებში ერ.-დემ. ახალგაზრდობა მეთაოსნე და ცოცხალ მებრძოლ ძალათ არის წარმოდგენილი და მსხვერპლსაც საკმაოდ იღებს.

ახლო კავშირი არსებობს პარტიის ცენტრ. კომიტეტსა და სტუდენტთა და ახალგაზრდათა ორგანიზაციებს შორის. აჯანყებისათვის მზადებაა თფილისსა თუ პროვინციებში. აჯანყების მთელ სამზადის ორი-სამი წლის განმავლობაში უფროსებთან ერთად სტუდენტობა და ახალგაზრდობა აწარმოებს. ესენი არიან ამ იდეის ხორცშემსხმელნი. ახალგაზრდობის ხელმძღვანელთა დიდი უმრავლესობა არალეგალურ ცხოვრებას ატარებს. საქართველოს ცენტრსა და პროვინციებში თავდავიწყებით მუშაობს აჯანყების მოსამზადებლად. ჯერ კიდევ 1921 წლის სვანეთის აჯანყება ერ.-დემ. ახალგაზრ. ორგანიზაციის წევრის ბიძინა პირველის ხელმძღვანელობით ხდება. ქ. ჩოლოყაშვილის რაზმთან კავშირი და ურთი-ერთობაშიც ის დიდს მონაწილეობას იღებს. პარტიის ცენტრმა შეიმუშავა „შეფიცულთა ლაშქარის“ წესდება და ფიცი. ჩვენი პარტიის სტუდენტთა 30 ათეული ამ შეფიცულ-

თა ლაშქრის პირველი ნაწილია სევანეთის აჯანყების დროს შეფიცულედან ეროდ. შემდეგ პარტიამ ეს წესდება და ფიცი ქაქუცა ჩოლოყაშვილს გაუგზავნა და მისი რაზმიც ამ ლაშქარში მოათავსა და თვით ჩოლოყაშვილი შეფიცულთა ლაშქრის სარდლად გამოაცხადა.

რაზმში თავიდან არის რამოდენიმე ერ.-დემ. პარტიის ახალგაზრდობა; ერთ-ერთი შეტაკების დროს მძიმედ დაჭრილი, დატყვევებული და ნაწამები ერ.-დემოკრატი სტუდენტი კანდელაკი, იშვიათვაკაცობას და სიმტკიცეს იჩენს. მისი ჩოლოყაშვილის რაზმში გაგზავნა ხდება 1922 წლის სტუდენტთა არალეგალური კონფერენციის დადგენილებით.

შორაპნის მაზრაში მომქმედი ბაჭუჭია იშხნელი ერ.-დემ. ახალგაზრდობის წრიდან გამოსულია და მის რაზმშიაც მრავალი ერ.-დემ. ხახლგაზრდაა. სევანეთში გაგზავნილ პირებთანაც, ახალგაზრდობის საშვალეებით არის კავშირი. არა ერთხელ გადაუვლიათ სევანეთის თოვლიანი მთები, შემდეგში დახოცილ ძმებს დგებუაძეებს და სხვებს. სამოქალაქო და სამხედრო ორგანიზაციებში ფრიად საპასუხისმგებლო ადგილები უჭირავსთ ჩვენ ახალგაზრდებს. სხვა და სხვა სამხედრო საქმიანობისათვის გამოყოფილია საგანგებო რაზმები ახალგაზრდათა ორგანიზაციებისაგან. ამ ახალგაზრდათა წრეებში ტრიალობს აგვისტოს აჯანყების მთავარი შემზადებელი ერ.-დემ. ცენტრის წევრი გიორგი წინამძღვრიშვილი. მისი მარჯვენა ხელია ახალგაზრდათა ორგანიზაციის წევრი გრიგოლ მაკარიძე. წინამძღვრიშვილის დაქვრის შემდეგ აჯანყების დრო მრავალჯერ გადაიღო, მტერი რეპრესიებს აძლიერებს, აქტიურ ახალგაზრდათაგან ზოგი ხანგრძლივ ტყვეობისა, არალეგალური ცხოვრებისა და მძიმე მუშაობის გამო ავადმყოფდება, საგრძობს ნაწილს ატუსაღებენ, მაგრამ მათ მომდევნონი სცვლიან. აჯანყება იწყება, ახალგაზრდობა იარაღს ისხამს და აჯანყების პუნქტებში თავს იყრის. კოლონელი მხეიძე ერ.-დემ. რაზმით, სადაც უმრავლესობა ახალგაზრდა ორგანიზაციის წევრებია. თავს ესხმის სენაკის ჩეკას და იქ მყოფ სამხედრო ნაწილს გაანარაღებს, ქალაქს ხელთ იგდებს და აჯანყებას მასიურ ხასიათს აძლევს. სევანეთის აჯანყებასაც ისევე ახალგაზრდა ბ. პირველი ხელმძღვანელობს. შორაპნის მაზრის აჯანყების მთავარი ძარღვი ახალგაზრდათა ორგანიზაციის წევრები დ. ვაბუნია და სხვანი არიან. მათი რაზმი კიდით-კიდემდე მოივლის შორაპნის მაზრას და ადმინისტრაციას ანარაღებს-ატყვევებს. აჯანყებას მასიურ ხასიათს აძლევს, რუსის ჯარის მნიშვნელოვან ნაწილებს ებრძვის და მათ ხელმძღვანელებს დაუხოცავს. მთავარ ბრძოლას ჩხარის მიდამოებში აწარმოებენ.

უკან ახევინებენ იქ თავმოყრილ რუსის ჯარებს; ჩხარს იკავებენ და ოქონის მთიდან მოწოლილს რუსის ჯარს ხელჩართულ ბრძოლას უმართავენ. რამოდენიმე ჩვენი ახალგაზრდათაგანი ეცემა ტყვიის-ფრქვეველისაგან დაცხრილული ამ უსწორო ბრძოლაში. აჯანყების წინ დატყვევებულსთ, აჯანყების დროს ტყვეთ ჩავარდნილნიც ემატებიან და ყველა ესენი რამოდენიმე ათას ქართველთან ერთად იხვრიტებიან. ჩვენი ახალგაზრდობის წრეებში მეტად საპატივო და სამაყო ადგილი ექნება სამშობლოს თავისუფლებისათვის დაცემულს გ. კლიმაშვილს, ძმებ დგებუაძეებს, გ. მაკარიძეს, შ. აბაშიძეს, დ. გაბუნას, შ. შურღაიას, ალ. კედიას, მ. გოგიაშვილს, ვ. სინჯიკაშვილს, მ. ხოფერიას და ყველა მათ, ვინც მათთან ერთად დაეცნენ. აი ისტორია ერ.-დემ. ახალგაზრდობის ორგანიზაციისა და ამ ისტორიას ჰქმნიან ვაჟებთან ერთად ქალებიც, რომელთა სიმხნევე, გამტანობა და თავდავიწყებითი მუშაობა ეროვნულსა და პარტიულ მოძრაობაში დიდათ დაფასებულია. ომების დროს გვერდში გვიდგნენ ჩვენი ორგანიზაციის ახალგაზრდა ქალები, დაღვალურ თუ არა არაღვალურ მუშაობის დროსაც მეტად საპასუხისმგებლო თანამდებობებს ასრულებდნენ. აქ ჩვენ, ჩვენი პარტიის ახალგაზრდობის ისტორია აღვწერეთ. ამით სრულიად არ გვინდა იმას თქმა, თითქოს მხოლოდ ჩვენი ახალგაზრდობა ეწეოდა ამ ეროვნულს და პარტიულს მუშაობას და ბრძოლას, სხვა პარტიის ახალგაზრდობაც დიდის თავდავიწყებით ასრულებდა თავის ეროვნულს დანიშნულებას, და დიდი მსხვერპლიც გაიღო. ჩვენ სიხარულით აღვნიშნავთ, რომ პატრიოტობა ქართველი ხალხისა და ქართველი ახალგაზრდობის საერთო საკუთრებად ვახდა და სამშობლოსათვის თავის დადება საერთო ეროვნულ მოვალეობად იქცა.

პარტიის ხელმძღვანელი წრეც ღირსეულად აფასებს ჩვენი ახალგაზრდობის როლს ეროვნულს ბრძოლაში, და დიდს ანგარიშს უწევს მის აზრსა და სიტყვას. ახალგაზრდობის როლი ჩვენს პარტიაში მუდამ იყო მშვიდობიანი და საქმიანი, არასოდეს მას პარტიის ინტერესებისთვის არ გადაუხვევია. ჩვენი პარტიული ახალგაზრდობა საბედნიეროდ არასოდეს შეუტყურია რუსულ ნილილიზმს. არ დაუგმია უფროსი თაობის მოქმედება-მოღვაწეობა და არც განუზრახავს მოუმწიფებლად, მოუშაადებლად და საჭირო ცოდნა-გამოცდილების მიუღებლად უფროსთა თაობის შეცვლა. ჩვენი ახალგაზრდობა მუდამ მოკრძალებითა და თავაზიანობით ექცეოდა თავის უფროს ამხანაგებს. ჩვენი პარტ. ისტორიას არ ახსოვს ახალგაზრდობისა და უფროსთა შორის დავა და უთანხმოება. მას მუდამ კარგად ესმოდა, რომ ერთიმეორესადმი მიმდევნო თაობათა შორის თანხმობა-სოლიდარობა და

ურთი-ერთის გაგება ისევე საჭიროა ეროვნული ცხოვრების ნორმა-
ლურ განვითარებისათვის, როგორც ოჯახის წარმა-
ტებისათვის მის უფროს და უმცროს წევრთა შორის სოლიდარობა
და თანხმობა.

ჩვენი ახალგაზრდობა მუდამ მტკიცედ იდგა პარტიული მთლიანობის სადარაჯოზედ. ჩვენს პარტიას ხანგრძლივი ისტორია არ აქვს, მაგრამ, მთელი ეს ხანა სავსე იყო მნიშვნელოვანი გარდატეხებითა და მოვლენებით. ვასაგებია, რომ ასეთს პირობებში პარტიას მრავალჯერ გაუჩნდებოდა ისეთი საკითხები, რომელიც მასზე აზრთა სხვა და სხვაობას გამოიწვევდა და ამიტომ ტაქტიკურსა თუ ორგანიზაციულ უთანხმოებებსაც. მუშაობის მძიმე და არანორმალურ პირობებში ძნელი იყო მცირე უთანხმოების და განხეთქილების აღდენა. პირველ კონფერენციის შემდეგ ჩვენს პარტიას გამოეყო ერთი ჯგუფი, რომელმაც შემდეგ ცალკე დაიწყო მოქმედება რადიკალ-დემოკრატიულ გლეხთა პარტიის სახელით და კიდევ შემდეგ მეორე ჯგუფი, რომელიც მუშაობდა ეროვნული პარტიის სახელწოდებით. მალე გამოირკვა, რომ სადაო ტაქტიკური საკითხები წარმავალი აღმოჩნდნენ და ნაკლებად მნიშვნელოვანი, ხოლო ის საერთო და უდავო საკითხი კი, რომელიც ჩვენი პარტიის ყველა წრეებს აერთებდა, იყო მუდმივი და უმთავრესი მნიშვნელობის. ამ საფუძველზე მოხდა პარტიის კვლავ და მტკიცედ გაერთიანება 1920 წლის დამლევს და ამის გამო მასთან კიდევ ახალი ძალების დაკავშირება (უპარტიო აკადემიური კავშირი). ამ გაერთიანების შემზადებაში ჩვენმა ახალგაზრდობამ მნიშვნელოვანი როლი ითამაშა; ის მხურვალე მონაწილეობას ლებულობს მის შემზადებაში. სამწუხაროდ ეს ტრადიცია ვერ იქნა სავსებით დაცული ჩვენს ემიგრანტულს პირობებში. რამოდენიმე ახალგაზრდა, პარტიიდან გამდგარ ზოგიერთს პირს გვერდში ამოუდგა და მათთან ერთად პარტიის წინააღმდეგ და საზიანოდ მუშაობს. მაგრამ ასეთი მათი მოქმედებისათვის ვერაფერს დააკისრებს ჩვენს პარტიულ ახალგაზრდობას რაიმე ზნეობრივს პასუხისმგებლობას. ჩვენი ახალგაზრდობის ორგანიზაციული მორალის და ტრადიციების დარღვევამდე ამ პირებმა ნათლად გამოამყვანეს თავისი გადახვევა და დაშორება პარტიის იდეურ პლატფორმისა, მისი ტაქტიკისა და ორგანიზაციული წესების; ისინი კიდევ უფრო შორს წავიდნენ, და ისეთი მეთოდები შემოიღეს თავის მოქმედებაში რაც სრულიად არ ეთანხმება პოლიტიკურ მუშაობის საყოველთაოდ მიღებულ მორალს. ასეთი მათი მოღვაწეობა ერ.-დემ. პარტიის ანგარიშში ვერ ჩაითვლება. სიამოვნებით უნდა აღვნიშნოთ, რომ ჩვენი პარტიის პირველი

და მეორე თაობის დიდზე დიდი უმრავლესობა, რომელიც უშუალო მონაწილეობას ლებულობდა ჩვენს პარტიულ ცხოვრებაში, მტკიცედ იცავს შვენი მიმართულებისათვის სავალდებულო სინდჯისა და სინდარბაისლეს და პოლიტიკურს მორალს. ის პარტიის ცენტრთან პარტიის ხელმძღვანელებთან რჩება და განაგრძობს დაცვას და გამაგრებას იმ პოზიციებისა, რომელზედაც იდგა მუდამ, და დგას გლეხ ეროვნულ-დემოკრატიული პარტია. უკანასკნელი 10-15 წლის პერიოდი, რომლის განმავლობაში ეროვნულსა და პარტიული ბრძოლისა და საქმიანობის ასპარეზედ მომწიფდა და დავაყვაცდა პარტიის აქ ჩვენი სახით წარმოდგენილი ახალგაზრდათა ორი პირველი თაობა, მდიდარია ქართული ეროვნული მოღვაწეობით, რომელმაც ჩვენის მონაწილეობითა და ჩვენს თვალს წინ გაიარა. ამ ეპოქამ სრულებით გაამართლა ერ.-დემ. პარტიის იდეები; ამავე ეპოქამ გაამართლა ჩვენი პარტიის მიერ აღებული ეროვნული პრაქტიკული ბრძოლის ხაზი და ამ ბრძოლისათვის ეროვნულ ცოცხალ ძალთა შორის თანხმობის დამყარების იდეა. ეროვნულ ძალთა თანხმობას ბევრი მტერი აღმოუჩნდა, და ამით აიხსნება, რომ პარტიამ ჯერ კიდევ ვერ მიაღწია ეროვნულ ძალთა საღსა და მკვიდრს ერთობას.

ჩვენი პარტიის პატრიოტული და სახელმწიფოებრივი ბუნება მოითხოვს, ყოველივე იღონოს პარტიის ხელმძღვანელობამ ეროვნულ ძალთა საღი და მტკიცე მთლიანობის შესაქმნელად. ამის საწინაღმდეგო გზა არის კლასთა ბრძოლის—სამოქალაქო ომის გზა. ამ გზით ვერ მიიმართება ეროვნული დემოკრატიული სახელმწიფოებრივი პარტია. ეს უკანასკნელი 10-15 წლის ეპოქა მდიდარია სოციალისტური უტოპიური იდეების ვაკოტრების მაგალითებით. არც-ერთს ნიადაგზად სოციალისტური იდეების თესლი არ ხარობს. სოციალისტური პარტიის საღი ელემენტები ამ ვაკვეთილებით სარგებლობენ ცხოვრების რეალურ მსვლელობას ეგუებიან და ეროვნული სახელმწიფოებრივის გზით მსვლელობას იწყებენ. ჩვენმა პარტიამ ყოველმხრივ უნდა შეუწყოს ხელი ამ წრეთა ასეთს გაჯანსაღების პროცესს. დიდმა რევოლიუციონურმა ქარიშხალმა გადაიარა საქართველოს ზედაპირზედ, ჩვენს ერს წაართვეს თავისუფლება და მისი ცხოვრების მთავარი საფუძველი—კერძო საკუთრება, ინდივიდუალური მეურნეობა, ოჯახი, სარწმუნოება და სხვ. რომელზედაც შენდებოდა საუკუნოების მანძილზედ საქართველოს სახელმწიფო. საქართველო გახდა მსხვერპლი სოციალისტური იდეებისა. ჩვენი პარტიის დანიშნულებაა ეროვნულ ძალთა მთლიანობით ეროვნული თავისუფლების მოპოვება, და მომავალი სახელმწიფოს დემოკრატიულს უფლებრივსა და სოციალურს საფუძველზედ აღშენება.

ერ.-დემ. პარტიის ახალგაზრდობის ეროვნული და პარტიულ-მოვალეობა მხარში ამოუდგეს ამ მიზნებისათვის მებრძოლი პარტიის მეთაურებს, აქტიური მონაწილეობა მიიღოს ეროვნულსა და პარტიულს საქმიანობაში, და ამავე დროს აღიჭურვოს საჭირო ცოდნით მომავალი თავისუფალი ეროვნული სახელმწიფოს მართვა-აღმშენებლობისათვის. მხოლოდ ასეთი პოზიცია შეეფერება ზენნი პარტიის ახალგაზრდობის თავდადებით, უტეხის ნებისყოფით, უსრუტის ენერგიით, ცოცხალის აზრითა და დარბაისლურის გონებით შექმნილს მის მდიდარს ახლოწარსულს პარტიულსა და ეროვნულს ისტორიას.

სრულიად საქართველოს კათოლიკოზ-პატრიარქის უწმიდესი ლეონიდის

ეპისტოლე

მოხკოვისა და სრულიად რუსეთის პატრიარქის უწმიდესი ტიხონის მიმართ

მდაბალი ლეონიდე, წყალობითა ღვთისათა კათოლიკოზ-პატრიარქი სრულიად საქართველოსა, საყვარელ მეუფესა და ქრისტეს მიერ უპატიონნესა ძმასა და თანამახურსა, უწმიდეს ტიხონს, მოხკოვისა და სრულიად რუსეთის პატრიარქს.

გამსვენებელი პირუთსნელისა სარწმუნოებისა ზენისა (II ტიმ. 1, 5) და სიყვარულისა წმინდითა გულითა და კეთილითა სინდისითა (I ტიმ. 1, 5) ჭეშმარიტებისადმი, ივერძის ეკლესია იხარებდა სიხარულითა დიდითა რაქამს იუწყა აღსვლა ზენი ეკლესიაზედა რუსეთისასა და ამრიგად აღდგენა მასში კანონიკური წესისა. გარნა 29 ქრისტიანობისთვის 1917 წლის თარღის მესამე წომრით აღნუსხული ზენი ეპისკოპოსის მიღებამ ეს ჩვენი დიდი სიხარული ღრმა მწუხარებით შესცავლა, ვინაიდგან ამ ეპისტოლეში ჩვენ კერა ვბოვეთ ზენი სათვისო „მშვიდობისა და სიყვარულის სიტყვანი“, არამედ მხოლოდ ბრალდება ქართველი ეპისკოპოზებისა მასში, რომ მათ კანონიკური მიმართება მართლმადიდებელ რუსულ ეკლესიასთან დაარღვიეს და არ დაიყოვნეს დროებით მთა რომისაგან გამოეჯათ დადგენილება (27 მარტი 1917.) საქართველოს ეკლესიის ავტოკეფალიის აღდგენისათვის; ხლოდ ამითი სარწმუნოებისა და სიყვარულის ერთობა დაარღვიეს მართლ-

მადიდებელ რუსულ ეკლესიასთან და შესწავიეტეს მასთან წინააღმდეგ კანონიურ წესდებათა ყოველივე ურთიერთობა, მაშინ როდესაც (ასე სჯის შენი სახიერება):

1) „ერთმორწმუნე საქართველო ას წელზე მეტია რაც შეუერთდა რუსეთს ერთი საეკლესიო მთავრობის ქვეშ და იმ დროთაგან უმაღლესი საეკლესიო მმართველობა საქართველოში მინიჭებული ჰქონდა უდავოთ რუსეთის უწმიდეს სინოდს“;

2) ამგვარი წესი „საუკუნის სტადიონზე არ იწვევდა არავითარ წინააღმდეგობას“ და

3) „როცა 1905 წელს გამოირკვა საქართველოს ეკლესიის ავტოკეფალიის აღდგენის ცდა, უწმიდესმა სინოდმა 1906 წელს განაჩინა აღნიშნული საკითხი გადაცემულიყო განსახილველათ რუსეთის ეკლესიის მომავალ ადგილობრივ კრებაზე, რომლის სამსჯავროზე ჩვენ თანამდებრივავით წარგვედგინა ჩვენი საეკლესიო სურვილები და ზრახვები და უნდა გველოდნა მისი გარდაწყვეტილებისათვის.“

ნათქვამიდან სჩანს, რომ უწმიდესობა შენი კმასაყადველათ ვერ გარკვეულა ჭეშმარიტებაში, ამისა გამო ვალათ მივიძინე თქვენს სახიერებას ივერიის ეკლესიის თაობაზე წინადაუდლო სიტყვა სიმართლისა წმინდისა.

I

ერთმორწმუნე საქართველო (ამტკიცებს შენი უნეტარესობა) შეუერთდა რუსეთს საერთო საეკლესიო ხელისუფლების ქვეშ და ამის შემდგომ უმაღლესი ეკლესიური გამგებლობა საქართველოში „უძილობლათ ეკონომიკა რუსეთის უწმიდეს სინოდსა“.

ას წელზე მეტია, როგორც შენმა უწმიდესობამაც უწყის, რაც მოწამებრივი საქართველო მართლაც შეუერთდა ერთმორწმუნე რუსეთს ერთი საზოგადო სამოქალაქო ხელისუფლების ქვეშ, გარნა ამავე დროს მას სრულებით არაფრით განუტყუადებია თვისი სურვილი მასთან ეკლესიურადაც შეერთებულებიყ.

ამგვარი პაწრები შესაძლებელია აღძრულან ამათუიმ მის სამოქალაქო მმართველობაში, ხოლო ეკლესიის უფლებამოსილ მესვეურთა კრებული შესახებ ამ საგნისა იდგა გარკვეულ გარდაწყვეტილებაზე: სამოქალაქო ცხოვრების ახალს პირობებშიაც დასუფიყოფილიყო მისი ეკლესიური დამოუკიდებლობა.

თავდაპირველათ თვით რუსეთის უწმიდესი სინოდიც კი არ იჩენდა სურვილს ქართულ საეკლესიო საქმეებში ჩარეულიყო; ასეთი პაწრის მიმცემნი პირველ ხანებში საცებით იყვნენ „უფროსნი ამა ქვეყნისანი“ მის იმპერატორობითი უდიდებულებობის სახელს რომ ეუარებოდნენ. სისწორისათვის მოვისმინათ მოვლენათა სარწმუნო აღმსრულებლის—ისტორიის—ხმა: უწმიდესი სინოდის ობერპროკურორმა თავადმა გოლიცინმა რომ მიიღო საქართველოს მთავარმართებლის

გენერალ ტორმასოვის მიმართვა „საეკლესიო მამულთა შესახებ (№№ 94, 99), მან ისარგებლა ამ საბუთებით და იმპერატორს შესაბამი მოხსენება წარუდგინა, ხოლო შემდგომ (28 ენკენისთვე 1810) ასე უთვლიდა ტორმასოვს: „ამ შემთხვევისა გამო იმპერატორმა მიაქცია ყურადღება იმას, რომ უწმიდეს სინოდს გავლენაჲ არა ჰქონია და და არც სნობები მოეპოება ქართულ სამღვდელთების საქმეთა თაობაზე; იმპერატორი ავალებს თქვენს მაღალადმატებულებას: რათა უმჯობესად მოსაზრებელი იქმნენ ამ საქმეთათვის განზრახული დადგენილებანი, საჭირო არის მიჰმართოთ საქართველოში მყოფ მთავარეპისკოპოს ვარლამს (ყოფილი აღთაღელი, თავად ერისთავთა გვარი-სა) და აღგილობრივ გარემოებათა მიხედვით წარმოდგენილ იქმნეს მოხსენება: რა სახითა და რა გვარ საფუძველზე მოეწყოს ქართველ სამღვდელთების მმართველობა, რომ ის დაექვემდებაროს უწმიდეს სინოდს (კავკას. არქეოლ. კომის. აქტები, ტ. IV, გვ.: 157, 158, 161.)

გენერალ ტორმასოვმა, რომელმაც თავ. გოლიცინის მიუთითებლათაჲ მიჰყო საქართველოს ეკლესიის საქმეებში ხელის ჩარევას (1809 წლის 6 თიბათვიდან) და რომელმაც 1810 წლის 3 გიორგობისთვეს რუსეთში გადასახლა კათოლიკონი ანტონ II,¹) — წარუდგინა თავ. გოლიცინს (10 თებერვალს 1811 წელს, № 28) „საქართველოს ეკლესიის მმართველობის პროექტი“ შორსუჭკრეტ და პატივმოყვარე მთავარეპისკოპოს ვარლამთან შეთანხმებით გამომუშავებული. ამ პროექტით საქართველოს ეკლესიის სათავეში უნდა მდგარიყო მსხეთისა და ქართლის მღვდელმთავარი, ვითარცა უფროსი ქართველი სამღვდელთებისა და რომელსაც მიენიჭებოდა უფლება წოდებულიყო მსხეთისა და ქართლის მიტროპოლიტად და სინოდის ექსარხოსად საქართველოში; ის უნდა ჩარიცხულიყო უწმ. სინოდის უწყებაში. რომლის სახელზე ვალდებულიყო საგანგებო და სხვა საჭირო შემთხვევებში ეგზავნა პატაკები, აგრეთვე ეწარმოებინა სახოგადო მიწერმოწერაჲ (იქვე გვ. 162).

იმპერატორმა ალექსანდრე I-მა 1811 წელს 1 აპრილს უბრძანა უწმიდეს სინოდს განეხილა პროექტი და სინოდის „იძულებული შეიქმნა“ ჩარეულიყო საქართველოს ეკლესიის საქმეებში (დეკანოზი პროფ. ბუტკევიჩ²) с вопроса об автокефалии грузинской церкви. გვ. 19, 23). ამ საქმისათვის მან დააზნადა უქვეშევრდომილესი მოხსენება და 21 თიბათვის 1811 წელს წარუდგინა მეფეს; ეს მოხსენება უკანადაბრუნებული იქმნა მეფის საკუთარ ხელმოწერილი რეზოლიუციით: „იქმნეს ამისაებრ“ (აქტები ტომი IV, გვ. 166-169).

ამრიგად, საქართველოს ეკლესიის ავტოკეფალიის გაუქმება არის არა ნებაყოფლობითი შეერთება ერთმორწმუნე რუსეთთან, არამედ ნამოქმედარი „ამაჴვეყნის უფროსთა“. ხოლო თქვენს უწმიდესობას კარგათ მოეხსენება, რომ საეკლესიო საქმეებში „სოფლიურ უფროსთა“ ჩარევას ღვთაებრივი კანონები არ ეგუებიან (მოციქულთა კან. 30; მეოთხე მსოფლიო კრება, 12; მეშვიდე მსოფლიო კრება, 3), ისინი მხოლოდ იძულებულნი არიან აიტანონ ასეთი ჩარევა, როდესაც ხელმწი-

ფეხი მეფისა ჰკვეს „ნამდვილი მიტროპოლიტის“ ოლქს ახალი ქალაქის დაარსებით და ისიც იმგვარად, რომ ძველი მიტროპოლია არ განიძღიდეს შევიწროებას. ეს „ატანას“ მხოლოდ იმით აიხსნება, რომ კანონების შემომქმედ მამათ „არა აქვთ შესაძლებლობა მეფის ხელისუფლების წინააღმდეგობისა“ (მე-IV მს. კრება, 12 და 17; მე-IV მს. კრება, 38; ზონარის განმარტება მე-IV კრების მე-17 კანონისა). უწმიდეს სინოდმა-კი, რომელიც თითქმის გაუბრუნდა საქართველოს ეკლესია თან ურთიერთობას და რომელსაც მისდამი თავი ეჭირა „რუსის ეკლესიის ისტორიკოსისათვის გაუგებარი დელიკატობით (ბუტკევიჩი), თანაც ამ ურთიერთობისაგან (საქართველოს ეკლესიასთან) არაფერს გამოელოდა, თვინიერ უსიამოვნებისა (ბუტკევიჩი—16, 19),—ამისდა მიუხედავად მან ერთი სიტყვაც არ გაიმეტა საქართველოს საეკლესიო საქმეებში გენერალ ტორმასოვის ჩარევის წინააღმდეგ; პირიქით ისარგებლა შემთხვევით, რომ იმის შემწეობით მიეღო ბრძანებლობა საქართველოს ეკლესიაზე და ამრიგად დაარღვია შემდეგი კანონები: 1) არც ერთმა ეპისკოპოსმა არ უნდა იკადროს ერთი ეპარქიიდან მეორეში გადასვლა, არც სხვა ეპარქიის ტაძრებში ვისიმე ხელდასხმა ღვთისმსახურების შესრულებისათვის, არც თუ ვისიმე მიყვანა მუნ, გარდა იმ შემთხვევისა, როცა მოწვეულ იქმნება მიტროპოლიტისა და მასთან მყოფ ეპისკოპოსების სიგელებით, რომელთა ოლქები გასასვლელი აქვს უკეთუ არავისაგან ჰქონია მოპატიჟება და უწესოთ შევა ვიეთნიმეთა ხელდასახმელათ და მისდამი უკუთვნილ საეკლესიო საქმეთა მოსაწესრიგებლათ, ყოველივე მისგან ჩადენილი იყოს ძალუდები, თვითონ-კი უწესებისა და უმართებულო საქციელისათვის ჯერარს შესაბამისი სასჯელის მიღებად—წმიდა კრების მიერ თანამდებობიდან დაუყოვნებლივ განდევნით (ანტიოქ. კან. 13).

2) საოლქო ეპისკოპოსები ნურცა ავრსელებენ თვისს უფლებას ოლქის გარეშე მდებარე ეკლესიებზე და ნურცა აღრევენ ეკლესიებს. მიუპატიჟებლად ეპისკოპოსი ნუ გარდავა თვის ოლქის საზღვრებს ხელდასახმელად, ან რაიმე სხვა საეკლესიო განკარგულების მოსახდენათ. ხოლო ზემოაღნიშნულ კანონის დასვით საეკლესიო ოლქათვის, ცხადარს, რომ თვითოეული ოლქის საქმეთ კეთილწესებს იმავე ოლქის კრება, ვითარცა განმატებულ არს ნიკეაში (მე-II მსოფ. კრება, 2).

3) ... აღსასრულებლად ყოველს ეპარქიათა შინა: ნურავინ ღვთისსაყვარელ ეპისკოპოსთაგანი განავრსელებს უფლებას სხვათა ეპარქიაზე, რომელნიც წინადაც და პირველიდგანვე არა ყოფილა მის წინამოადგილის ხელქვეით; უკეთუ ვინმე განავრსელა და რომელიმე ეპარქია ძალდატანებით დაიმორჩილა, მისცეს უკანვე; ნუ გადაილახება მამათა კანონები, ნუ შემოიპარება ღვთიურ მოქმედების სახით მსოფლიურ ხელმწიფის მედიდურება და ნუ დაკარგავთ თანდათანობით

შეუმჩნევლად იმ თავისუფლებას, რომელიც ყოველთა ადამიანთა განმათავისუფლებელმა უფალმა ჩვენმა იესო ქრისტემ სისხლითა თვისითა მოგვანიჭა ჩვენ. და ასე: წმიდა და მსოფლიო კრებას ენებება, რათა ყოველმა ეპარქიამ დაიცვას სიწმიდით და შეუიწროებლათ თავიდანვე მიკუთვნილი უფლებები, ძველად დამკვიდრებულ ჩვეულებებისამებრ... უკეთუ ვინმემ წინადასდო აწ განმარტებული და წმიდა და მსოფლიო კრების მიერ ნებული დადგენილების საწინააღმდეგო რაიმე, იქნეს იგი ძალუმოსილი (მე-III მსოფ. კრება, 8).

უწმიდესმა სინოდმა უგულებელჰყო აღნიშნული წმიდა კანონები, ის უმაღლეს ბრძანების „აბჯარში შეიმოსა“ (ეფ. 6, 14.) და „უმწიკვლოდ“ (ბუტკვირ, გვ. 26) შეეცადა იმას, რომ 10 თიბათვეს 1811 წ. იმპერატორმა ალექსანდრე პავლოვიჩმა „შეიწყნარა საქართველოს კათოლიკოსის ანტონის არზა და უმოწყალებად დაითხოვა ის სასულიერო საქმეთა გამგებლობისაგან საქართველოში“. საქართველოს ეკლესია მისი იერარქიის კრების დადგენილების გარეშე დაქვემდებარებულ იქმნა სრულიად რუსეთის სინოდისადმი, ხალხ ამ ეკლესიის სათავეში აღიყვანებენ პატივმოყვარე ვარლამს, იმ დროს უკვე მსხეთსა და ქართლის მიტროპოლიტს, — სინოდის წევრისა და საქართველოში მისი ექსარხის ტიტულით (Christianskoe tschentie, 1905. ტ. I, გვ. 105-111).

ასე მოხდა, წმიდა მეთეფო, საქართველოს შეერთება რუსეთთან ერთ საზოგადო საეკლესიო ხელისუფლების ქვეშ, და ასეთს შეერთებას უწმიდესობა შენი კანონიურ მოქმედებათა სთვლის „სიმაართლისა და სიყვარულის სიტყვასთან“ შეზავებულათ.

II

სახიერება შენი ამტკიცებს: „საქართველოს შეერთება რუსეთთან ერთის საზოგადო საეკლესიო მმართველობის ქვეშ მთელი საუკუნის სტადიონზე არავითარ წინააღმდეგობას არ იწვევდა“, პირიქით: „უწმიდესი სინოდის განკარგულებაში იმყოფება მრავალი საბუთი, თვით ქართველი ხალხისაგანაც გამომდინარე ამიერკავკასიის ეპარქიებში მის მმართველობის კეთილწყობიერების დასამტკიცებლად. ქართველი სამღვდლოებისაგანაც კი, ყოვლადსამღვდლო კირონის, აწ საქართველოს კათოლიკოსის, სახით მის წიგნში: „საქართველოს ეკლესიის მოკლე ისტორია მე-XIX საუკუნეში“ დამოწმებული არის, რომ საქართველოს შეერთებას რუსეთთან მოჰყვა დაქვეითებაში მყოფ ქართველ საეკლესიო ცხოვრების აღორძინება“. უწმიდესო მეთეფო! „სულსა არა ღვთისასა“ (I თიანე, 4, 1) მხოლოდ ძალედო შენს სმენამდის მოეწოდებინა, რომ მთელ საუკუნის სივრცეზე ამ მიერთებას არავითარი წინააღმდეგობა გამოუწვევია! ნუთუ არ უწყია შენ, რომ საქართველოს მსხობრებნი ვერ ურბგდებოდნენ მათი ეკლესიის თვითმყოფობის მოსპობას და მის დაქვემდებარებას უწმიდეს სინოდზე“ რამ ექსარხოს

თეოფილაქტის*) სიტყვით „ქართულ ეკლესიებში უწმიდეს სინოდს მხოლოდ მაშინ იხსენიებდნენ, როცა აირჩევდნენ საყდარში რუსის მო-



† სრულიად საქართველოს კათალიკოზ-პატრიარქი ლეონიდე.

ხელეებს და რომ სწორეთ ამ ეკლესიურ თვითარსებობის დაკარგვაში უნდა ვეძიოთ „უმთავრესი მიზეზი ამ მხარეში მომხდარ ყველა პერიოდულ მღელვარებათ.“ (Chrst. tchentie, 1905, ტ. II, 543).

განა შენს სახიერებას არ მოეხსენება „სიტყვის მიგება“ იმერეთის ხალხისა და სამღვდლოებისა მიტროპოლიტების დოსითეოს ქუთათელისა და ექვთიმე გენათელის მეთაურობით, რომელნიც აი ამ სიტყვის მიგებისათვის „ბრალდებულ იქმნენ სახელმწიფო ხელისუფლების წინააღმდეგ ამბოხებაში და უსამართლოთა და გამოუძიებლათ დაპატიმრებულნი და მრავალრიცხვოვან დარაჯებით გარშემორტყმულნი გადაყვანილ იქმნენ ტფილისში და შემდგომ რუსეთში!? რაოდენ ძლიერათ იქმნა მიმჩნეული დასახელებულ მღვდელმთავრების „სიტყვის მიგება“, სჩანს იმ სისასტიკიდან, რაიცა მართლმადიდებელ რუსეთის მთავრობამ საქართველოს ეკლესიის ამ იერარქებისადმი გამოიჩინა: „რათა ნატყვევნი უფრო წყნარათ იყვნენ—სწერს გენერალ-ლეიტენანტ ველიამინოვს პოლკოვნიკი პუზირევსკი—ვერ ჩესლონ გაქცევა, არ იცოდნენ ურთერთის ვინაობა და არ იქმნენ ცნობილნი მსხვერვებთაგან მათ გატარების დროს, მათ ზედდავაცვამ ტილოს ტომობს ბაგესთან სასუნთქით, კისერთან და წელთან კი ავაკრამ, ხოლო უკიდურეს შემთხვევაში განხრახული მაქვს დავხმცო, გვამები კი წყალს მივცე“ (არქ. კომ. აქტები. ტ. VI, ნაწ. I, გვ. 579). ასეთი ზომების მიღება „მიმკვლელებისადმი“ გენერალ-ლეიტენანტ ველიამინოვს საკმაოდ რთობილათ არ ეჩვენა, ამიტომ თავის ხელქვეითს ის ურჩევს: „ყველაზე მეტად უნდა ჰშიზობდეთ, რათა მიტროპოლიტები სიკვდილით არ დაისაჯნენ, მათ მკვლელობას შეუძლიან მთლად ააღვდოს სამღვდლოებისა და თავადებისაგან წაქეზებული ხალხი, ეს აგრეთვე სავსებით კარგ შთაბეჭდილებას არ მოახდენს ჩვენს ჯარისკაცებზედაც, რომელთაც მათი რწმენის მიხედვით ძლიერი სასოება უნდა ჰქონდეთ სამღვდლოებისადმი... მაგრამ უკეთუ საჭირო გახდა მოხუტ მღვდელმთავრების აღმოხრცევა (ბრძანება გენერალმა 1820 წ. 23 თებერვალს გამოსცა), არამცა და არამც არც ერთ გვამი არ იქმნეს დატოვებული იმერეთში, არც დასაფლავდეს არც გადიგდოს მდინარეში, ვინაიდგან სწრაფი დენისა გამო შესაძლებელია მდინარემ გვამები ჩააქანოს და მოკლულნი აღმოაჩანვინოს სრუმორწმუნე ხალხს. თვითოეული მათგანი უნდა გადაყვანილ იქმნას მოზდოკამდის, არ დაიტოვოს საქართველოშია(კი), ან და მიყვანილ იქმნენ კაიშაურამდის მაინც და იქ შესაძლებელია მათი მისამარება (იქვე გვ. 582). უფროისი ბრძანება შესრულდა ზედმიწევნით და ერთი „სიტყვის მიმგებელთაგანი“—ქუთათელი—ამოაღრჩვეს ტომარაში გზათმიმავალთ სურამიდან გორში. დიდხანს არ იცოდნენ, რა ექნათ მოწამე-მღვდელმთავრის ხედრისათვის, მიმყოლ ჯარისკაცთათვის არ გაუმხელიათ ეს ამბავი ანაურამდის, სადაც, დაბოლოს მოვიდა ბრძანება საქართველოს სინოდალურ ექსარხოსისაგან მღვდელმთავრის დასაფლავებისათვის „ყოვლად მარტივათა და უსერემონიოთ“ (ვ. პოტტო: Kavkasskaia voina, ტ II, გვ. 699, შეადარე აქტები IV, I, გვ. 586).

ვგონებ, უწმიდესო მეუფეო, რომ ეს მონაწერი დფიციალი წყაროებიდან საკმაოდ ნათლად ამოწმებენ სიძლიერეს იმ „სიტყვა მიგებისას“, რაიცა შენს უწმიდესობას საქართველოს ეკლესიის სინოდალურს

პერიოდის ისტორიიდან არ მოჰსენებია. არა მსურს აღვრიო მოძმის მოყვარებაი შენი სხვა „სიტყვის მიგებათა“ დაწვრილებითი ჩამოთვლით, ვიტყვი და, რომ „სიტყვის შეძრახას“ რუსეთის მთავრობა ისე საშიშოთ სთვლიდა, რომ აშკარათ ამბობდა: „დროარს ბოლო მოელს იმერეთის სამღვდლოების გადაქარბებულ გავლენას ხალხის გონებაზე“ (აქტები ტ. VI, ნაწ. I, გ. 574). ამიტომ მთავრობა მიჰმართავდა ყველა ზომებს ამ გავლენის მოსასპობათ, და ერთ-ერთ ასეთ ღონისძიებათ დასახელიყო გადასახლება რუსეთში ყველა იმათი, ვინც არ ეგუებოდა სინოდალურ მმართველობას საქართველოში (იქვე გვ. 575, 576, 678, 686). ეკლესიურ დამოუკიდებლობისათვის მეტროდოლ სამღვდლოების ასეთი განუკითხაობის მღვდელნი ქართველი თავდაზნაურობა და გლეხობა აი რა სახის მოთქმით აფრქვევდა თავის გულის ნადებს: ეკლესიის თვითარსებების ძალდატანებითი დაკარგვით, საქართველოში „მრავალი ტადარ, დაიქცევა, პატიოსანსა და ყოვლადქებული ხატებსა და ჯვრებს გაიტაცებენ, საყდრებს მოაკლდებათ მათგანვე აღზრდილი და მათთვის შემავდრებელი მოძღვარნი, ქართველები განშორებულ იქმნებიან თვის მღვდელმთავართა კურთხევისაგან“ და ამიტომ აექსონნი ეკითხებოდნენ: „უკეთუ არ შეხებულა რჯული ბრმათმყოფებრელთა, რჯული სომეხთა და კათოლიკეთა, თისთვის ჩვენ უნდა შევადგენდეთ გამონაკლისს? თუ იმ დროთაშინა, როდესაც ჩვენ აღაზრთელთა ხელქვეით ვიმყოფებოდით, არვინ ეხებოდა ჩვენს მტკიცე რწმენას, და არც ამგვარ მწუხარებას გვაყენებდნენ, მაშ რაღა დავაშავეთ ამ უამად, რომ გვტაცებენ შეჩვეულ მღვდელმთავრებს, ტადრებსა და მღვდლებს“? (აქტები ტ. VI, ნაწ. I, გვ. 391).

„პირის შემბრუნებელთა“ წინააღმდეგ მიმართულ აღნიშნულმა ზომებმა და ისეთების წინააღმდეგ, რომელნიც თვით გენარალ ტორმასოვის სიტყვით რუსეთის ერთგულნი იყვნენ, რააცა „მრავალი მაგალითებით“ დაამტკიცეს (აქტები. IV. 230, 232, 250, 366, 369). შიშსა და ძრწოლაში შთავადეს წყვრნი და მსახურნი ქრისტეს ეკლესიისა, ამიტომ ახდილ საწინააღმდეგო გამოსვლებს ამის შემდეგ იშვიათად თუ განზრახავდა ვინმე, გარდა ანტიკანონიკური წესების წინააღმდეგ საქართველოს ეკლესიაში, ყრუ უკმაყოფილება მუდამ გაისმოდა და ეს აშკარად გამოითქმოდა, როგორც ლიტერატურაში, ასევე უფლებამოსილ პირებთან ერთო ბაასში. ამის მაგალითები მრავალია, ხოლო მე სიყვარულსა შენსა მხოლოდ ზოგრამს ვაუწყებ: 8 გიორგობისთვის 1841 წ. სინოდის მოხსენებაზე საქართველოში ვიკარ-ეპისკოპოსის განწესებისათვის, იმპერატორმა ნიკოლოზ პირველმა ასე დააწერა: „თანახმა ვარ, მაგრამ იქ ადგილობრივი ენის სოდნა თითქმის აუტილებელია, რომ დასულ იქმნეს შესაბამისი გავლენა ხალხზე; ამისათვის სასურველია აღირჩივნენ ენისმოდნე პარები, თუნდ ისე განათლებულნიც არ იყვნენ, როგორც ეს საჭიროა ამ შემთხვევაში (სინოდალური კონტორის საქმე. 1841. № 6240). ასეთი მზრუნველობა რუსეთის იმპერატორისა ქართულ სამწყსოისათვის განა არ არის ნიკო-

ლოზ პავლესძის სმენამდის მიღწეულ „სიტყვისმიგებათა“ შედეგი? მე აღარას ვამბობ ყოვლადსამღვდლო იმერეთის ეპისკოპოზს გაბრიელის გამოსვლათა თაობაზე გასული საუკუნის 70-სა და 80-ან წლებში ექსარხოს ვესევისა და სამოქალაქო პირთა (ივანოვსკისა, ზავადსკისა, ვერსკისა და სხვათა) წინააღმდეგ, მათი პოლიტიკის გაკაცვებით ეკლესიის რუსიფიკატორულ ზრახვათა იარაღთ გარდაქმნისათვის, სასულიერო სკოლებში ქართველების დევნისათვის, სიწმიდეთა დარბევისათვის, ისეთი რუსის მღვდელმთავრებისა და მოძღვრების დანიშვნისათვის, რომელთაც არ ესმოდათ სამწყსოსი ენა, ზნე, ჩვეულებანი, და ხალხის სული და ხასიათი (Tonkmelis—Pravda ob avtokephalii grusinskoj tzerkvi. 161-180). რაღა ითქმის იმ უკმაყოფილებებზე პრესაში და საზოგადოებაში, რაიცა გამოწვეულ იქმნა ტარებისა და მონასტრების ჩამორთმევისა გამო, როგორც მაგალითად: ბიკონტისა, სიმონკანანელისა, დრანდისა, მოქვისა, საფარისა, ალთალისა და უმეტესად-კი ბოდბისა, სადაც განისვენებს წმიდა მოციქულთა სწორის ნინოს ნეშტი. განა ყველა ეს „სიტყვის მიგება“ არ არის რუსეთის უმაღლეს საეკლესიო ხელისუფლებისა და მის ადვოკატების წინააღმდეგ საქართველოში?

თვით სინოდის ექსარხოსებმაც უწყოდნენ ეს „სიტყვის მიგება“, ჰსმენიათ ასეთები თავისი ყურით, მაგრამ ყველა ამას ჰხსნიდნენ ქართველების „მსჯელობისადმი უნიჭობითა“, „სიჩლუნგითა“, „ქართველი ხალხის სიცოფითა და კაცთმკვოლელობისადმი მიდრეკილებით“. ასე ესმოდა ქართველების „სიტყვის მიგება“ რუსეთის ეკლესიის გამოჩენილ მღვდელმთავარს, უწმიდეს სინოდის თავმჯდომარეს, მაღალყოვლადუსამღვდლოეს იოანნიკეს—ყოფილ ექსარხოს საქართველოში (Sapiski prisstutstvuisch. Tschlena Sv. Sinoda archiep. Nikanora, 35, 36). მაღალყოვლადუსამღვდლოეს იანნიკეს მოადგილე საქსარხოსოში მთავარეპისკოპოზი პავლე-კი⁹⁾ ტვერის მთავარეპისკოპოზს საბაცთან მიწერმოწერაში (ტ. 8, 102) თვის სამყწესოს ახასიათებდა როგორც „ველურს“, ხლოდ საკუთარხელდ-წერილ წერილში—(იქვე, 349) საქართველოს ჰსახავს „ველურ და მხეცურ ქვეყნად“. გარნა რამდენად ქართველნი ჩლუნგები, ცოფიანები, ველურები და მხეცები არიან, შენს უწმიდესობას შეუძლიან განსაჯოს მოვლენათა თუნდ უკანასკნელი—ამ საერთო ნგრევისა და დარბევის ეპოქის—ორი წლის მიმოხილვიდანაც: ყოფილ რუსეთის იმპერიაში საქართველო ერთადერთი კუთხეა, სადაც ელინებიცა და იუდელებიც, სკვითებიცა და ბარბაროსებიც მშვიდათა ცხოვრობენ და არც თუ შიში აქვთ თავის სიცოცხლისა და რწმენისათვის.

აქ უსაფუძვლოა, ღირსბატოცემულო მეუფეო, შენი მტკიცება, რომ მთელი საუკუნის სტადიონზე საქართველოს ეკლესიის დაქვემდებარება სინოდისადმი არ იწვევდა დავას ქართველების მხრით; ამის დამიუხედავთ მე მაინც მეჯერა შენი, რომ სინოდის განკარგულებაში ინახებიან ქართველების მიერ წარდგენილი მასალები, საქართველოში

სინოდალი მმართველობის კეთილნაყოფიერების აღნიშვნით, მერწმუნე შენც მე, რომ ეს მასალები გამომდინარეობენ რითიმე დაინტერესებულ პირთაგან და იმავე ღირსებას შეიცავენ, როგორც შენი უწმიდესობის მიერ აღნიშნული სიტატა ნეტარხსენებულ კათალიკონ კირიონის თხზულებიდან, ხოლო მაღალ ავტორს ზემოდასახელებულ წიგნაკში გამოთქმული პაზრები შემდგომ არა ერთგზით უარუყვია (Journal zasedanii prdssobornago prissutstvia, 1906, ტ. III, ნაწ. II, გვ. 35). ჩვენი სხოვრების პირობები თითქმის შეუძლებლათა ჰხდინენ სიმართლის წერას. ამასთანავე უნდა გვახსოვდეს, რომ ყოვლადსამღვდელო კირიონის ზემონაჩვენებ წიგნაკში გამოთქმული შეხედულება სრულებით არა ჰგულისხმობა მთელ ქართველი სამღვდელოების პაზრსაც, როგორც შენს უწმიდესობას ჰგონია; ეს სრულებით შეუძლებელია, რადგანაც ნეტარხსენებული ავტორის შეხედულება მუდამ დაგმობილი იყო ქართველი სამღვდელოების მიერ. საქართველოს ექსარხოსებიც-კი არ იზიარებდნენ ხსენებულ ავტორის პაზრს; როდესაც მთავარეპისკოპოზი პლატონი გაეცნო საქართველოს ეკლესიის მდგომარეობას, პირდაპირ ჩასთვალა იგი ტრაგიზმით აღსავსეთ და განადგურებისაკენ მიმავალათ (Pribavlenie k zserkownim vedomostiam, 1906, № 21, გვ. 502). რუსის ერთერთ უგანათლებულეს მღვდელმთავრის ეს სიტყვები დიდმნიშვნელოვანია: სხანს უკანასკნელმა ექსარხოსმა შეფასება მოუხდინა მის წინამოადგილეთა მოღვაწეობას საქართველოს კათედრაზე სინოდალურ ბატონობის რეჟიმის განმავლობაში ჩვენში.

არქიეპისკოპოზ პლატონის სინოდალური ექსარხოსების საქართველოში მოღვაწეობის თაობაზე ასეთი მსჯავრის შემდეგ, ვიმედოვნებ, უწმიდესობა შენი ალარ მიიმჩნევს სიმართლესთან შეფარდებულად მტკიცებას, თითქოს სინოდის მმართველობა საქართველოში კეთილნაყოფიერი ყოფილაყოს!⁶⁾

III

საქართველოს ეკლესიის ავტოკეფალიის აღდგენის სდანი რომ გამოირკვა 1905 წელს—სწერს შენი უწმიდესობა—უწმიდესობა სინოდმა 1906 წელს დაადგინა: „აღნიშნული საკითხი გადატანილ იქმნას რუსეთის ეკლესიის მომავალ ადგილობრივ კრებაზე განსახილველათ“ და ამ კრების სამჯავროს წინაშე ჩვენ „გვმართებდა წარგვედგინა ჩვენი ეკლესიური სურვილები და ზრახვანი და დაგვეცადა მის განაჩენისათვის“. წინა რუბიკაში (II) მოკვანილ ფაქტებიდან შენი უწმიდესობა მიჰხედებოდა, რა მიზეზისა გამო მხოლოდ 1905 წელს გამოაშკარავებულ იქმნენ „სდანი საქართველოს ეკლესიის ავტოკეფალიის აღდგენისათვის“. მხოლოდ ამ წელს არ იყო განა ოფიციალად ნებადართული მართლის თქმა?! და ჩვენც გამოვთქვიეთ ეს. არა თუ მხოლოდ ჩვენშორის აღიძრა 1905 წელს სდა კანონიკური წყობილების აღსადგენად: თვით რუსეთის ეკლესია, რომელიც საქართველოს ეკლესიას-

თან შედარებით უკეთეს პირობებში იმყოფებოდა, მაგრამ ორ საუკუნის მეტ მანძილზე ემონებოდა „...ფრაკოსანსა და მუნდროსან პატრიარქებს, „ურწმუნობსა“ და „რჯულისაგან აშკარათ გადამდვარ პირებს“ („Vsseross. zerkovno-obshchesv. vestnik“ 1917. № 156. „Dejanja Ssobora“—25 ღვინობისთვე), განა იმავე 1905 წელს არ ამეტყველდა პატრიარქობის აღდგენისათვის? უწმიდესობას შენსას ალბათ დავიწყებული არ ექნება ის გარემოება, თუ როგორ მრისხანეთ შეუბღვირა პობედონოსცევმა რუსის ეკლესიის საუკეთესო მღვდელმთავრებს რუსეთის საეკლესიო მმართველობაში ნორმალურ წყობილების დაფუძნების სდისათვის და რაზომ დიდი იყო მღვდელმთავართა დარსხვენა უძლიერესი ვეზირის ამ შეტევისა გამო. ამის გარდა უწმიდესობა შენი აქაც სსოდებს ჭეშმარიტების წინააღმდეგ: საქართველოს ეკლესიის ავტოკეფალიის საკითხი გადაცემულ იქმნა სრულიად რუსეთის მომავალ კრებაზე გასარჩევათ არა უწმიდესი სინოდის დადგენილებით, არამედ იმპერატორ ნიკოლოზ II-ის ნებით, ვითარცა პასუხი ქართველ ეპისკოპოზების მიმართგან საქართველოს ეკლესიის ავტოკეფალურ უფლებებში აღდგენისათვის. უწმიდესმა სინოდმა მარტივი განკარგულებასკი არ გასცა, რათა უმაღლესი ნება თავის ოფიციალ ორგანო—Zerkovnia vedomosta-ებში გამოქვეყნებულიყო და ეს უმაღლესად გამოთქმული სურვილი ქართველ ეპისკოპოზებს კავკასიის მეფისნაცვლის საშუალებით ეუწყათ. ხოლო არსებითათ 1906 წელს გამოითქმული ეს დადგენილება, ანუ ნება საქართველოს ეკლესიას უმზადებდა უფრო უარეს მდგომარეობას. საქმე იმაშია, რომ განზრახულ კრებას არ შეეძლო სისწორათ გადქრა მის მსჯელობაზე გადაცემული საკითხი,—ამისი თავდები იყო დაგზავნილ შეკითხვებზე პასუხი იმ მღვდელმთავრებისა, რომლებიც კრების სრულუფლებიან წევრებათ უნდა ყოფილიყვნენ: ყოვლად სამღვდელ მეთუფენი თავის პასუხში ან არ ეხებოდნენ ამ საკითხს, ან მას უარსაყოფელად სწყვეტდნენ, ზოგიერთნიკი მოითხოვდნენ ჩვენს მიცემას სასჯელში (ტულის მღვდელმთავარი ლავრენტი: Otzivi eparchia lnich archierejev—ნაწ. 3, გვ. 387).

უკეთესი მიმართულება არ მიუღია საქართველოს ეკლესიის ავტოკეფალიის საკითხს კრების წინასწარ თათბირხედაც (Predssobornoe prissuststvie): ამ თათბირმა საკითხი უარყოფით გარდასწყვიტა და ეკლესიურ საქმეთა მოგვარებას ამიერკავკასიაში შეუდგა მის სახელზე დეკანოზ ვოსტოროგოვის მიერ ორ წარდგენილ პროექტიდან ერთის ნილებით. ხოლო ეს პროექტი პროფ. პ. გლუბოვოვსკის სიტყვითასკი „კანონიკური თვალსაზრისით არ იყო მთლად უმწიკველ“, ვინაიდან ერთსა და იმავე ტერიტორიაზე განზრახული იყო „არი ურთერთშორის მოქიშვე საეკლესიო ხელისუფლების დაარსება, რომელთა შორის მოსალოდნელი იყო მტრული განწყობილება (კრების წინასწ. თათბირის ყურნალები და პროტოკოლები. ტ. III, ნაწ. II, გვ. 277). განზრახული კრების მომავალი წევრებისა და მათი დამქაშების ასეთი სულისკვეთებისა გამო განა შეიძლებოდა ჩვენი სურვილები და მის-

წრფეზანი დამოუკიდებლობისადმი სრუ ლიად რუსეთის საეკლესიო კრების სამსჯავროზე წარვედგინა?

მაგრამ შენს უწმიდესობას იქნება ჰგონია, რომ „ჩვენს სურვილებს დამოუკიდებლობისადმი“ შეეძლო სამართლის მხრივ დამტკიცება შეეძინა 1906 წელს გამოთქმული უმაღლესი კეთილსურვილის წემდგომ საქართველოს ეკლესიის ბედის უახ ჴეს ნელმძღვანელთა სახით?

დიდათა ვწუხარ, რომ ჩვენ ხელთა გვაქვს ერთობ მძირე ოფიციალი მასალა შესახებ იმისა, თუ როგორ აშუქებდნენ ამ საკითხს უმაღლეს საეკლესიო მთავრობის წინაშე საქართველოს ექსარხოსები, გარნა ის მტკიცებანიც, რაცა ჩვენს განკარგულებაში არის, საქმალ ნათლად ახსიათებს ვერეთწოდებულ საქართველოს ექსარხოსებს. უმაღლესი განკარგულების და კეთილსურვილების შამდგომ მოვლინებული პირველივე ექსარხოსი არქივისკოპიჩი ნიკონი?) აი რას სწერდა 20 იანვარს 1908 წელს უწ. სინოდის თავმჯდომარეს მიტროპოლიტ ანტონს: „სამღვდელო ბამ (საქართველოსამ) დადგინა სემინარიაში და სასულნერო სასწავლებლებში საღვთისმეტყველო საგნების სწავლება შემოიღოს ქართულ ენაზე, მაგრამ ეს არავითარ შემთხვევაში არ შეიძლება. ხოლო მათ თუ მაინც და მაინც მიეცემოდათ ნებართვა ქართულ ღვთისმეტყველებაში ევარჯიშნათ, მაშინ ამ საქმეს ბოლომდის უნდა მივეყვით და არაფრით არ უნდა გადაუხვიოთ სახელმწიფოებრივ საფუძვლებს და შეიძლება, როგორც ვწერ უწ. სინოდისადმი მოხსენებაში, წაერთვას სემინარიას შემწეობა სახელმწიფო ხაზინიდან. რა კი მასში სწავლებას ნაციონალურ ენაზე შემოიღებენ და ჩამოერთვას ის უფლებებიც, რასაც იგი თავის მოწაფეთ ანიჭებდა ამ ხნობამდის, ვიდრე იყო საეგებით რუსული. მაშინ ქართველები ჩადენილ საქციელის მოწინააღმდეგეები და ცრემლითა დენით შეწყალები ისათვის, უარს განაცხადებენ თავის ერთგულ პრეტენზიებზე და ხვერწნით მოგვმართავენ დაგუბრუნოთ ის, რაცა ჰქონდათ. თავაზიანობა მათთან არა ღირს („Sakavkasie“ 16 აპრილი 1917 წ.). ნუთუ შესაძლებელი იყო, ღირსებულო ძმავო, ასეთი სტრიქონების ავტორისაგან დახმარების მოლოდინი საქართველოს ეკლესიის ავტოკეფალ უფლებათა საკითხის დადებითათ გარდაწყვეტისათვის?..

მთავარეპისკოპოზ ნიკონის მოადგილემ მაღალყოვლადუსამღვდელო ინოკენტიმ იმერეთის სამღვდელოების მილოცვაზე მის დანიშვნის გამო ექსარხოსად და იმედის გამოთქმაზე რათა ივერიის ეკლესიის საკითხი კეთილმითვლილად გარდაწვეტილიყო, ასე შეუთვალა: მე ვცნობ მხოლოდ რუსეთის ეკლესიას. ხოლო არა ვცნობ ივერიის ეკლესიას. ექსარხოს ინოკენტის მოადგილემ არქივისკოპოზ ალექსი მე-II-მაც 7 ქრისტიშობისთვეს 1913 წ. ხელმწიფე იმპერატორისადმი მირთმეულ მიმართვაში, ქართველების ცდას ეკლესიურ თვითარსებობისათვის უწოდებს „ქართველ ავტოკეფალისტ ინტელიგენტების ფანტასტიურ ბოღვათ“ (უწ. სინოდის ბრძანება.

№ 6167, 11 ევრილი 1914 წელი, სინოდ. კონტორის საქმე, 1914 წ. № 300).
 ესლა არქიეპისკოპოზი პლატონის საქციელი: საქართველოს ეკლესიის
 სამღვდელთების კრებას მან ჩამოართვა პატაკი დიდი მთავრის ნიკო-
 ლოზ ნიკოლოზისადმი გადასაცემათ, რომელშიაც გამოთქმული იყო
 შუამდგომლობა ავტოკეფალიის აღდგენისათვის, ნამდვილათ კი
 არჩა თვითონ დაიტოვა, ხოლო სამღვდელთებას არ-
 წმუნებდა, რომ იგი უკვე გადაეცა დანიშნულები-
 სამებრ.

რაც ითქვა, უწმიდესო მკუფეო, საკმარისია იმის გასაგებათ. თუ
 როგორ ამზადებდნენ რუსეთის ეკლესიის კრებას მის განსახილველათ
 გადაცემულ საქართველოს ეკლესიის საკითხის გარდაწყვეტისათვის და
 რაგვარი დადგენილების მიღება შეეძლო კრებას ამ საკითხზე. რუსე-
 თის ეკლესიის კრების მიერ ავტოკეფალიის საკითხის უარყოფით
 განჩინებას კი შეეძლო წარმოეშვა განყოფილება და მტრობა-კონფლიქტი
 უკვე ორ ეკლესიის შორის—ქართულისა და რუსულისა, რაისა ჩვენ
 არადროს ვგვსურდა და არც ესლა ვგვსურს. ეკლესიურ საქმისათვის
 მეცადინე ქართველები ამიტომ დაუფარავად ახზადებდნენ, რომ რუ-
 სეთის საეკლესიო კრებას 1906 წლის 11 მარტიდანისთვის უმაღლესი
 ბრძანების შემდეგაც ნება არა აქვს გარდასწყვიტოს ქართული საეკ-
 ლესიო საკითხი და რჩევას იძლეოდნენ ყოველივე ღონის მისაღებად,
 რათა განჩინებული სრულიად რუსეთის კრება მასზე განსახილველათ
 გადაცემულ საკითხის განსჯაში არ შესულიყო (Tiflis, № 16, 12 ლეი-
 ნობისთვე 1906 წ. Mnenie gruppi svjatschennikov).

შემდგომ ყოველივე ამისა საჭირო შეიქმნა. ან დაშთენა-სინო-
 დალურ ხელისუფლების ქვეშ და სდა მისგან მმართველობის ნაწილობ-
 რივ რეფორმების გამოღებისათვის ავტოკეფალიის საკითხის
 აღუძვრელად, ან აზა და საჭირო იყო ლოდინის ხელისშემწყობ გარემო-
 ებისა, რათა თვით საქართველოს ეკლესიას შესძლებოდა თვისი აღდგენა
 ვატოკეფალურ, თვითგამგე ეკლესიის უფლებებში. უფალმა ინება ინება
 ისეთი გარემოების შექმნა, რომელთა მეოხებით საქართველოს ეკლე-
 სიამ მეორე მზის არჩევა შესძლო და, ვითარსა შედეგი, მოგვსა
 1917 წლის 12 მარტის თვითგამორკვევის დიდი აქტი და ამის გამო
 გვიცხავ შენ, სიყვარულით აღსავსევი!

IV

მაგრამ შენ, უნეტარესო, განაგრძობ ჩვენს ბრალდებას და ამბობ,
 რომ ჩვენ „დავარდვიეთ (სწორეთ 1917 წლის 12 მარტის აქტით) კა-
 ნონიკური მიმართულება მართლმადიდებელ რუსის ეკლესიასთან და
 აფქარდით გამოგვეაჯნა დროებითი მთავრობისაგან 27 მარტის დად-
 გენილება შესახებ საქართველოს ეკლესიის ავტოკეფალიისა“).

უწმიდესო მკუფეო, ღვთაებრივ განგებას ენება, რათა მოძლიე-
 ბულიყო ის, რაისა 1917 წლამდის აბრკოლებდა რუსული საეკლესიო
 კრების მოწვევას და რამაც მოსპო ქართული ეკლესიის ავტოკეფა-

ლია,—თვითმპყრობელურმა მთავრობამ ადგილი დაუთმო სახალხო წარმომადგენლობას ამგვარ ცვლილებისა გამო საქართველოს ეპისკოპოზებმა და სამღვდლოებისა და ერისკაცთა წარმომადგენლობმა კეთილდროულად მიითვალეს შეკრებილიყვნენ 1917 წლის 12 მარტს მსხეთის ათორმეტთა მოსიქულთა ტაძარში და ერთნათა და ერთსულოვნობით დაედგინათ: ამიერიდან საქართველოს ეკლესიის ავტოკეფალური მმართველ რბა აღდგენილად ჩაითვლოს და ამის შესახებ ეწნობოს დროებით მთავრობას, რომელმაც შესცვალა ხელასუფლება, 1811 წელს რომ მოსპო ეს მმართველობა, ხოლო 1906 წელს თხოვნა მიიღო იგივე მმართველობის აღსადგენათ. დროებითმა მთავრობამ დადგენილება საქართველოს ეკლესიის ავტოკეფალიისათვის გამოსა სრულიად დამოუკიდებლად და არა ქართველი ეპისკოპოზებს მხრით რაიმე ადისა გამო, როგორც ამას უწმიდესობა შენი შემდგარათ ჰგონებს („Vestnik Vremennogo Pravitelstva“ 1 1917, № 18; შეადარე: „Serkovnia Vedomosti“ 1917, № 9-15). ამ დადგენილებაში დროებითი მთავრობა თუმცა შეჰნიშნავს, რომ ის საქართველოს ძველ მართლმადიდებელ ეკლესიის აღდგენის კანონიურ მხარეს არ ეხება, მაინც სწორეთ ამ მხრივ შევხომას, ამიტომაც საკითხი ანტიკანონიკურად გადასჭრა, ვინაიდან საქართველოს ავტოკეფალ ეკლესიას მიუკუთვნა ეროვნულ ქართული ხასიათი და არ შეზღუდა იგი განსაზღვრულ ტერიტორიით, როგორც ამას კანონები აწესებენ; იმავე კანონთა საწინააღმდეგეთ, მან „ყველა მართლმადიდებელი სამრევლოები—რუსულნი და სხვა არაქართულნი—მართლმადიდებელ რუსულ ეკლესიის უწყებაში დასტოვა. საკითხის ამგვარი შეტრიალება საქართველოს ეკლესიის დროებითმა მმართველობამ სწრა ანტიკანონიკურად და იმავე დროს, როცა მიიღო დეპეშით ეს დადგენილება—28 მარტს—გამოაცხადა ასეთი შინაარსის პროტესტი: „საქართველოს ეკლესიის ცნობას ნაციონალ ეკლესიად და არა ტერიტორიულ ავტოკეფალიად ისტორიაში პრეცედენტი არა აქვს და სავსებით ეწინააღმდეგება მართლმადიდებლებისათვის სავალდებულო ეკლესიურ ყველა კანონებს. საქართველოს ეკლესიის ავტოკეფალია უნდა იყოს ცნობილი ტერიტორიულ საფუძვლებზე ძველი დროის ქართულ საკათოლიკოზო საზღვრებში“. საქართველოს ეკლესიის დროებითი მმართველობის მიერ პროტესტი შეტანილი იქმნა იმ პროექტშიაც, რომელიც ხელმოწერილიყო დროებით მთავრობის წევრებისაგან და მის დროებით რწმუნებულის საქართველოს საქმეთათვის პროფესსორ ვ. ნ. ბენეშევიჩისაგან: „მთავარი საფუძვლები საქართველოს ეკლესიის უფლებრივ მდგომარეობისა რუსეთის სახელმწიფოში“. მაგრამ დროებითმა მთავრობამ უარპყო ეს სამართლიანი პროტესტი, არ ჩასთვალა შეაძლებლად ანგარიში გაეწია საეკლესიო კანონთა მოთხოვნილებისათვის და ამ რიგად დააკანონა ეკლესიის მიერ დავმობილი ფილეთიზმი. ამისა გამო, დროებითი მთავრობის მიერ დამტკიცებულ „რუსეთის სახელმწიფოში საქართველოს ეკლესიის უფლებრივ მდგომარეობის პროექტის“ მიღებისთანავე („Vestnik Vremennogo Pravitelstva“, № 140 (180), 1917), სა-

ქართველს ეკლესიის დროებითი მმართველობისა და მის ყველა ეპარქიულ განყოფილებათა საგანგებო კრებამ გაუგზავნა ა. ვ. კარტაშევს ფრიად მკაცრი შინაარსის პროტესტი.

ნათქვამიდან ცხადი უნდა იყოს შენი სათნოებისათვის, რომ რაკი უწმიდესი სინოდი მე-XIX საუკუნის დასაწყისში გაერია საქართველოს ეკლესიის საქმეებში არა თავის ინიციატივით, არამედ ზედასფრებან გაუღონითა და იძულებით (ბუტკევიჩი, გვ. 16, 19), საქართველოს ეკლესიას საფუძველი ჰქონდა დაიმედებულყოფი, რომ რუსეთის მართლმადიდებელი ეკლესია, უწმიდესი სინოდის სახით, 1917 წელს სიხარულით მიეცებებოდა თავის განთავისუფლებას მასზე იძულებით მიხვეწულ საქართველოს ეკლესიისათვის გარჯისა და მზრუნველობისაგან და ამით გამოასწორებდა დროებითი მთავრობის მიერ ჩადენილ შეცდომას. ეს მაინც არ მოხდა: უწმიდესი სინოდის წევრმა მთაკარებისკობოზ პლატონმა ჩვენგან ცნობა რომ მიიღო საქართველოს ეკლესიის ავტოკეფალ უფლებათა აღდგენის თაობაზე, რის შემდეგ მას ბუნებრივად უნდა აპყროდა უფლება ქართლისა და კახეთის მთავარეპისკოპოზთა და საქართველოს ექსარხსათ დაშთენილიყო, ჰმური სალამის მაგიერ, რუსის სალდათების ნიშტებით დაგვემუქრა). უწმიდესმა სინოდმა კი არ დაიყოვნა დამდგარიყო თქვენ მიერ სამართლიანად წოდებულ ბულგარულ სქიზმის თვალსაზრისზე და 1917 წელს 14 მკათათვეს გამოიცა „დროებითი წესები კავკასიაში რუსულ მართლმადიდებელ აკლესიის მოწყობისათვის“ („Zerkovni Vedomosti“ 1917, № 30) რუსული სამიტროპოლიტო კათედრის დაწესებით იქ, სადაც მე-V-ე საუკუნიდან მოყოლებული არსებობს ქართული ტფილელი მიტროპოლიტის კათედრა, რაიცა ეწინააღმდეგება I-ლ მსოფლიო კრების მე-8-ე კანონს: „რათა არ იყვნენ ორნი ეპისკოპოზნი ერთსა ქალაქსა შინა“.

მოთხრობილის შემდგომ ვიმედოვნებ უწმიდესობა შენი შესძლებს სთქვას „ღრმითა შეგნებითა თვისით“, რომ საქართველოს ეპისკოპოზნი მუდამ იცავდნენ კანონიკურ წესებს იმ დროს, როდესაც ისინი, ვინც თავის თავს რუსეთის ეკლესიის წარმომადგენლებათ ჰსახავდნენ, ლვთაებრივ კანონთა წინააღმდეგ ვიღოდნენ.

V

უწმიდესობა შენი გვისაყვედურებს ჩვენ კიდევ რუსეთის მართლმადიდებელ ეკლესიის მიმართ სარწმუნოებისა და სიყვარულის ერთობის დარღვევას და მასთან წინააღმდეგ ყოველივე კანონიკური წესებისა ურთიერთობის შეწყვეტა. გარნა არც ეს საყვედური დაგვიმსახურებია, ამიტომ ესეც უსაფუძვლოა. მართალია ჩვენ 1917 წლის 12 მარტიდან—განსაკუთრებით 27-დან—არა ვცნობდით ჩვენზე უწმიდესი სინოდის ისედაც უკანონო მთავრობას, მაგრამ სულაც არ გვიფიქრია დავშთენილიყავით „რუსეთის ეკლესიასთან ყოველივე ურთიერთობის გარეშე“. ჩვენ მიერ 1917 წელს 14 მარტს არქიეპისკოპოზ პლატონისა-



თვის გადაცემულ საბუთებში გარკვეულათ იყო ნათქვამი, რომ „ერთმეკვა უფლება გამგებლობისა საქსარხოსოს მხოლოდ ქართულ ეპარქიებზე, სამრევლოებზე, სასულიერო სასწავლებლებზე და საეკლესიო დაწესებულებებზე საქართველოს საკათალიკოზო საზღვრებში“ განურჩევლად იმისა, თუ როგორი იყო და არის ეროვნებათა შემადგენლობა, როგორც საკათალიკოზო, აგრეთვე საქართველოს ყოფილ საქსარხოსოს დანაშთენ ნაწილებში. ამგვარი კანონიკური მოთხოვნის მიუღებლად მოეჩვენა არქივისკოპოზ პლატონთან შემდგარ ქალაქ ტფილისის სამღვდლოებისა და ერისკაცთა კომიტეტს, რომელშიაც თავმოყრილიყვნენ უმთავრესად დეკანოზ ვოსტოგოვის ყოფილი თანამოღვაწენი. ამ კომიტეტმა 27 მარტს დაადგინა ენობის უწმიდეს სინოდს შემდეგი: „რადგანაც საქართველოს ეკლესიის ავტოკეფალიის გამოცხადება შესრულებული ფაქტია, ხოლო ჩვენთვის შეუძლებელი არის საქართველოს საკათალიკოზოში შესვლა, ვშუამდგომლობთ უწმიდესი სინოდის წინაშე დაარსდეს ამიერკავკასიის საქსარხოსო, უწმიდესი სინოდისადმი დაქვემდებარებული, რომლის შემადგენლობაში უნდა იყვნენ ყველა რუსული სამრევლოები, აგრეთვე სხვა ეროვნებათა მართლმადიდებლებიც, უკეთუ ისინი ამას მოისურვებენ“.

ამ მომენტიდან ქალაქ ტფილისის რუს სამღვდლოებისა და ერისკაცთა კომიტეტს ორ ეკლესიათა ურთიერთობაში შეაქვს არაკანონიკური ელემენტი და ჩვენ ტფილისის კომიტეტის ამ მოქმედებას ვრაცხდით ძალადობათ რუსის ეკლესიის შვილებზე, რომელნიც საკათოლიკოზოს ტერიტორიის გარეშე ცხოვრობენ, ამიტომაც არქივისკოპოზ პლატონს და ეხლაც მის მოადგილეს მუდამა ენობის რუსეთის ეკლესიის მღვდელთაგანად კავკასიაში, საქართველოს ეკლესიის ტერიტორიის გარეშე,

ხოლო ჩვენ რომ არა გვსურდა და არც ეხლა გვსურს მართლმადიდებელ რუსულ ეკლესიასთან სარწმუნოებისა და სიყვარულის ერთობის დარღვევა და მასთან ურთიერთობის შეწყვეტა, ეს უწმიდესობას შენსას შეუღლიან ნათლად დაინახოს შემდგომი ფაქტებიდან: როცა ქალაქ ტფილისში 1917 წლის მაისში გაიხსნა კავკასიაში მოსახლე რუსების საეკლესიო კრება, ჩვენ მივგზავნეთ ამ კრების წევრთა მისასალმებლათ ჩვენი წარმომადგენლები ერთი მღვდელთაგანისა და საქართველოს ეკლესიის დროებით მმართველობის ერთის წევრის სახით. იმავე წელს თიბათვეში გავამგზავრეთ სპეციალი დელეგაცია უწმიდესი სინოდისათვის ძმური სალამის გადასაცემათ. 28 თიბათვეს დელეგაციამ წერილობით მიჰმართა ობერპროკურორ ვ. ნ. ლვოვს ნებართვა გამოეტოვა უწმიდესი სინოდისაგან მის მისაღებად და ასეთ დღით უწმიდესმა სინოდმა 1927 წლის 1 მარიაობისთვის დანიშნა ინება. დელეგაცია უწმიდესმა სინოდმა, მთელის შედგენილობით თავმოყრილმა, მიიღო, ხოლო დელეგაციის მეთაურმა ყოვლადსამღვდელო ანტონმა¹⁰⁾ მიჰმართა უწმიდეს სინოდს შემდეგი მისასალმებელი სიტყ-


ვებით: „თქვენოუწმიდესობავე, ღვთიებრძვნნო მწყემსმთავარნო და მამანო! კურთხეულ ივერიის ძეთ, რომელთაც ჯერ კიდევ წმიდა მოციქულთასწორის ნინოს დროიდან ეპყრათ თვალი დიდფასიანი—მართლმადიდებელი სარწმუნოება—და მის დასვისათვის მრავალ საუკუნეთა მანძილზე სისხლით ისლებოდნენ,—მე-XVIII საუკუნის დამლევს ვადასწყვიტეს უბიწო ტრედის დასვა რუსეთის ძლიერების საფარველის ქვეშე ევაფათ. საქართველოს შეერთების შემდგომ ერთმორწმუნე რუსეთთან ეკლესია გამოკეთდა ძველი, მტრისხელისაგან მიღებულ ჭრილობისაგან და შეუდგა თვის შვილთა თავმოყრას—თავისუფალი, თვითარსი დაედო ჩვენი, ივერიის ეკლესია! გარნა თვითმპყრობელ მთავრობის წარმომადგენლების დაქინებისა გამო თავმოკვეთილ და ძალით დამორჩილებულ იქმნა თვისი უმტრისი დის—სრულიად რუსეთის ეკლესიისადმი. რადენი მუდარა და ვედრება გაისმოდა ბრალუდები ტყვის განთავისუფლებისათვის, გარნა ყოველივე ეს იხშებოდა და იკვეთებოდა, ხოლო როდესაც ამა წლის 3 მარტს რუსეთში გამოცხადდა მოქალაქობრივი თავისუფლებანი, ეკლესიურმა ხალხმა საქართველოსამ მოიწადინა და 12 მარტს აღადგინა თავისი მშობლიური ეკლესია მის ავტოკეფალ უფლებებში და ეს თვითგამორკვევის აქტი იქმნა დამტკიცებული ამა წლის 27 მარტს დროებითი მთავრობის მიერ და დიდ აქტად წოდებული. ივერიის ავტოკეფალური მართლმადიდებელი კათოლიკე ეკლესია აუწყებს ამას ქრისტეს მიერ საყვარელ თავის დას—სრულიად რუსეთის მართლმადიდებელ კათოლიკე ეკლესიას, თქვენი უწმიდესობის სახით, და უძღვნის მართლმადიდებლობის შინა მყოფ რუს მოძმე ხალხს ქრისტიანულ წრფელსა და მხურვალე ამბორს. ქრისტეს მიერ ამ სიყვარულის სხოველ გრძნობით ჯვაროსანი ეკლესია ივერიისა ითვალისწინებს განვილილ ქამთა შინა საუკუნოთა სტადიონზე ორივე ეკლესიათა მიერ მართლმადიდებელ სარწმუნოების წმიდა დოგმათა თანხმობლივ დასკვას და გამოსტქვამს მტკიცე რწმენას იმაში, რომ ამიერიდან ორივე მონათესავე სარწმუნოებთაშა და სულიერ მისწრაფებით ეკლესიანი ისხოვრებენ კეთილთანხმობით, მჭიდრო კავშირისა და ურთიერთისადმი სიყვარულით, რათა ერთი გულითა, თუმცა არა ერთითა ენითა ადიდებდნენ ყოვლადპატიოსანსა და დიდათშვენიერსა სახელსა მამისა და ძისა და წმიდისა სულისა. ქრისტე არს ჩვენ შორის“.

ჩვენი დღევგაპიის მისალმებაზე უპასუხა უწმიდესი სინოდის სახელით სინოდის თავმჯდომარემ ფინლანდიის არქიეპისკოპოზმა სერგიმ¹¹) შემდეგი სიტყვებით: „უწმიდესი სინოდი ევედრება ღმერთს (და მტკიცეთ სასთებს ამას), რათა ერთმორწმუნე ქართველმა ხალხმა თავის რელიგიურ-პოლიტიკურ სხოვრების ახალ პირობებში ჰპოვოს წყაროი ახალი ღონისა თვის სულიერ განვითარებისა დი ქრისტეს ქეშმარიტების დღემუდამ დასვისათვის. არ არის საჭირო მოგაგონოთ, რომ რუსულ ეკლესიურ შეგნებას არადეს ეუტხოებოდა ჰაზრი, რათა საქართველოს ეკლესიას დაჰბრუნებოდა მისი წინანდელი წყობილება. და თუ ეს ჰაზრი ამ ხნობამდის ვერა ჰპოულბოდა განაარსებას, ეს

მიეწერება სხვა გვარ, ჩვენგან დამოუკიდებელ მიზეზებს. მით უფრო დიდი სიხარულით ესლა, საერთო თავისუფლების გაზაფხულის დღეებში რუსული საეკლესიო შეგნება მხათარის მიესალმოს თქვენი დიდხნის ნატურის აღსრულებას, და უწმიდესი სინოდის მთელის სულით მიუერთდებოდა ამ მისალმებას; სამწუხაროდ ყველა ეს მოხდა რალაც უჩვეულოდ და სინოდის გარეშე... გარნა ვიმედოვნებთ ჩვენ, რომ ღმერთი ყოველას სიკეთით ალაგებს, რომ ზოგიერთი გაუგებრობა ამ საქმეში მოგვარდება, რომ წინამდებარე საეკლესიო კრებაზე ჩვენ ერთმანეთს ძმურათ შევხვდებით და საერთო განსჯით—ქრისტეს სიყვარულისა და ერთობის სულისდაგვარად—შევიძლებთ გამოვნახოთ გზა ურთერთის გაგებისათვის, რათა მომავალში ჩვენმა ორმა ერთმორწმუნე, საეკლესიო აღთქმათა შინა სარწმუნო ხალხმა შესძლოს მშვიდობიანი ცხოვრება, მხარისმხარ მიცემით და თვითოეული შეუდგეს თავის დანიშნულების შესრულებას ჩვენ ყოველთა საცხოვრებლათ და ღვთის სადიდებლათ“ („Petrogradskia Vedomosti“, 1917, № 103).

ჩვენ ესლაც ვიმედოვნებთ, უწმიდესო მეუფეო, „რომ ღმერთი ყოველას ალაგებს კეთილად, რომ ამ საქმის ზოგიერთი გაუგებრობა მოწესრიგდება“, და თუ ჩვენ ძმურად ვერ შევხვდით რუსეთის ეკლესიის ადგილობრივ კრებაზე, ამაში უწმიდესო მეუფეო, ბრალთ ჩვენ არ მიგვიძღვის: ამ კრებაზე ჩვენ არავის დაუძახივართ „ძმურათ“, როგორც დაძახილ იყვნენ კონსტანტინოპოლის, ელლადის, სერბიის და სხ. ეკლესიათა წარმომადგენლები, თუმცა ლა ამას დაპირებული იყო ობერპროკურორი ბ-ნი ა. ვ. კარტაშევი. მაინც ჩვენი დაუსწრებლობა კრებაზე შენმა უწმიდესობამ არ უნდა დასახოს, ვითარცა სურვილი „რუსეთის ეკლესიასთან ყოველივე ერთობის გარეშე დაშენისა“, ვინაიდან სრულიად რუსეთის საეკლესიო კრებაზე 1917 წელს 19 მარიაშობისთვის მოსმენილ ჩვენ მიერ წარგზავნილ დეპუტაშში ჩვენ მივესალმენით კრების გახსნას და ვთხოვეთ სინოდის ობერპროკურორსა და დროებითი მთავრობის წევრს კარტაშევს გადაეცა აღნიშნულ კრებისათვის საქართველოს ეკლესიის სახელით ძმური, ქრისტეს მიერ სალაში და სურვილი ნაყოფიერობისა მის წინამდებარე უდიდეს საალმაშენებელ მუშაობაში („Vsserossijskij Zerkovno-obtschestv. Vestnik“ № 99, 1917).

ყოველივე ნაამბობის შემდეგ, შენი უწმიდესობის მიერ ჩვენი მიპატიეება, რათა წარგსდგეთ სრულიად რუსეთის საღმრთო კრებაზე და ჩვენი შეტოდებანი აღვიართ, უადგილოც არის და თანაც უშედეგო: ჩვენს საქმეთა შინა ტომებს არ აქვს ადგილი—ხოლო უკეთუ ასეთები შეგვენიშნა. მათ აღკვეთისათვის ყოველ ეკლესიას მოვბოვება საშუალება, შენი უწმიდესობის მიერაც, ცნობილი: დაუშრეტელი „მაღლი სულისა წმიდისა, რომლისა მეოხებითა ქრისტეს მიერ მღვდელთაგან სიმართლე დაინახვის გონებით და შეინახვის მტკიცეთ“. ამიტომ ნუ ინებებ, ძმაო, ზოგიერთა თხივნით, ჩვენს მიპატიეებას სრულიად რუსეთის კრების სახსლავროზე, „რათა არა გამოსჩნდეს წინაშე პირისა



წმიდისა ეკლესიისა, ვითარცა შემტანი ამპარტავენობისა სოფლისა ქრისტეს ეკლესიასა შინა, რომელიც ღვთისა ხილვის მოსურნეთ მიუვლენს სინათლეს სიმარტივისასა და ღღესა სიმდაბლისა“ (აფრიკის ეპისკოპოზთა კრების ეპისტოლე რომის პაპისა მიმართ¹⁾). რაიშა შეეხება იმ გაუგებრობას, რომლის თაობაზე ამბობს უწ. სინოდის თავმჯდომარე ყოვლადსამღვდელო სერგი და რასაც მართლა ჰქონდა ადგილი ჩვენშიც და თქვენშიც, ასეთები გამოწვეული იყვნენ საერო უფროსთა ჩარევით საეკლესიო საქმეებში ასი წლის წინათ და კიდევ იმით რომ საერო მთავრობას მიერ დადგენილი უმართებელესი სინოდი მოწადინებული იყო მორჩილებაში ჰყოლოდა ქართული ეკლესია. გარნა შენ უწყი, უნეტარესო, რომ ყოველივე ეს „მოხდა არა ეკლესიური წესით, არამედ ადამიანთა სხვა გვარი ზრახვებით“, და ამიტომ, რაკი აღვადგინეთ კანონიური წყობილება ქართულსა და რუსულს ეკლესიაშიც, მტკიცეთ უნდა ვუთვალაყუროთ, „რათა შემდგომში არავითარი ესეგვარი არ იქმნეს“ (I მს. ვრება, კან. 2). ხოლო ეს მით უფრო შესაძლებელიც არის და საჭიროც, რომ „წყალობითა ღვთისათა ძველი გარდავიდა, აწ ყ ველივე ახალ არს“ (2 კორინთ. 5, 17). საეკლესიო-სახელმწიფოებრივ ცხოვრების განახლებისას ჩვენცა გვმართებს განვახლოდეთ ჩვენს გრძობებში ურთიერთისად „რათა ამ ჩვენმა ორმა ერთმორწმუნე ხალხმა, თვის ეკლესიურ აღქმათა ერთგულად დამკველებმა, შესძლონ მშვიდობიანი ცხოვრება და თვითოეულმა ადასრულოს მოწოდებანი თვისი ჩვენ ყოველთა საცხოვრებლად და სადიდებლად ღვთისა“.

მადლიუფლისა ჩვენისა იესო ქრისტესი და სიყვარული ღვთისა და მამისა და ზიარება სულისა წმიდისა იყავნ ჩვენ ყოველთათანა. ამინ.

№ 3949.

5 მარიაპოლისთვე, 1919 წელი.

ტფილისი.

¹⁾ უკანასკნელი კათოლიკოზი საქართველოს სამეფოს დროისა. მეფე ერეკლე მე-II-ის ძე. გადასახლებულ იქმნა ქ. ნიჟინოვოგოროდში და იქვე მიიხვალა 1827 წელს 21 ქრისტიანობისთვის. ასაფლავია იმავე ქალაქის ხარების ტაძარში.

²⁾ პროფ.-დოქტორმა სახელ. საბჭოს წევრმა ბუტკევიჩმა თავი „ისახელა“ 1906 წლის უწმიდეს სინოდთან დაარსებულ საეკლესიო კრების წინასწარ თათბირზე, როგორც საქართველოს ეკლესიის უკიდურესმა მოძულემ. მისმა გამოსვლამ და მოხსენებებმა ჩვენი ეკლესიის ავტოკეფალიის წინააღმდეგ აიძულეს აკადემიკოსი ნიკო მარი განეცხადებინა თათბირის თავმჯდომარისთვის, რომ მას შესაძლებლათ არ მიაჩნია კამათი ასეთ უფიც მოხსენებათა ავტორთან.

³⁾ ავტოკეფალიის მოსპობის შემდეგ პირველი რუსი ექსარხის საქართველოში (1817-1821); მის წინ ექსარხობდა ვარლამ ერისთავი (1811-1817).

4) იგულისხმება ამერეთი, აღმოსავლეთ საქართველო.

5) ექსარხოს პავლეს დროს მოჰკლეს ტფილისის სემინარიის რექტორი ჩუღეცკი, რომლის პანაშვიდზე მან სიტყვა წარმოსთქვა და დასწყევლა საქართველო. ტფ. თავად-აზნაურთა მარშალმა დიმიტრი ყიფიანმა ამის გამო საჯარო პროტესტი განაცხადა, რასაც მოჰყვა ამ სახელოვანი ქართველის ქ. სტავროპოლში გადასახლება და იქ ციხეში მისი მხეცურათ მოკვლა.

6) ფრიად დამახასიათებელია, რომ ჩვენი ეკლესიის ავტოკეფალიის მტრები ხშირათ იმოწმებენ ტექსტში აღნიშნულ განსვენებული კათოლიკოზი კირიონის წიგნაკს, ხოლო ავიწყდებათ, რომ ამ საიუბილეო (ასე ვთქვათ სათამადო) სიტყვის გარდა მალალ ავტორს ეკუთვნის მრავალი ნაწერები, რომლებშიაც ის მეწინიერული კრიტიკის ქარცეცხლში ატარებს სინოდის ანტიკანონიკურ დაუფლებას ქართულ ეკლესიაზე. საკმარისია გავიხსენიოთ თუნდაც მხოლოდ ის ოთხი კლასიკურად დამთავრებული ყოველი მხრით შესანიშნავი მოხსენება (ა) ქართული საეკლესიო საკითხი; ბ) რა აიძულებს ქართველებს იმეცადნონ თვისი ეკლესიის ავტოკეფალიის აღდგენისათვის; გ) რომელ ივერიას მიენიჭა ავტოკეფალია მე-XI საუკუნეში; დ) ნაპოთნალური პრინციპი ეკლესიაში), რომელნიც მისმა უწმიდესობამ (იმ დროის ეპისკოპოსმა) წარადგინა უმაღლესი ბრძანებით დაარსებულ 1906 წლის საეკლესიო კრების წინასწარ თათბირზე, რომ არაბრათ იქცნენ საიუბილეო წიგნაკში გამოთქმული შემთხვევითი კომპლიმენტები ექსარხოსებისადმი. უკვათამყოფ ადამიანს უნებლიეთ აღეძვრის ერთი კითხვაც: თუ კათოლიკოზი კირიონი ასეთი სარწმუნო დამცველი იყო რუსეთის სინოდალურ რეჟიმისა საქართველოში, მაშ ესევე სინოდი რადისათვის სდევნიდა მას უმოწყალოდ, რისთვის მიუსაჯა ექსორია რუსეთში, რა მიზეზით აღობდა მას სუზდალისა და სხვა ყრუ მონასტრების ციხეებში? ვანა რომ „Kulturnaia rol Iverii v Rossii“-ის ავტორს მშობელი ქვეყნის მზის ხილვა ეღირსა მხოლოდ იმიტომ, რომ მსხეთის საყდარი თავისი უფალი შეიქმნა! საქართველოს ეკლესიის საქუთმპყრობელის კვერთხიც მიენიჭა პირველადვე მას—ეკლესიისა და ერისათვის განაწამესა და ღვაწლითმოსილ მოამაგეს.

7) მოკლულ იქმნა 1908 წელს ტფილისში სინოდ. კანტორის კიბეზე. მკვლელობის ადგილზე სინოდის განკარგულებით ააგეს ნიშის მსგავსი რამ, სადაც გამოჰფინეს მოკლული ექსარხოსის ანაფორა და ბარტულა. ავტოკეფალიის აამოცხადების უმაღვე, როგორც ეს ნივთები, ასევე ნიშის ალაგებულ იქმნენ.

8) სწობილია, რომ დროებითი მთავრობაც აღმაცურათ ეპყრობოდა ავტოკეფალიის საკითხს: კერენსკიმ ჩვენი საეკლესიო დელეგაცია არ მიიღო, თანაც მიჰმართავდა ყოველგვარ ზომებს საქმის გასაქიანურებლათ. რევოლუციის „გამღრმავებლების“ პაზრით ქართული ავტოკეფალია სახიფათო გახდა „Edinaia nedelimaia“-სათვის, ხოლო რუსეთის რევოლუციის ზვირთებზე მდგომი ზოგიერთი ჩვენი თანა-

მემამულე უფრო გატაცებული იყო „voina do pobedogo kontza“-ს ლოზუნგით და ამის გამო არც ეცალათ ასეთ სათაკილო „კლერი-წალ“ პრეტენზიების გამოსარჩლებიხათვის.

⁹⁾ იმ დროს მდგომარეობა ისეთი ახირებული შეიქმნა, რომ ახლად აღდგენილ ავტოკრატულ ეკლესიის უფლებანი მას საკუთარ ტაძრებზე და სხვა შენობებზე, თუ საზოგადოთ ქონებაზე ეროვნულ-დემოკრატიული პარტიის განკარგულებით შემდგარ რაზმებს უნდა განეარსებინათ. იყო ასეთი შემთხვევა: წმიდა ნინოს ბოდბის მონასტრის იგუმენია ნინომ (ვაჩნაძე) მოახსენა საკათალიკოზო საბჭოს, რომ ტფილისში არსებულ აღნიშნული მონასტრის მეტოქს ყოფილი ილუმენია ანასტასია (რუსი) : რ ანებებს მას, ხოლო შენობის დასაცავათ დაუჩენებია რუსის შავრაზმელები „დუბინებით“. ამ საქმის მოსაგვარებლათ კათალიკოზის ბრძანებით „ხაკავკანსკი კომისარიატში“ წარიგზავნა დელეგაცია, რომელიც მიიღო ერთმა დიდმა მოხელე ქართველ სოციალდემოკრატმა; მან უსიამოვნოთ მოისმინა დელეგაცია და უარი განუტხადა დახმარებაზე. დელეგაციის პასუხზე, რომ საკათალიკოზო საბჭო იძულებული გახდება სხვა ზომებს მიჰმართოს, „სანოვნიკმა“ შეუტყვილა. Ia vas arestui! მეტოქი შეიარაღებულ „მეცინოვნებს“ მაინც ჩამოერთვათ კომისარიატის წევრის ბ. რ—ლის შემწეობით.

¹⁰⁾ აწ განსვენებული ქუთათელი მიტროპოლიტი—გიორგაძე.

¹¹⁾ ამ უმად რუსეთის პატრიარქის მოსაყდრის მოადგილე. განსწავლული ღვთისმეტყველი, რომლის ნაწერები გადათარგმნილია ევროპიულ ენებზე. ჩეკაში მრავალხნობით ნაწამები და ამისა გამო სრულებით გამოთაყვანებული, დაავადებული და იჯავგაწყვეცილი. მისი მმართველობა უნდა ჩაითვალოს რუსეთის ეკლესიის აღრვისა და დაცნინების ხანათ. მასვემიაწერენ სამარცხვინო ფორმულას: „საბჭოთა მთავრობის სიმწუხრე ჩვეხი სიმწუხრეა, ხოლო მისი სიხარული ჩვენი სიხარულია“.

¹²⁾ იგულისხმება კართაგოს მეექვსე ადგილობრივი კრება (მე-V საუკ.). ამ კრებაზე თავმჯდომარეობდა კართაგოს მღვდელმთავარი აგრელიუსი; იმ ხანებში რომის კათედრას ჰმწყესობდა პაპი სელესტინო ვირველი (423-432), კათოლიკურ ეკლესიის მიერ წმიდანათ აღიარებული. რომის ეპისკოპოსს რომ არც აფრიკის ავტოკრატული ეკლესია ჰმოხსავდა განსაკუთრებული პრეროგატივებით მისი ეპარქიის გარეშე, ეს იქიდანან სჩანს, რომ ამ ეკლესიაში განკვეთით ისჯებოდა ყოველი მღვდელი (და საზოგადოთ მღვდელმსახური), რომელიც რაიმე მიზეზისა გამო საჩივრით პაპს მიჰმართავდა. შეადარე: ვატიკანის 1870 წლის კრებაზე მოხსნილი შტრასმაიერის სიტყვა.

მთარგმნელი

† პეტრე სურგულაძე

ვასული წლის 6 ენკენისთვის კონსტანტინოპოლში გარდაიცვალა პეტრე სურგულაძე. „სამშობლოს“ რედაქციას განზრახული ჰქონდა საგანგებო გამოცემის მიძღვნა განსვენებულის ხსოვნისათვის მაგრამ საჭირო მასალების მოგროვება გაგრძელდა და სანამ ამას დასრულებდეთ ამ ჟამად მოკლედ აღვნიშნავთ განსვენებულის მოღვაწეობის უმთავრეს ეტაპებს.

ეროვნული ბრძოლის ასპარეზზე პეტრე სურგულაძე გამოვიდა უკვე 30 წლის წინეთ. მაშინ ის სულ ახალგაზდა მასწავლებელი იყო ქუთაისის სათავად-ახნაურო პროგიმნაზიისა. პეტრე სურგულაძე პატრიოტული იდეების შეუპოვარი მქადაგებელის როლში მოევიწინა ახალგაზრდობას და ამის გამო ის ნამდვილი მისი კერპი გახდა. ამის შედეგი ის იყო, რომ პეტრე სურგულაძე იძულებული გახადეს სრულიად მიეტოვებინა პედაგოგიური ასპარეზი. აქედან იწყება პეტრე სურგულაძის სამწერლო და საზოგადოებრივი მოღვაწეობა. ის აქტიური მონაწილეა ყველა ქართულ საქმეებისა და მისი დამცველი მწერლის ბასრი კალმით. ის მონაწილეობს ქართულს პატრიოტულ გამოცემებში და თვითონ აარსებს საკუთარ გამოცემებს. - მისი მოღვაწეობა იყო ფრიად აქტიური და შეუპოვარი და ამის გამო შეუძლებელი ხდება მისი გავრძელება საქართველოს ლეგალურს პირობებში. ის მიემგზავრება ევროპაში და ჟენევაში აარსებს ქართველ პატრიოტულ წრეს, რომელსაც ქართველ სეპარატისტთა ჯგუფს უწოდებენ. პეტრე სურგულაძე აარსებს ჟურნალ „თავისუფალ საქართველოს“; სადაც ახლიად იცავს საქართველოს დამოუკიდებლობის იდეას. მსოფლიო ომის დროსაც ის ამ სეპარატისტულ წრის მეთაურია.

საქართველოს დამოუკიდებლობის ხანხში პ. სურგულაძე აქტიურად ებმის ჩვენს ეროვნულს საქმიანობაში. ის ეროვნულ-დემოკრატიული პარტიის მთავარი კომიტეტის წევრია და შემდეგ პარტიას ის დამფუძნებელს კრებაში გაჰყავს. ის მხურვალე მონაწილეობასღებულობს ყოველივე ეროვნულს საქმიანობაში და განსაკუთრებით სამუსლიმანო საქართველოს საქმეებში. ეს მეორე ემიგრაცია ფრიად მწარე გამოდგა განსვენებულისათვის ყოველმხრივ. განსვენებულს დარჩა ერთად-ერთი 12 წლის ვაჟი.


საქართველოს ეროვნულ-დემოკრატიული პარტიის საზღვარგარეთის ცენტრალურ ბიურომ პარიზში გადაიხადა პანაშვიდი განსვენებულის სულის მოსახსენებლად. მღ. გ. ფერაძემ მგრძნობიერა

სიტყვა წარმოსთქვა განსვენებულის შესახებ. ბ-მა ალ. ასათიანმა ვრცლად დაახასიათა განსვენებულის მოღვაწეობა და მისი ზნეობრივი პიროვნება დაბ-მა გ. გვაზავამ თავის სიტყვაში მოიგონა განსვენებულთან საქართველოში ნაწარმოები მუშაობა.

† საქართველოს პატრიარქი ქრისტეფორე მე-III.

მრავალ ტანჯულ ჩვენ მშობლიურ ეკლესიას კიდევ ერთი უბედურება დაატყდა თავზედ. ამ წლის დასაწყისში გარდაიცვალა მისი საჭეთა მპყრობელი სრულიად საქართველოს კათალიკოზ-პატრიარქი უნეტარესი ქრისტეფორე მე-III-ე. ჩვენთვის დღეს უცხოეთში მასლების უქონლობის გამო ძლიერ ძნელია მთლიანი სურათის დახატვა განსვენებულ კათალიკოზის პიროვნებისა. ხოლო ნათელია და უდავო ჩვენთვის, რომ ჩვენმა ეკლესიამ განიცადა დიდი ზარალი. მას დააკლდა ის პიროვნება, რომელიც ცდილობდა ეკლესიური ცხოვრება, რამდენადაც ეს შესაძლებელი იყო, მშვიდობიან კალაპოტში ჩაეყენებინა და ამის გამო საქართველოში არსებულ ხელისუფლებასთან ერთგვარი *modus vivendi* გამოეძებნა. მისი უნეტარესობის მოტივები ამ მხრივ არ იყვნენ არც ანტიეკლესიური და არც ანტირელიგიური.

მომავალი თაობა უფრო უკეთ ვიდრე ჩვენი დააფასებს მათ უნეტარესობის ღვაწლს ჩვენს ეკლესიის წინაშე, მაგრამ ჩვენ დღესაც შეგვიძლიან მიუთითოთ მის რამდენიმე ისტორიულ მიღწევებზედ. იგი იყო პირველი ჩვენ კათალიკოზთა შორის, რომელმაც შესძლო ნორმალური კავშირის დაჭერა მსოფლიო პატრიარქთან და იყო ცნობილი მსოფლიო პატრიარქის მიერ. ფაქტი, რომელსაც აქვს ჩვენ ეკლესიისათვის და ერისთვის უაღრესი მნიშვნელობა და უნეტარესი ქრისტეფორე იყო აგრეთვე პირველი ბოლშევიკური რეჟიმის შემდეგ, რომელმაც შესძლო საეკლესიო გამომცემლობის მოწყობა. სხვათა შორის 1928 წ. გამოიცა ჩვენი ეკლესიის კალენდარი, სადაც იყო მოთავსებული სია ქართველ მღვდელმთავართა, სია უქმეებისა და სხ. განსვენებული კათალიკოზი (ერისკაცობაში ქრისტეფორე ციციშვილი) ტფილისის სასულიერო სემინარიის დასრულების შემდეგ იყო მღვდლათ სურამში. ჩვენი ეკლესიის ავტოკეფალიის დროს შედის ქართულ უნივერსიტეტში და გელათის კრებაზე 1921 წელს ირჩევენ მას ურბნელად; კათ. ამბროსის დატუსაღების დროს ის არის მათი უნეტარესობის მოადგილე, შემდეგ ინიშნება



სოხუმ-აფხაზეთში და კათ. ამბროსის გარდაცვალების შემდეგ არჩეულ იქმნა საკათალიკოზო ტახტზედ.


განსვენებული კათალიკოზი იყო ნიჭიერი მქადაგებელი, ურთიერთობაში ფრიად მარტივი და სადა პიროვნება და ჩვენი სიძველეთა უაღრესი მოსიყვარულე და მცოდნე..

მორწმუნე.

ერთი მოხსენების გამო.

13 დეკემბერს ბ. ალ. ასათიანმა წაიკითხა პარიზის ქართული საზოგადოების წინაშე მოხსენება— 1921-23 წლები საქართველოში. იმ მოხსენებებთან ერთად, რომელიც ბ. ალ. ასათიანმა წინეთ წაიკითხა საქართველოს განმათავისუფლებელი ბრძოლის ათი წლის თავზედ, მომხსენებელმა სრული სურათი დაუხატა ქართულ ემიგრაციას იმ დიდი ბრძოლისა, რომელსაც აწარმოებს ქართველი ერი საბჭოთა რუსეთის საქართველოში შემოსევის შემდეგ. ეს მეტად საჭირო და სასარგებლო საქმე იყო. ემიგრაციის ერთი ნაწილი არღებულობდა უშუალო მონაწილეობას ამ ბრძოლაში უცხოეთში ყოფნის გამო. მაგრამ ვინც მისი მონაწილე იყო, ისინიც იცნობდნენ ბრძოლისა და მუშაობის უფრო იმ ნაწილს, რომელშიდაც ისინი მონაწილეობდნენ. მთელი ბრძოლებისა და დიდი ეროვნული მოძრაობის მთლიანი სურათი შეიძლება სკოდნოდათ მხოლოდ რამოდენიმე პირს, რომელნიც ამ საქმის სათავეში იყვენ თავიდანვე.

ავვისტოს აჯანყების შესახებ საკმაოდ თქმულა და დაწერილა. უკანასკნელად ამის შესახებ ფრიად შინაარსიანი მოხსენება გააკეთა გასული წლის 26 მაისს ბ. შ. ამირჯიბმა. ბ. ალ. ასათიანმა თავის მოხსენების საგნად აიღო ამის წინანდელი წლები. თავის მოხსენებაში მან გააშუქა საქართველოს კულტურული ცხოვრება საბჭოების შემოსევის პირველს წელს. ნათლად იქმნა წარმოდგენილი შემოსული რუსეთის პოლიტიკა საქართველოში და ის ძლიერი მასსიური, ხალხური რეაქცია, რომელიც მან გამოიწვია. დიდი ეროვნული გარდატეხა, რომელიც მოხდა ქართველს ერში და რომელმაც წარმოშვა ეროვნული ბრძოლის მძლავრი სტიქიონი და რომელზედაც აშენდა მთელი ჩვენი განმათავისუფლებელი ბრძოლა, მეტად მკვეთრად იყო ახსნილი და გაშუქებული. სვანეთის აჯანყება 1921 წლის შემოდგომიდან 1922 წლის გაზაფხულამდე, კახეთ-ხევსურეთის აჯანყება 1922 წლის ზაფხულ-შემოდგომამდე ქაქუცა ჩოლოყაშვილის მეთაურობით, სამხედრო ორგანიზაციის შექმნა და მისი მუშა-



ობა, პოლიტიკურ პარტიების წყობა და მოქმედება ამ წელთა მანძილზედ და სხ. ვრცლად და დასაბუთებულად იყო გადმოცემული. პარალელურად გაშუქებული იყო საბჭოების პოლიტიკა იმ წლებში და ყველა ის ცვალებადობა, რომელიც მან განიცადა „უკლონისტური“ პოლიტიკიდან დაწყებული ეხლანდელ რეჟიმამდე.

ფრიად სასარგებლო იქნება რომ ეს მოხსენებები დაიბეჭდოს, რომ მით ფართე საზოგადოებას მიეცეს მათი გაცნობის საშუალება.

3. ა.

„თქვენი დამოუკიდებლობა თქვენსავე ხელშია“.

ამას წინად ჩვენს წარმომადგენელს მიეცა შემთხვევა საუბრისა ერთ გამოჩენილ ფრანგ დეპუტატთან, საფრანგეთის დეპუტატთა პალატის უმრავლესობის შემადგენელ ერთ-ერთ გავლენიან ფრაქციის ლიდერთან. სხვათა შორის აი რა უთხრა მან ჩვენს კაცს:

— როგორც მე, ისე საფრანგეთის თითქმის ყველა სახელმწიფო მოღვაწეები, რომელთა ხელშია დღეს უტყუარი საბუთები, ვფიქრობთ, რომ ბოლშევიზმის რეჟიმის ბატონობა მიწურულშია. იგი აუცილებლივ მალე დაინგრევა და თქვენ მოგეცემათ შეძლება სამშობლოში დაბრუნებისა. რა მდგომარეობა შეიქნება რუსეთში ბოლშევიზმის დაცემის შემდეგ არ მაქვს ცხადათ წარმოდგენილი. მაგრამ რაც შეეხება კავკასიის ქვეყნების მომავალს, გეტყვით ერთს: **თქვენი დამოუკიდებლობა თქვენს ხელშია...** თქვენს შინაურ საქმიანობაში, რომელშიაც გაცნობილი ვახლავართ, აკლია ერთობა და მთლიანობა. თუ ბოლშევიზმის დანგრევამდის მიაღწევთ მას—დამოუკიდებლები იქნებით, თუ არა და ადვილი შესაძლებელია, რომ კვლავ რუსეთის ბატონობის საზღვრებში მოექცევით. ვიმეორებ: თქვენი დამოუკიდებლობა თქვენივე ხელშია.

ქართველ უმუშევართა დამხმარე კომიტეტი.

კომიტეტმა დაიწყო თავისი მოქმედება ამა წლის 7 იანვარს, როდესაც მოხდა მისი საბოლოო კონსტრუქცია და კომიტეტმა ჩაიბარა საინციატივო კომისიისაგან საქმეები და ფულათ 235 ფრანკი. თანახმად კომიტეტის რეგისტრაციისა პარიზში არის 78 უმუშევარი ქართველი.

ველი. ამათგან მუნიციპალურ დახმარებას მხოლოდ 26 იღებს.

კომიტეტმა შემდეგი დახმარება აღმოუჩინა უმუშევრებს: 14 მოაწყო სამუშაოზე; 52—მისცა 780 სადილი; 18—მისცა 188 სანოვავის ბონი; 20—სერტიფიკატები სანოვავის უფსაოდ მისაღებად და გზის ფულით დახმარება; 2—მოაწყო საავადმყოფოში და შემდეგ თვენახევრიდ დასასვენებლად; 10—აღმოუჩინა დახმარება კარდიდანტიტეს შესახებ და სხვ. ყოველივე ამაზედ დაიხარჯა 3,872 ფრ. და 50 სან. კომიტეტმა მიიღო შემოწირულებათ სულ 4, 472 ფრ. 15 მარტისთვის კასსაში დარჩა 599 ფრ. და 50 სანტიმი.

კომიტეტი მადლობას უძღვნის ყველა შემომწირველთ და ერთხელ კიდევ მოაგონებს მათ, რომ გაჭირვება დიდია, რაც საჭიროთ ხდის ყოველთვიურ დახმარებას.

კომიტეტის თავმჯდომარე **ბ. ჰელმისა.**
 ხაზინადარი **პ. თუმანიშვილი.**

ქართული წარმოდგენა პარიზში

სცენის მოყვარეთა წრემ, რომელსაც მეთაურობს ბ. შ. ნებიერიძე, 7 თებერვალს დადგა პარიზში სუბათაშვილის დრამა „ლალატი“. ამ წრემ უთუოდ დიდი შრომა გასწია ამ წარმოდგენის გასამართავად. არც ქართულ საზოგადოებას გამოუჩენია უყურადღებობა ამ საქმისადმი ყოველივე ამის გამო ჩვენ ცუდს სამსახურს გაუწევდით, როგორც სცენის მოყვარეთა წრეს, ისე ქართულ საზოგადოებასა და ქართულ თეატრს, უკეთუ დავკმაყოფილდებოდით ტრაფარეტული სიხარულის გამოთქმით იმის გამო, რომ პარიზში ქართული წარმოდგენა გაიმართა და არ აღვნიშნავდით ამ წარმოდგენის უმთავრეს დეფექტებს, რომელთა თავიდან აცდენა არ იყო ძნელი თვით ამ ძალებით და რომელიც მომავალში მაინც უნდა იქნეს გამოსწორებული. წარმოდგენაში მონაწილეთათვის, შეიძლება ერთისა და ორის გამოკლებით, სცენაზედ გამოსვლა სრულიად ახალი საქმე იყო და ასეთს პირობებში მათ ბევრი არ მოეთხოვება. მაგრამ ქართულ სცენას უკვე საკმაოდ მდიდარი ისტორია აქვს და ქართული საზოგადოების მოთხოვნილება და გემოვნება ამ სფეროში სათანადოთ განვითარებულა. ამის გამო უდიდესი შეცდომა იყო, რომ ამ წრემ თავისი სასცენო მოღვაწეობა ქართული რეპერტუარის უძნელესი პიესით დაიწყო. ამის შემდეგ, ვინაიდან სცენაზედ აღამიანთა განცდები სიტყვითა და მოქმედებით გადმოიკემა, ელემენტარული მოთხოვნილებათ, რომ მო-

თამაშეთა მეტყველობა, ხმა და მოძრაობა იყოს შეთანხმებული და შეწყობილი. მსახიობის ყველა დანარჩენი მოთხოვნილებანი უფრო ნაჭის საგანია, ხოლო სიტყვისა და მოქმედების ელემენტარული ტექნიკა ძნელი მისაღწევი არ არის. სულ სხვა სახეს მიიღებდა ეს წარმოდგენა, რომ ვაჟთა პერსონალსაც ისე ბუნებრივად ემეტყველა, როგორც ამას ახერხებდა ქალთა პერსონალი. მათ საერთოდ არა ბუნებრივი კილო ჰქონდათ აღებული, რომელიც ხშირად ნამდვილს ყვირილს წარმოადგენდა.

ზეინაბის როლს ელენე მამულაიშვილის ასული ასრულებდა. დასაწყისში ის მეტად მორიდებული იყო და ვაუბედავი, რაც შემდეგში საგრძობლივ გამოსწორა, მაგრამ საბოლოოდ მაინც ვერ დასძლია ეს და ზეინაბის სულიერი დრამით საკმარისად ვერ აენტო. მოხდენილი გარეგნობა, გაკვირვებული თამაში და მატყველობა საკმარისად ჰგავრავდა ამ ნაკლს. ასევე კარგი შთაბეჭდილება დასტოვეს ცოცხალი და მოხდენილი თამაშით რუჟაიამ, გაიანემ და ისახარმა (ბ. ერისთავის ასული).

საზოგადოება, რასაკვირველია, კმაყოფილი დარჩა სუბათაშვილის შესანიშნავი დრამის ხილვით. ის ჩვენი მრავალტანჯული წარსულის ნამდვილი ექსტოაქცია არის და მისი სიტყვები მის გულს ღრმად სწვდებოდა.

ამ წარმოდგენის გამართვამ ნათლად გამოამჟღავნა, რომ ქართულ ემიგრაციას ქართული წარმოდგენების ხილვის დიდი წყურვილი აქვს და ეს სავესებით ბუნებრივია. ამის მიხედვით საჭიროა გამორკვევა თუ რამდენათ შეგვწევს ძალა ქართული საზოგადოების ასეთი წყურვილის დასაკმაყოფილებლად. ემიგრაციაში ჩვენ არ გვყავს რეჟისორები და გამოცდილი მსახიობები, მაგრამ მასში მრავლად მოიპოვებან ისეთები, რომელთაც ქართული წარმოდგენები მრავალჯერ უხილავთ. ამათ შორის უთუოდ მოიძებნებიან ისეთები, რომელნიც სცენის მოყვარეთა წრეებში არიან ნამუშევარნი და აგრეთვე, ისეთები, რომელნიც ეხლა იწყებენ ამ საქმეს და მისთვის სათანადო სურვილი და თვისებები აქვთ. შინაურულად და ვიწრო წრეში არ გამოინახება საკმაოდ ასეთი ძალები. მაგრამ ეს უთუოდ მოხერხდება საქმის უფრო ფართედ დაყენებითა და ყველა საჭირო ძალების გამოყენებით და ეს საქმეც ამ მიმართულებით უნდა წარმოებდეს.

თეატრალი.

ქართულ ემიგრაციის ცხოვრება.

— ქართული კოლონიის კრება. 3 აპრილს შესდგა ქართული კოლონიის მორიგი კრება. დღის წესრიგში იყო გამგეობის და სარევიზიო კომისიის მოხსენებები და ამ ორგანოთა არჩევნები. გამგეობის სახელით მოხსენება გააკეთა კოლონიის თავმჯდომარემ ბ. ნ. ცინცაძემ და სარევიზიო კომისიის სახელით ბ. ე. ნოზაძემ. საზოგადოებამ დაამტკიცა გამგეობის ანგარიშები და მადლობა გამოუცხადა მას გაწეული შრომისათვის. ალ. ასათიანის წინადადებით გამგეობის არჩევნები გადაიდვა შემდეგი კრებისათვის და არჩეულ იქმნა საგანგებო კომისია, რომელმაც უნდა წარმოუდგინოს ამ სხდომას თავისი მოსაზრებები და გეგმა კოლონიის საქმეების წარმოებისათვის, ახალს პირობებში.

— ბერლინში ქართულმა კოლონიამ გადაიხადა ქართველ საზოგადო მოღვაწის და ძველ ჟურნალისტის ბ-ნ გრიგოლ დიასამიძის 40 წლის იუბილე. ჩვენი რედაქციაც ესალმება მცხოვან იუბილარს და უსურვებს მას, რომ მისი კეთილშობილი ქართული გული, გამსჭვალული სამშობლოსადმი სიყვარულით კიდევ დიდ ხანს ახალგაზღვრად სცემდეს და ამხნევებდეს სამშობლოს მოწყვეტილ ქართველობას მის მძიმე ბრძოლაში საქართ. საუკეთესო მომავლისათვის.

— კავკასიის შესწავლის საზოგადოება. თითქმის წელიწადია რაც პარიზში არსებობს ე. წ. „კავკასიის შესწავლის წრე“ ბ. იოსებ დადიანის თავმჯდომარეობით. ამ წრის მთავარ დანიშნულებას შეადგენს კავკასიის ერთა წარმომადგენელების ერთმანეთის გაცნობა. დაახლოება და კავკასიის ერების ისტორიის და ცხოვრების შესწავლა. ამ ხნის განმავლობაში ამ წრის კომიტეტმა მოაწყო რამოდენიმე საგულისხმო ლექცია და ამ ხანად ლექციების კითხვამ ამ წრეში რეგულარული ხასიათი მიიღო. ლექციებს კითხულობენ ფრანგულ და რუსულ ენებზე. უკანასკნელად წაიკითხეს მოხსენებები ბ-ნ ზ. ავალიშვილმა („კავკასიის ძველი ისტორიები და ახალი კავკასია“); ბ-ნ მ. ამირეჯიბმა—(ამბოხება 1832 წელს) და სირიელ ბერმა სომეხმა (სომხის ეკლესიის ისტორია). მიხ. მუსხელიშვილმა—(საბჭოთა რუსეთის კონსტიტუცია) და ილამაზ დადეშკელიანმა—(საქართველოს ეკლესიის წყობილება). ლექციებს ბლომა ხალხი ესწრება. მის უმრავლესობას კავკასიელები შეადგენენ.

— **ქართული საღამო.** 26 თებერვალს შანხელიზეს ლამაზ სალონებში „ტუბერკულოზით ავადმყოფ ქართველთათვის დამხმარე კომიტეტმა“ გამართა მორიგი საქველმოქმედო საღამო, რომელსაც დიდი საზოგადოება დაესწრო. გარდა ქართველებისა და კავკასიელებისა საღამოს ეწვია მრავალი ფრანგი და უცხოელი, მათ შორის ს. ჟერმენის ძველი ფრანგ საგვარეულოების ოჯახები, აბდულ-ჰამიდის დისწული, ეგვიპტის პრინცესა და სხვ. შამპანიურს ჰყიდნენ ქ-ნი მ. კოსტ, მ. ერისთავისა და ბაჟენოვა (ყაბარდიელი ქალი). უკრავდა შავკანიანების ჯაზი და ორი თარი. მთიელების ლეკურმა ბ-ნი კერეფოვი, ჯამბევი და ქ-ნი შაკოვისა საზოგადოება ალტაცებაში მოიყვანა. ხალხი გათენებისას დაიშალა.

— **ქართული სკოლა ქართულ ბავშვებისათვის.** ამა წლის თებერვლის 4-ს ქართულ ბიბლიოთეკის შენობაში (5, ვილლა დ'ორლენ, მეტრო ალენია) ნაშუადღევს 5½ ს. ქართულ ბავშვებს დაეწყო მესამე მესამე მესამე ქართულ ენაში სრულიად უსასყიდლოთ. მესამე მესამე მესამე იწარმოებს კვირაში ორჯერ: ხუთშაბათობით 5½—6½ საათამდე. კვირაობით 4 საათიდან 5 საათამდე. მესამე მესამე მესამე ხელმძღვანელობს ბ. დ. ხარისჭირაშვილი. მოწაფების წინასწარი ჩაწერა შეიძლება ბიბლიოტეკაში ყოველ დღე 8 საათიდან 10 საათამდე.

საეკლესიო კრონიკა.

მღ. გ. ფერაძე მიწვეულია ოქსფორდის უნივერსიტეტის მიერ ლექციების წასაკითხავად შემდეგ თემებზე: 1) უმთავრესი პრობლემანი ქართლის მოქცევისა და წმ. ნინოს ცხოვრების ახალი ვარიანტის ლიტერატურული წყაროები; 2) ქართული ძეგლები წინა ბიზანტიურ ლიტურჯათა; 3) ქართული ვერსიები მარკოზის სახარებისა და მათი დამოკიდებულება ტატინეს დიატესსორონთან. ამის შემდეგ მღ. გ. ფერაძე იქ დარჩება ერთხანს ბოდლეიონის ბიბლიოთეკის ქართულ განყოფილებაში სამუშაოდ.

17 თიბათვეს ათონის მთაზედ გაიხსნება მართლმადიდებელ ეკლესიათა პროსინოდი ე. ი. მე-8-ე მსოფლიო კრების მოსამზადებელი ინსტანცია. სხვათა შორის დაისმება იქ საკითხი ქართულ და მართლმადიდებელ პოლონურ ეკლესიათა ავტოკეფალიის შესახებ. მღ. გ. ფერაძე დაესწრება ამ კრებას თუ მოხერხდა, როგორც ოფიციალური დამცველი ქართული ეკლესიის ინტერესებისა და ეს თუ არ მოხერხ-

და, როგორც მეთვალყურე. ამის შემდეგ მლ. გ. ფერაძე დარჩება ათონის მთაზედ ქართულ ხელთნაწერების შესასწავლად და შემდეგ გაემგზავრება კონსტანტინეპოლის მსოფლიო პატრიარქთან სადარბაზოდ.

მიუხედავად დიდი სიღარიბისა პარიზის ქართულ ეკლესიას უკვე აქვს თავისი საუნჯე და ზოგი მათგანი ფრიად დიდი ღირებულებისაა: 1) ცნობილ საქართველოს მეგობრის ინგლისელ ბ. ალენის მიერ შეწირული ათონის მთიდან გადმოსვენებული იბერიის ღვთისმშობლის ხატის უძველესი ასლი, იმავე ეპოქის როგორც იყო მოსკოვში იბერიის ხატი. ეს ხატი წარმოადგენს საუკეთესო ნიმუშს ბიზანტიური ქართული ხელოვნებისა; 2) წმინდა ელენეს და 3) წმინდა კონსტანტინეს ხატები გამოჩენილი აკადემიკოსის რთორიზის მიერ დახატული; 4) მღვთისმშობლის ხატი დახატული და შემოწირული მხატვარი ბილანიშვილის მიერ; 5) წმინდა ნინოს შესანიშნავი ხატი კნენა მყაშვილის შემოწირული და 6) გარდამოხსნა დახატული ბილანიშვილის მიერ და მოქარგული ელენე მამულაიშვილის ასულის მიერ.

უსაღსრობის გამოთ ვერ გამოდის „ჯვარის ვაზის“ მორიგი ნომერი. სხვათა შორის ამ ნომერში მოთავსდება „ჯვარის მონასტრის“ ალაპების რამოდენიმე ეტრატი გერმანიაში ნაპოვნი მლ. გ. ფერაძის მიერ. ეს ვერსია გაცილებით უფრო ძველია, ვიდრე აკადემიკოს მარის გამოცემული. რაც შეეხება „შაირთ-შაირს“ (ქებათა-ქება) ის ყურნალ „სამშობლოში“ დაიბეჭდება. „ჯვარის ვაზის“ გამოცემა ჯდება 1000 ფრ. საჭიროა, რომ გულშემატკივარმა საზოგადოებამ გაიღოს ეს ხარჯი.

პარიზის ერთ-ერთ ბიბლიოთეკაში მლ. გ. ფერაძემ აღმოაჩინა წმ. ქეთევან დედოფლის წამება, დაწერილი და დაბეჭდილი ქენევაში მე-17-ე საუკუნის დასაწყისში. ის დაწერილია ბერძნულ და ლათინურ ენებზე და მისი ავტორია გრიგოლ მღვდელ-მონაზონი, პატრიარქის ექსარხოსი. ეს თხუხულება შეიცავს რამოდენიმე ახალს დებულებათ. მისი თარგმანი დაიბეჭდება „სამშობლოს“ შემდეგს №-ში.

დეკემბერში მოხდა საეკლესიო საბჭოს წევრთა არჩევნები. არჩეულ იქმნენ: პროფ. ექვთიმე თაყაიშვილი, ბ. იოსებ დადიანი, ბ. ნ. დადიანი, ბ. ილამაზ დადეშკელიანი (გენერალური მდივანი), გენ. ივ. ჯაფარიძე, ბ. ანდრია დეკანოზი (ხაზინადარი), ბ. იოსებ კემულარია და ბ. ლევან ზურაბიშვილი.

მისი უწმინდესობის, საქართველოს პატრიარქის ქრისტეფორე მე-II-ის გარდაცვალების შემდეგ პატრიარქის ტახტზე ავიდა პატრიარქის მოსაყდრე მიტროპოლიტი კალისტრატე (დეკანოზი კალისტრატე ცინცაძე).

ლუჯი მონოკლი

გამოიცა ახალგაზრდა პოეტის გიორგი გამყრელიძის ლექსთა კრებული „ლუჯი მონოკლი“. წიგნაკი მშვენიერად არის გამოცემული. მასში მოთავსებული ლექსების განხილვა-დაფასებას „სამშობლოს“ მომდევნო ნომერში მივაწვდით მკითხველს. დღეს კი დავკმაყოფილდებით, იმის აღნიშვნით, რომ ავტორს—ამ უდაოდ ნიჭიერს ახალგაზრდას ევროპაში ცხოვრების დრო ტყვილად არ დაუკარგავს და გონებისა და სულისათვის საკმაგო საზრდო მიუტცია.

„დედა-ენა“

„დედა-ენის“ საჭიროება ემიგრაციაში მყოფ ნორჩი თაობისათვის ბევრს უგრძნია. მისი გამოცემაც არა ერთსა და ორს განუზრახავს. მაშთაგან მხოლოდ ბ. დ. ხელაძეს ხვდა წილად ამ ქართული სურვილისა და განზრახვის განაღდება. ბ. დ. ხელაძემ გამოსცა პარიზში ი. გოგებაშვილის „დედა-ენის“ პირველი ნაწილი. გამომცემელმა ქართველის ერთ-ერთი უწმინდესი და მნიშვნელოვანი მოვალეობა შეასრულა. არ დაზოგა საკუთარი მატერიალური საღსარი, და ვისაც მწიგნობრობაზედ უმუშავნია, მისთვის ადვილად წარმოსადგენია ის უამრავლი შრომა და გარჯა, რომელსაც ბ. დ. ხელაძე არა მარტო გამომცემელი, არამედ თავადვე მისი ამომწყობი და დამბეჭდი ამ გამოცემაზედ დახარჯავდა. ქართული პატრიოტული სულიერის გრძნობით შობილი და მშრომელის ხელით სინამდვილედ ქცეული მის ნეტარ-ხსენებულს დედას მიუძღვნა. უჩვეულო და ზნეობრივად დიდად ღირებული გვირგვინია ემიგრანტი ქართველის მიერ დაუტირებელი დედის საფლავისადმი მიძღვნილი.

„დედა-ენა“ მშვენიერად არის დასურათებული და დალაგებული. მისი ასეთი კარგი გამოცემა ერთი ნიმუშთაგანია კერძო პიროვნების თაოსნობისა და საქმისადმი სიყვარულის.

გულისკვნესით უნდა აღინიშნოს, რომ ქართულმა ემიგრაციამ ვერ გამოიჩინა სათანადო ყურადღება და სითბო გამოცემული „დედა-ენისადმი“. ამბობენ ქართულ წიგნს ბაზარი არ აქვსო. ეს ჭაშმარიტებაა. მაგრამ ისეც ხომ უნდაო ჭაშმარიტებაა, რომ ემიგრაციაში ასზედ მეტი ქართველი ბავშვია, უმრავლესობა აქაა დაბადებული ისეც სავალალო ჭაშმარიტებაა, რომ ქართულს ემიგრაციაში მრავალი ოჯახია, ისეთი რომლის წევრებმაც თავიანთი დედა-ენა არ იცა-ან. მაშასადამე „დედა-ენის“ გავრცელება ბაზრის საკითხი კი არ არის. არამედ ქართველობისა, ქართული სულისა, შეგნებისა და პატრიოტობისა, და პატრიოტობა ხომ ყველას ტუჩებზედ აკერნია.

„დედა-ენა“-ში მოთავსებულია მრავალი ანდაზა და ბრძნული თქმულებანი, უაღრესად საჭირონი შესაგნებლად და საცოდნელად. რომელთა სრულად გაგება-შემეცნება „დედა-ენის“ წლოვანების ბავშვის გონებას აღემატება. ზედმეტი არ იქნება ქართველთა უმრავლესობისათვის „დედა-ენის“ გადაკითხვა, სხვა რომ არა იყოს რა მისი გადაკითხვა განუახლებს ბავშობის საუკეთესო ხანის უამთავს, უტკბეს განცდასი...

ე. — ძე.



სარედაქციო კოლეგია.

Le Gérant L. OTTOLINI.



ქართული
ნაციონალური
ბიბლიოთეკა